

*VUMUNDZUKU BYA KAYA RA*

*MUTEKI WALE TILWENI NI*

*MUTEKIWA WALE MISAVENI*

 A hi yimiseni xisweswi xinkadyana, tani hi loko ha hakorhamisa timbilu ta hina sweswi emahlweni ka Xikwembu.

<sup>2</sup> Tatana wa hina wale Matilweni, hakunene ha khensa swinene hikokwalaho ka nkateko wa kuva lahawani namunthla, hi hlanganyela kun'we hi Vito ra Hosi Yesu. Ha khongela leswaku U hi rivalela milandzu ya hina, kutani tani hi laha hi nga lahawani ku ta hundzuluxela rinoko ra hina eka swilo leswi ngariki na Makumu ni Vutomi lebyi nga endzhaku ka rifuwo leri bolaka. Ha khongela leswaku U ta hi nyika ku kongomisiwa ka Wena, hi laha hi faneleke ku jika kona, leswi hi faneleke ku swi endla evuton'wini, hambi kuri evukoneni sweswi, leswaku hi kuma ndhawu ya leyo leyi hi nga...tshembhisiwa.

<sup>3</sup> Ku ni votala lava va vabyaka nikuva vari ni swilaveko etikweni, nakona a va kalanga va fika emakumu na rendzo ra vona. Kutani nala wa hina lonkulu, ku ngari ntsena nala wa hina, kambe nala wa Wena, u tile a ta va hingakanya ni ku—ni ku yimisa vutomi bya vona, ni ku va yisa e—e sirheni leri nga vupfangiki. Kutani ha va kombela, namunthla, leswaku Wena na musa wa Wena na tintswalo, Hosi, u ta engetelela masiku ya vona kuya eka nkarhi lowu wu longoloxiweke.

<sup>4</sup> Leswi swi nga ehenhleni ka platifomo, kumbe phulphiti, ku na swidukwana na maphasele. Kutani etiholweni nale tindhawini hinkwato, ku ni lava va nga eswibedwanini, eka switrechara, vavabyi ni lava va xanisekaka, ndzi yimile eka vayingiseri hi ntamu lowu wu eneleke wo tika kuva ni yima.

<sup>5</sup> O Xikwembu lexi ngariki na Makumu, Lexi Katekeke, i ngaku U nga yingisela swikhongelo swa hina mixo lowu, hi Ngati ya Hosi Yesu; ku nga ri hi ku languta ku homboloka ka hina, kambe hi ku tiva leswaku U yimile etindhawini ta hina, nakona hi Un'wana loyi A hi yimelaka eka swikhongelo leswi. I ngaku un'wana na un'wana a nga hanyisiwa leswaku kuva ku kwetsima ka Wena, Hosi.

<sup>6</sup> Katekisa swidukwana leswi. Leswaku loko swi ya tlhandlekiwa ehenhleni ka vavabyi, va nga ha hola.

<sup>7</sup> Kutani sweswi, Tatana, ku kondza hi rindzela xikhongelo xa kahle xa ku hanyisa, ha pfumela leswaku xi ta landzela, hi handzuleli ndlela ya Vutomi, Hosi, leswaku hi nga ha tiva ku ya hi Rito ra Wena leswi hi fanelaka ku swi endla. Ha swikombela hi Vito ra Yesu. Amen.

<sup>8</sup> Tani hi ntoloveloi, loku i ku kholwa kun'wana ka nkateko wa mina wale henhla, i kuva endlwini ya Xikwembu ku ta vulavula ni vanhu va Xona. Kutani sweswi ndza switiva leswaku wu gandlani ngopfu, nakona ndzi khomile dyondzo yo leha swinene. Swingaleswi ndzi...Ndzi—ndzi tshembha leswaku—leswaku mi ta chavezeleka, tani hilaha mi nga ta kota ha kona, ku fikela laha hi hetaka Hungu.

<sup>9</sup> Sweswi, ka hisa, kambe hi khensa ngopfu xibela-moya lowo titimela. Kambe, ntlawa wa sayizi ley, a wu na xibela-moya lowo titimela va nga wu kumaka, wa vona, hikuva mimiri ya n'wina i yuniti ley yi wu endlaka, kwalomu ka makume nkaye-nhungu wa tidigrisi, kutani wu tshamela ro humesa ku hisa, ni kuva mi tshame ekusuhi nale kusushi. Kambe ndzi—ndzi tshembha leswaku Xikwembu xi ta mi endla leswaku mi chavezeleka tani hilaha Xi nga ta swi endlisa xiswona.

<sup>10</sup> Kutani loko hi ri endzeni, hi endla mihanganyelo ku kotisa leswi, a ndzi—ndzi nga ta pfumela leswaku mi ta, ku ri hava xivangelo, loko ndzi nga ehleketi leswaku swi ta mi pfuna, loko a ndzi nga ehleketi leswaku swi mi endlela swa kahle, nakona mi ta vuyeriwa ha swona, hi kuta. Kutani, hi kutiva leswaku a hi na nkarhi wo tala wo swi endla leswi, leswaku hi—hi fika eka—eka tiawara leti ti pfalaka, kutani ndzi—ndzi lava ku hlayela xinkadyana xin'wana na xin'wana, loku ndzi nga ta ku kota, ni endlela Mfumo wa Xona. Kutani sweswi ndzi tshembha leswaku Hosi Xikwembu xi ta hi katekisa tani hiloko ha ha hlengeletaneke.

<sup>11</sup> Kutani ndzi lava ku mi byela, leswaku, tolo a ndzi ye eka tindhawu to hambanana, kuya vona van'wana va vavabyi ni lava va xanisekaka, eka timotela, kutani a ndzi fanele ku hlangana ni van'wana va timininjhore vhiki leri, eka tin'wana ta tindhawu leti ku dyeriwaka kona. Ku kotisa, loko ndzi ri eRanch House vhiki leri, kwalahaya, kutani mininjhore u ndzi tlhavurile loko ha ha huma. Kutani a ku, a ndzi vitana, "Makwerhu Branham." Ndzi hlamarile leswaku u ndzi tiva njhani. Kutani a ku...

Ndzi ku, "Hi wena mininjhore xana?"

<sup>12</sup> A ku, "Hi mina n'winyi wa yona." Swingaleswi a ku, "Ina, vanhu va wena va ta vata dya haleno, kusuka ehansi lahaya." A ku, "Va..."

Hiloko ndzi ku, "Kunene, ndza pfumela leswaku va ku talele ngopfu."

<sup>13</sup> A ku, “Nkulukumba, walowo i ntlawa wun’wana wa vanhu va kahle lowu ndzi nga se tshamaka ni wu vona.” A ku, “Va kahle hakunene.”

<sup>14</sup> Ndzi ye emotela tolo, ku ya vona manana lontsongo loyi a ndzi lava ku vulavula na yena, tatana wa yena na manana a vari kona, kutani a ndzi fanele kuya eka mininjhhere kuya kuma leswaku hi kwihi laha—laha mot... kamara leri a va ri eka rona.

<sup>15</sup> A ku, “Kutani hi wena Makwerhu Branham xana?” Kwalaho hile henbla eka Oaks.

Kutani ndzi ku, “Ina, nkulukumba.”

<sup>16</sup> A ku, “Ndzi lava ku tlhavula voko ra wena.” A ku... A ndzi tivisa eka nsati wa yena; vatekani vo saseka. Va ku, “Munhu un’wana na un’wana eka motela leyi u ta eka tinhlengeletano ta wena. Hi yi hlaysiale vona.” Kutani a ku, “Tikhastamu hinkwato letin’wana ta hina ha ti tlherisa.”

Hiloko ndzi ku, “Kunene, ndza mi khensa ha sweswo.”

<sup>17</sup> A ku, “Makwerhu Branham, wun’wana wa ntlawa wa kahle swinene lowu ndzi nga se tshamaka ndzi wu vona, i vanhu lava va taka lahawani, lava va yaka eka tinhlengeletano ta wena.”

<sup>18</sup> Ndzi nghenile madyambu ya tolo ku ya eka munghana wa mina, Nkul. Becker ehansi lahawani, kutani minkarhi yo tala ndzi tsakela masangweji ya yena. U tani hi... U, ndzi n’wi tive ndza ha ri jaha; ndzi n’wi tive vutomi bya mina hinkwabyo. A kuri ni vatekani va tshame kwalahaya va huma e—e ehansi endhawini ya khale, ehansi eRiverside Hotel ehansi lahaya. Swingaleswi... Nkul. Becker u teri, “Billy?”

<sup>19</sup> Ndzi ku, “Xana i yini, Homer?” Hi tivana kahle swinene.

U teri, “Ndzi phamela vanhu va wena hinkwavo lahaya.”

<sup>20</sup> Kwalomu ka madzana mambirhi, kumbe swin’wana, Sonto wun’wana na wun’wana, va dya eka Blue Boar. Ni hinkwako laha a ndzi ya kona, ndzi twa va hlamusela hilaha mi nga kahle ha kona.

<sup>21</sup> Nakulorhi loyi u teri, “Ehansi eka—eka Riverview ehansi kwalahaya,” u teri, “hinkwayo ndhawu liya yi tekiwa hi vanhu lava va taka eka nhlengeletano.” A ku, “Ku ni madzana lava va nga swilaviki ku nghena.”

<sup>22</sup> Swingaleswi, kuva hi ndlela ya leyo, eka mina mi munyu wa misava. Ndzi—ndzi khense ngopfu ku twa sweswo leswaku ndzi na nkateko wo chumayilela vanhu lava hambi i vadyohi ni vanhu... A ndzi vuli leswaku vanhu lava i vadyohi, kambe ndzi vula leswaku vanhu valava, van’wamabindzu ni kuya emahlweni, lava va nga ta vula leswaku mi vanhu va kahle, nakona va mi amukela eka bindzu ra vona, ku rhendzeleka hi tindhawu ta vona hinkwato. Ma swi tiva, sweswo swi na munyu. Ndza swi amukela sweswo, matikhomele ya n’wina, hi ndlela leyi swilo mi swi tekisaka xiswona.

<sup>23</sup> Minkarhi yo tala ndzi ri, “Loko un’wana a nghena kutani a nga swikoti, a pfumala mali yo hakela xikweleti xa yena, ntsena ni foyineleni.” Wa vona? Ndzi ku, “Hi ta endla swin’wana ha swona.” Kutani ndzi ku, “Tshamelani ro va phamela, hambi va na mali kumbe va ri hava.” Wa vona, swin’wana na swin’wana leswi swi nga endliwaka.

<sup>24</sup> Ndzi titwa mi ri vana va mina. Mi—mi tinyeleti leti ndzi... Loko ndzi tshame ndzi va na yin’we loko ndzi fika lahaya, mi tava ribye rero ra nkoka, xiphemu lexi xi vangamaka, eka—eka harhi ya ministri wa mina. Loko wu tava wu ambexiwile harhi, mi tava ribye rero ra nkoka.

<sup>25</sup> Nakona a ndzi ri eku mi byeleni, eka minkarhi leyi yi nga hundza, hi kokwalaho ka Swilemo swa Nkombo, Tinguva ta Kereke, ni leswi a—a swi teka ndhawu.

<sup>26</sup> Kutani sweswi, mixo lowu, ndzi na dyondzo ya nkoka. Eka mina, hi yin’wana ya leti ti katekisaka swinene. Ndza tshembha leswaku yi mi ba hi ndlela yin’we. Kutani loko ndzi nga yi tisa ntsena hi nhlohlotelo lowu ndzi nga wu kuma eka yona, swi ngava swi sasekile, kambe sweswo swile ka Xikwembu ku swi endla.

<sup>27</sup> A ndzi ri eku mi byeleni hi *laha* ni *leswi* swi humevelaka, kutani ha swi vona hinkwaswo swi humevela.

<sup>28</sup> Sweswi ndzi ya vulavula, mixo lowu, hi: *Vumundzuku Bya Kaya Ra Muteki Wale Tilweni Ni Mutekiwa Wale Misaveni*, laha va nga taya va ya hanya kona. Nakona, hikwalaho, ndza tshembha leswaku hi tintswalo ta Xikwembu hinkwerhu ka hina hi na xiave eka i khonomi ya leyo leyikulu ya Xikwembu.

<sup>29</sup> Kutani sweswi ndza—ndza tshembha leswaku mi ta yima na mina, vanani na Tibibele ta n’wina, na tipenisele ta n’wina, kumbe swin’wana leswi mi nga swi endlaka ku hlaya na mina, hikuva ndzi ya kongomisa eka Matsalwa yo tala. Hi ta ringeta ku hatla hi nghena emhakeni leswaku hi ta khongeleta vavabyi; kutani ndza swi tshembhisa sweswo. A mi ri eku khongeleteni ka xin’we lexintsongo xo heteleta xinkadyana, etikamareni ni hinkwako, eka lava ntsena va nga ha pfunekiki ha nchumu ni lava va nga ha tshembhelekiki.

<sup>30</sup> Kutani, hi ku rhandza ka Hosi, kumbexani ndzi nga hava na xikhongelo xin’wana hi ra vukhume ntsevu, kumbexani xikhongelo xa vavabyi ntsena.

<sup>31</sup> Ndzi sungula ku endzela ka mina sweswi. Ku sukela hi Sunguti leyi nga hundza, a ndzi ri eku fambeni, nakona ndzi ta tlhela ndzi vuya lahawani. Ndzi tava kona. Ndzi ta teka ndyangu wa mina ni wu yisa eTucson ni mixo, kutani ndzi ta tlhela ndzi vuya ndzi ta teka nkarhi ehansi lahawani eKentucky, ni van’wana va va nghana va mina, ku ya hlota, ni ku hlota vamaxinjani, ku ringana mavhiki yo hlaya, kumbe nkombo kumbe nhungu, khume ra masiku, hambi ya ngava ya ngani,

handle ka loko Hosi yi nga ndzi yisa kun'wana. A ndzi swi tivi, ntsena laha mi nga tava kona; a hi switivi sweswo, hikuva sweswo swile mavokweni ya Xikwembu, Xikwembu xi ri xoxe.

<sup>32</sup> Sweswi eka dyondzo leyi leyikulu, hi—hi...ndzi fanele, loko ndzi nga teka nkarhi wa mina eka leyi, hikuva mi ta fanela ku nghenisa swilo swo tala, yi nga ha teka mavhiki. Kambe ndzi tsarile Matsalwa man'wana ehansi, tinotsi tin'wana, ntsena ku ba mavala ya yingwe ya swona, laha swi nga ta mi endla mi dyondza.

<sup>33</sup> Kutani ku nga ri khale, kumbexani, hi ku rhandza ka Hosi, hi Nhlangu, a ndzi switivi leswaku rini, kambe hambi Xi nga nyika yini, ndzi ta tsakela kuva na—na masiku ya ntsongo nyana, ntsena eka nhlengeletano leyi yi nga tshamiseka, eka ku avanyisa ka vu12 ka Nhlavutelo, leswaku hi yi boha ni leyi yi nga lahawani. Oho, ndzi pfumela leswaku swi tava kahle. Ntsena swi tava tano. Swi tava swi ri kahle ku vona leswi A swi endleke.

<sup>34</sup> Swingaleswi, hina hi ta kun'we sweswi, ndzi vurile madyambu ya tolo, ndzi ku, "Ma swi tiva, loko ndzi..." Ni mixo, tani hi mixo wun'wana na wun'wana, ndzi ehleketa, "Loko ndzi rheleta ndzi ta lahawani, ndzi ta tiva un'wana na un'wana wa vanghana va mina lava va nga lahaya." Sweswi ndzi taya ndzi ya swi endlisa ku yini?

<sup>35</sup> Ku va na mina lahawani, tani hi munghana wa mina wa kahle, Dokodela Lee Vayle u tshamile endzhaku lahawani, nsati wa yena la rhandzekaka na wanhwana. Na Makwerhu Roy Borders, nakona, ndza ehleketa, Makwerhu Ruddell, Makwerhu Beeler, na Makwerhu Palmer, na Makwerhu Jackson. Kutani, oho, mina, ku—ku... Vamakwerhu va vona lavo rhandzeka kusuka eka swiyenge hinkwaswo swo hambana! Makwerhu Anthony Milano, kutani, oho, hinkwako laha mi ku langutaka, ma n'wi vona makwerhu un'wana! Kusuka ehansi eArkansas, a ndza ha ehleketi hi mavito ya vona; Makwerhu John, Makwerhu Earl Martin, na Makwerhu Blair. Nakona, oho, ntsena ku na... n'wina... Ntsena a ri na makumu, ma swi vona. Ndzi tsake ngopfu ku va na ntlawa ku kotisa lowu wu nga hlengeletana wu nga ndzi rhendzelza loko ndza ha dyondzisa Rito ra Xikwembu, vanhu lava ndzi ehleketa leswaku i vanhu va kahle, vanhu va ntiiyiso va Xikwembu.

<sup>36</sup> Ndza khensa hikokwalaho ka xitabernakelani lexi. Ndza khensa hikokwalaho ka minyangwa ya ntlhanu leyi yi nga pfulekela vanhu. Nyangwa wun'wana na wun'wana... Hi na madiyakoni ya mune lahawani, vavanuna lava va nga tatiwa hi Moya; mathirasti ya mune, vavanuna lava va nga tatiwa hi Moya. Ku ni vambirhi enyangweni wun'wana na wun'wana. Nakona wu na nyangwa lowu wu nga ha kambirhi emahlweni, wa vafundhisi va mbirhi, ku nga varisi.

<sup>37</sup> Hi tsakile ku va na n'wina; hi khensa Xikwembu ha leswi. I ngaku Xi nga mi katekisa ku ya emahlweni.

<sup>38</sup> Sweswi hi lava leswaku hi yima nyana swintsongo, loko ha ha hlaya Petro wa Vumbirhi kuavanyisa ka vu3, kutani nakambe nale ka Buku ya Nhlavutelo 21.

<sup>39</sup> Tani hiloko hi yima, O Hosi, tata timbilu ta hina hi ntsako hikokwalaho ka Rito ra Wena, hi ku tiva leswaku Yesu u teri, leswaku, "Matilo ni misava swi ta hundza, kambe Rito ra Mina ri ngaka ri nga hluleki." Ha switiva nakambe leswaku U teri, "Matsalwa hinkwawo ya boheka ku hetiseka." Kutani tani hiloko hi hlaya swilo leswi, leswaku hi nga ha va ni ku twisia loku ku humaka eka Wena, eka awara leyi hi hanyakaka eka yona. Ha swi kombela hi Vito ra Yesu, Mutsari wa Buku. Amen.

<sup>40</sup> Petro wa Vumbirhi 3.

*Varhandziwa, epistola leyi i ya vumbirhi, leyi ndzi mi tsalelaka yona; kutani ha tono letimbirhi ndzi pfuxa ku twisia ka n'wina loku tengeke ndzi ri karhi ndzi mi anakanyisa:*

*Leswaku mi ta anakanya timhaka leti nga bvumbiwa hi vaprofeta lava hlawuriweke, ni milawu ya vaapostola va n'wina leyi yi nga ya Hosi ni Mulondzovoti:*

*Mi va mi rhanga hi ku tiva mhaka leyi, leswaku hi minkarhi ya makumu vasori va tata hi ku vungunya, va famba hi ku navela ka vona,*

*Kutani va ta ku, Ku kwihi ku tshembhisa ka ku vuya ka yena?... (Loko sweswo swi nga hlangani ni wansati ya loye wo ka a nga tshembhekangi!)... hikuva mpfhuka ku fa vakokwana, hinkwaswo swa ha tiyile swa ha kota e ku sunguleni loko ku vumbiwile hinkwaswo.*

*Hikuva va endla ha vomu, loko va nga tivi leswaku matilo a ma ri kona khale, ni misava leyi nga humesiwa matini yi va yi hanya exikarhi ka mati hi rito ra Xikwembu:*

*Swoleswo misava ya nkarhi lowuya, yi nga lovisiwa ha swona, yi mbundzuxiwa hi mati:*

*Kambe matilo ni misava, ya sweswi, swi hlayiseriwa ndzilo hi rito rolero, swi londzovotiwa ku ya fika siku ra ku avanyisa ni ra ku lova ka vanhu lava nga chaviki Xikwembu.*

*Ntsena, varhandziwa, ku va ni mhaka yin'we leyi mi nga tshukeni mi yi rivala, hi leswaku siku rin'we e ka Hosi ri fana ni malembe ya khume ra madzana, kutani malembe ya khume ra madzana ma kotisa siku rin'we.*

*Sweswi, Hosi a yi hlweri ku endla leswi yi nga tshembhisa swona, ku kotisa loko vanhu van'wana va ehleketa leswaku ku hlwela ku kona; kambe wa ha lehisa mbilu hikwalaho ka n'wina, hikuva a nga rhandzi leswaku ku lova ni un'we, kambe u rhandza leswaku hinkwavo va ta e ku hundzukeni.*

*Kambe siku ra Hosi ri tata ku kotisa khamba ni vusiku; kutani...ha rona matilo ni misava, hi huwa leyikulu...ma ta hundza hi ku pfuma loku chavisaka, masungulo ya hinkwaswo ma ta hela hi ku tshwa, kutani misava ni mintirho leyi nga ka yona yi ta tshwa.*

*Kutani leswi hinkwaswo swi nga ta hela, swa mi fanela ngopfu-ngopfu e ku hanya hi mukhuva wa munhu wa ku tenga ni ku chava Xikwembu,*

*Mi ri karhi mi langutela ni ku hatlisisa ku ta ka siku ra Xikwembu, leri matilo ma nga ta tshwa ha rona ma hela, kutani masungulo ya hinkwaswo ma ta nyuka hi ku tshwa?*

*Kambe, hi langutela hi ku tshembhisa ka yena, e matilo lamantshwa ni misava leyi ntshwa, laha ku lulama ku akeke kona.*

*Hikwalaho, varhandziwa, loko mi langutele leswo, chivirikani leswaku mi nga kumeki...mi ta kumiwa hi yena e ku rhuleni, mi nga ri na xivati, ni swisandzu.*

*Kutani mi ringanisa leswaku Hosi ya hina loko yi lehisa mbilu i ku mi hlayisa; ku kotisa loko...Paul... makwerhu la rhandziwaka a mi tsaleleke na yena hi vutlhari lebyi a byi nyikiweke;*

*Hi laha...a swi endlaka tiepistoleni ta yena hinkwato, loko a vula timhaka leti;...exikarhi ka tona ku nga ni tin'wana leto nononhwa ku twisia, leti lava nga dyondzangiki ni lava tsekatsekaka, va ti hombolokisaka, ku kotisa—ku kotisa Matsalwa man'wana, e ku lahlekeni ka vona.*

*Hikwalaho loko mi ri n'wina, varhandziwa, leswi mi swi tivaka swi nga si humeleta, tilanguteleni, mi nga ta kokiwa ni van'wana...hi ku kanganyisa ka lavo homboloka, mi ta lahlekeriwa hi ku...tiya ka n'wina.*

*Kambe kulani etintswalweni,...ni ku tiveni ka Yesu Kreste Hosi ni Muhlayisi wa hina. Ku kwetsima a kuve ka yena sweswi ni ku ya fika siku leri nga takar i nga heri. Amen.*

<sup>41</sup> Sweswi eka—eka Nhlavutelo wa Kreste, eka ku avanyisa ka vu21, ndzi hlaya Marito lawa.

*Kutani ndzi vona tilo leri ntshwa ni misava leyintshwa: hikuva tilo lero sungula ni misava leyo sungula a swi hundzile; ni lwandle a ri nga ha ri kona.*

*Kutani mina Yohana ndzi vona ni muti lowo kwetsima, Yerusalema lowuntshwa, lowu xikaka hile tilweni e ka Xikwembu, wu tilunghisile ku kota mutekiwa la ti bombiseleke nuna wa yena.*

*Kutani ndzi twa rito lerikulu ri huma exiluvelweni ri ku: Vonana, tabernakela ya Xikwembu exikarhi ka vanhu, xi ta aka na vona, ri tava tiko ra xona, kutani Xikwembu xi tava na vona hi xiviri xa xona, xi va Xikwembu xa vona.*

*Xikwembu xi ta hlangula mihloti hinkwayo emahlweni ya vona; kutani rifu a ri nga havi kona, a ku nga havi na nkosi, hambi kuri ku kolola, kumbe ku vaviseka: hikuva leswo sungula swi hundzile.*

*Kutani la tshamiseke xiluvelweni a ku, Vonani, hinkwaswo ndzi swi endla leswi tshwa!...a ku ka mina, Tsala: hikuva marito lawa ma tiyile i ya ntiyiso.*

*A engeta a ku ka mina, Swi herile. Hi mina Alfa na Omega, ku sungula ni ku hela. Loyi a nga ni torha ndzi ta n'wi nyika ntsena emati ya swihlovo swa vutomi.*

*Loyi a nga ta hlula u ta dya ndzhaka ya swoleswo; ndzi ta va Xikwembu xa yena, yena ava n'wananga.*

A hi khongeleni nakambe.

<sup>42</sup> Hosi Yesu, hi xitshembhiso xo kotisa xexo ni hi kuvulavula kwaloko ku ngariki ko huhwa tani hi Yesu yena hi Yexe ni muapostola va hi nyikeke ku ya hi awara leyи hi yi tshunelelaka, hi nyike, O Hosi, tlhelo ra Wena, leswaku hi nga ha tiva ku ri tshunelela hi ndlela ya kahle. Hikuva, rile kuteni, ha switiva. Matsalwa ya boheka ku hetiseka, nakona swi tava tano. Kutani sweswi, Hosi, hi kombela tintswalo ta Wena nakambe ehenhleni ka hina hinkwenu, tani hiloko ha ha dyondza Rito ra Wena. Vana na hina u hi tlharhamulela Rona, Hosi, ha swikombela hi Vito ra Yesu. Amen.

Mi nga tshamisa.

<sup>43</sup> Sweswi, ndzi nga hlamala loko va ngava va fambile kumbexani, kumbexani va nga hi timela mavoni kusuka eka odithoriyamu leyikulu, kutani ntsena mi tshika lawa ya nga eka platifomo lahwani, laha swi nga antswaka kumbexani, ni ku teka gezi rin'wana. Ku fikela laha a hi lava ku hisa transfoma, madyambu man'wana. Kutani loko vahlayisi va nga hi endlela swona, hi ta amukela leswaku va tima mavoni yale ndzhaku, mavoni ya odithoriyamu leyikulu, ya timiwa. Kutani ndzi pfumela leswaku hi tava na ndhawu yo tala leyи hi nga yi vonaka, ni ku tsala.

<sup>44</sup> Sweswi, nhloko-mhaka nakambe, ku yi tivisa, leswaku hi tshunelela nhlo—nhlo nhloko-mhaka ya: *Vumundzuku Bya Kaya Ra Muteki Wale Tilweni Ni Mutekiwa Wale Misaveni*.

<sup>45</sup> Sweswi tani hiloko swi ri tano...ntsena ndzi taya ndzi ya endla leswi. Ntsena ka hisa lahawani, wa vona. Ina, nkulukumba. Tani hi laha hina...ndza swi tiva leswaku nsati wa mina a nga swi tsakeli leswaku ndzi swi endla sweswo; kambe, leswaku, ku hluvula baji ra mina. Ntsena ku hisa swinene ehenhla lahawani. Wa vona, mi kuma moyo kwalaho, ntsena wa tsema-tsema eka xipanani lexi nga lahawani, wa vona. Sweswi, e—e evuton'wini, kumbe...

<sup>46</sup> Nkarhi lowu nga hundza, kumbexani, hi dyondzile hi *Swilemo Swa Nkombo, Tikereke Ta Nkombo*. Makwerhu Vayle na van'wana vale ku ti tirheni sweswi, hi ku tshembheka, leswaku ti kumeka hi xivumbeko xa buku.

<sup>47</sup> Hi ku vona swilo leswi swa swi hundla leswi hi nga swi vona swi humelela, kutani ndzi ehleketa leswaku, endzhaku ka ku swi twisia sweswo, eka awara leyi hi hanyaka eka yona, na xiymo; ku hava na un'we loyi a nga swilavaka ku tshama ehansi hi vutitwi bya kahle a kambisisa leswi ku nga vulavuriwa hi swona, ni leswi swi nga tshembhiswa ku humelela, ni leswi swi nga humelela, kambe loyi a nga vulaka leswaku swilo leswi swi hetisekile. Wa vona? Hakunene kuya hilaha Xikwembu xi nge teri Xi ta swi endla, Xi swi endlile hakunene ku ya hi papila. Wa vona?

<sup>48</sup> Sweswi, ndzi ehleketa leswaku eka leswi, leswaku, wu ngari ku tivekeni leswaku wu ngava nkarhi muni lowu Hosi Yesu a nga humelelaka ha wona, a ndzi ehleketa leswaku swi ngava kahle, swi tikomba swi tsakisa Moya lowo Kwetsima leswaku hi ta vulavula hi swona, sweswi; kumbexani ku tlhelela endzhaku eka swona nakambe, yi mbirhi kumbe minkarhi yi nharhu, hikuva a ndzi ngevi na nkarhi wo miyela ni rhomba wa ku humesela leswi ehandle.

<sup>49</sup> Tani hi laha u nga ba nhloko-mhaka leyi yi—yi nga ha vaka xikhunguvanyiso eka un'wana, a wu nge swikoti ku yi rhwala ndlela hinkwayo u yi veka erivaleni, kutani u tlhela u vuyela endzhaku nakambe ku ta khoma nhloko-mhaka leyi yi landzelaka.

<sup>50</sup> Kutani ku ya emahlweni, eka...loko Hosi yi swi rhandza, hi ta nghena eka swilemo swa 12, kumbe ku ngari swona....Ndzi khomeleni. Ku avanyisa ka vu12 ka Nhlavutelo, laha ku nga exikarhi ka ku Vuya ka Hosi ni ku hetelela ka Timhala-mhala, ni kuya emahlweni. Hi ta ringeta ku swi vuyisela endzhaku sweswo, ku kombisa leswaku Sathana i mani, ni leswi a swi endleke, laha a humaka kona, xikongomelo xa yena xi ri xihi, ni hilaha ku saseka ka yena ka kahle loku ku nga n'wi endla leswaku a wa. Ku kanganyisa ka yena ku n'wi endle leswaku a wa; vu mphohlo.

<sup>51</sup> Swingaleswi, hilaha leswi swi nga endlekiki swa munhu un'wana na un'wana leswi a lavaka ku swi languta kahle, "mbewu" ya leyo ya nyoka. Ndzi ta endla ntlhontlhlo eka sweswo, eka un'wana na un'wana, wa vona, lava va nga ta lava ku swi languta, ntsena na—na ku twisia kun'we loku ku hetisekeke. N'wana a nga ha swivona. Wa vona? Sweswi, nakona hi ta nghena eka swona endzhaku.

<sup>52</sup> Sweswi, ha switwisia lahawani leswaku Matsalwa lawa ya mbirhi... Xivangelo xa kuva ndzi hlaya Petro wa Vumbirhi kuavanyisa ka vu3, ni kuva hi yi pimanyisa na Nhlavutelo 21, ha timbirhi ka tona ti vulavula hi dyondzo yin'we, kambe Yohana a nga—a nga yi tsalanga ku kotisa Petro hilaha a swi endliseke xiswona. Wa vona? Ha swi twisia leswaku vumundzuku bya Kaya leri ra kahle ra Mutekiwa ri fanele ri va kwalahawani emisaveni.

<sup>53</sup> Kutani loko mi hlaya, ntsena ku kotisa kuavanyisa ka 21, kuavanyisa ka 21 ka Nhlavutelo, muapostola lahawani u teri, kumbe muprefeta u teri, leswaku, "Ndzi vona Matilo lama Ntshwa ni Misava leyi Ntshwa." Swi twakala tani hi loko lahaya ku ta makumu.

<sup>54</sup> Sweswi, ndlela leyi ndzi kumaka Mahungu ya mina hi yona i xikhongelo. Ndzi tshama exikhongelweni kutani swin'wana swi ndzi hlavutela. Kutani na ku rindzela xinkadyana nyana kutani ndzi vona loko swi ri ntiyiso, kutani ndzi titwa swi ri ekusuhan. Kutani minkarhi yin'wani ndzi tshamela ro rindzela ku kondza swi humelela hi xivono. Kambe loko xi sungula ku ta, kutani ndzi titwa ndzi enetiseka leswaku xi huma eka Xikwembu, kutani ndzi ya eMatsalweni. Wa vona, hi Xona xexo, xi fanele xi va xi tiyisiso xa nchumu wun'wana na wun'wana wa ximoya lowu wu endlekaka, hikuva Bibele i nhlavutelo lowu wu nga hetiseka wa Yesu Kreste; wa vona, Wu Miri wa Yena.

<sup>55</sup> Kutani sweswi, eka sweswo, nkarhi wun'wana ndzi kuma ndhawu eka Matsalwa lawa ntsena ya nga twakaliki kahle, kutani ndza hlamala. Ndzi tlhelela endzhaku nakambe eka xikhongelo. Xi vuya nakambe. Kutani ndzi—kutani ndzi sungula ku—ku kambisisa Matsalwa ya mina.

<sup>56</sup> Sweswi, Bibele ya hina yi tsariwe hi Xitsonga, kutani marito ya Xitsonga ya ncinka, nkarhi hinkwawo. Xikombiso, tani hi Mukwetsimi Yohana 14, yi teri, "Vuako byi tele eNdlwini ya Tatana," vuako endzeni ka yindlu. Kunene, swingaleswi, n'wina, mi endla yini hi yona, hi yi tlherisela endzhaku eka—eka yo sungula kutani hi vona leswaku Yakob a vula yini, kumbe hi tlhelela endzhaku eka Vaheveru, kumbe eka Xigriki, ku suka eka hundzuluxo wo sungula. Kutani kwalahaya yi ri, "EMfun'weni wa Tatana wa Mina ku ni vuako byo tala." Kunene, manuku, mi vuyela endzhaku eka nkarhi

lowu va hundzuluxi va nga hundzuluxa ya King James, *mfumo* wu vitaniwile, hi Xitsonga, “yindlu,” nakona hosi a yi ri tatana eka varhumiwa va yona. Hi xona xivangelo xa kuva va hundzuluxile leswaku, “Vuako byi tele eNdlwini ya Tatana.” Wa vona? Kutani swingaleswi loko u kuma marito lawa kutani u fanele ku ma hlota.

<sup>57</sup> Swingaleswi, ma swi vona, kusuka eka nhlohlotelwa lowo... Phulphiti leyimixo lowu, ndzi ri, a yi se tshama na kan’we yi ngavi nchumu handle ka ku lulama, hi Matsalwa. Sweswo hi laha *Mbewu Ya Nyoka* ni hinkwaswo swilo leswin’wana swi nga tisa xiswona. Wa vona? Hi...

<sup>58</sup> Nakona i, hakunene, loko nakulorhi a nga hlaya a tlhela a ku, “Vuako byi tele eNdlwini ya Tatana,” loko u nga tshiki ku hlaya, u khongela, u ta pfilunganyeka. Wa vona? Kambe ntsena tshamelani ro khongela. *Xikwembu minkarhi hinkwayo* xa swi lulamisa, loko swi huma eka *Xikwembu*.

<sup>59</sup> Sweswi, Yohana u hlamusela ku ncinka na na-... hilaha swi nga tisa xiswona.... A nga swi hlamuseli, kumbexani, kambe Petro wa swi hlamusela. Yohana ntsena u teri, “Ndzi vona Matilo lama Ntshwa ni Misava leyimizo Ntshwa; tilo ro sungula ni misava yo sungula a swi hundzile. A ku nga hari hava na lwandle. Mina Yohana ndzi vone Doroba ro kwetsima ri xikela ehansi ri huma eka *Xikwembu* xa Matilo, ri ti lunghisile ku kotisa Mutekiwa loyi a ti bombiseleke Nuna wa Yena.” Kambe, hi pfula eka Petro wa Vumbirhi sweswi ku ya kumisisa, Petro u hlamusela hilaha maendlelo lawa ya nga ta tisa xiswona. Sweswi, loko mi nga languta leswi Yohana a nga swivula, swi twakala tani hiloko, “Matilo yo sungula na misava yo sungula swi hundzile,” swi mbundzumuxiwile. Wa vona, swingaleswi, sweswo swi twakala swi chavisa. Swingaleswi sweswo hi leswi swi ndzi baka, kutani ndzi sungurile ku languta rito, “ku hundza.” Nakona, sweswi, kambe swile rivaleni leswaku ha vumbirhi bya leswi, muapostola na muprofeta, a va vulavula hi nchumu wun’we.

<sup>60</sup> Kutani sweswi, nakambe, eka Buku ya Esaya, sweswi, loko mi lava ku tsala Matsalwa lawa sweswi, eka Esaya 65:17. Esaya, yi vulavula hi Miliniyamu, gidi lero ra malembe yo wisa eka—eka vanhu va *Xikwembu*. Esaya u vulavurile hi swona, kutani a ku, “Mina... A ku ri na... Hinkwaswo leswa khale swi hundzile,” ni hilaha va nga ta aka ha kona tiyindlu, va tshama eka tona. Loko a hi ri na nkarihi... Kumbexani ntsena hi teka nkarihi hi—hi hlaya leswi ntsena xinkadyana, Esaya 65, nakona ntsena a hi swi hlayeni nyana xinkadyana lahwani. Kutani lahwani hi leswi, swi kahle, eka hina. Sweswi, kuva hi sungula, Esaya 65:17.

*Hikuva, maswivo, ndzi vumba matilo lamantshwa ni misava leyintshwa:...*

<sup>61</sup> Sweswi, Esaya, wa muprofeta, hi un'wana wa vaprofeta lava va nga tsala Bibele ya khale hi vuprofeta bya yena. U sungurile hi ku tumbuluxiwa; exikarhi ka Buku, kwalomu ka kuavanyisa ka vu40, ku tile Yohana Mukhuvuri, eka Testamente leyi Ntshwa; yi ta hetelela lahwani, eka Buku ya yena, eka Nhlavutelo, eka Miliniyamu. Ku ni tibuku ta makume ntsevu-ntsevu eka Bibele, nakona ku na kuavanyisa ka makume ntsevu-ntsevu eka Esaya. U tsarile ntsalo wa buku lowu nga hetiseka.

<sup>62</sup> Sweswi, hi kuma leswaku, lahwani u le ku kumeni ka kuavanyisa ka vu65, kun'wana ku avanyisa ko engetela, kutani u vulavula hi Miliniyamu. Swi xiyisiseni, swi saseke njhani.

*...maswivo, ndzi vumba matilo lamantshwa  
ni...misava leyintshwa: timhaka ta khale a ti nga  
ha tsundzukiwi, kumbe ti nga ka ti nga ha tlheleri  
miehlekeweni. (Swi fanele “ku hundza.”)*

*Kambe hikwalaho ka—ka leswi...ndzi nga ta  
swi vumba: tsakani, mi tsakisisa hi masiku, hikuva  
Yerusalem ndzi n'wi tumbuluxela ku tsaka, ni tiko ra  
yena e ku tsakisisa.*

*Kutani ndzi ta titsakela ha Yerusalem, ndzi ta tsaka  
hikwalaho ka tiko ra mina: kutani ku nga ka ku nga  
ha twakali rito ra swirilo, hambi...kuri ku huwelela  
ka ku chava.*

*Kona a ku nga havi na swihlangi...leswi  
velekiweleke masiku ma nga ri mangani, hambi...  
swikoxa leswi nga hetisiki ntsengo wa masiku ya  
swona: hikuva u ta fa a ri lontshwa loyi a nga ta  
fa a ri ni dzana ra malembe; kambe rhukano wu ta  
wela swidyohi loko swi ta va ni dzana ra malembe.  
Swingaleswi ku tava...*

*Va ta aka tindlu, va ta tshama ka tona; va ta byala  
tivhinya, va dya mihandzu ya tona.*

*Va nga ka va nga ha aki tindlu, leswaku un'wana a ta  
tshama kona; (lero i, purasi ra n'wina, jaha ra n'wina  
ri va mudya-ndzhaka ya rona, kumbe van'wana lava  
va nga vadyi va ndzhaka)...va nga ka va nga ha byari,  
leswaku un'wana a ta dya lahaya: (va tirimela vona  
hi voxé va tshama kwalahaya; va ni Vutomi lebyi nga  
Heriki)...hikuva masiku ya tiko ra mina ma ta ringana  
ni masiku ya mirhi, kutani ku leha ka...vahlawuriwa  
va mina va ta tsakela ntirho wa mavoko ya vona.*

*Va nga ha tikarhateli swa hava, va nga ha veleki  
vana eku va vona va hatla va fa; hikuva va ta va rixaka  
leri katekisiweke hi Yehovha, kutani vana va vona va  
ta hanya na vona.*

<sup>63</sup> Sweswi lemukani, lahawani hilaha ndzi lavaka ku nghena kona, endzhaku nyana.

*Ku ta humelela leswaku, loko va huwelela, ndzi ta hlamula; loko va ha vulavula, ndzi ta va yingisa.*

Kutani *mhisi ni xinyimpfana swi ta dya swin'we, nghala yi ta dya byanyi tani hi homu:...nyoka yi ta dya ntshuri.* Nakona ku nga ka ku nga endliwi leswo biha kumbe ni leswi onhaka entshaveni hinkwayo ya mina leyo kwetsima, kuvula Yehovha.

<sup>64</sup> I xitsembhiso xa njhani, xa vaprofeta lava na tintlharhi ta kahle, vadyondzisi va Bibele, endzhaku eka minkarhi ya khale, ku vona Siku leri ro kwetsima loko ri ta!

<sup>65</sup> Hi mi ntsalo leyi, un'wana a nga ha ehleketa, kumbe a fambisiwa, kumbexani, a pfumela leswaku planete hinkwayo, ya misava leyi, yi ta herisiwa, "Ndzi ta endla Tilo leri Ntshwa ni Misava leyi Ntshwa," wa vona, leswaku matilo ya ta famba na misava yi ta famba, swi mbundzumuxiwa hi ku hetiseka. Kambe hi ku dyondza loku ku nga ekusuhi, ni hi ku pfuniwa hi Moya lowo Kwetsima, hi nga ha vona Ntiyiso wa leswi; nakona sweswo hi leswi hi yaka eka swona.

<sup>66</sup> Kova ntsena moya lowu wu nga eka yona, ni vudyoho lebyi byi nga ehenhlensi ka misava, leswi swi nga ta herisiwa. Wa vona? Sweswi, hi swi tekerile enhlokweni leswaku *matilo* swi vula "mpfhuka lowu wu nga ehenhla." Wa vona?

<sup>67</sup> Xana yi endla yini? Yona sweswi, mahlwehlwe lawa, na vuvabyi, na rifu, na tipolotiki, na vavanuna va vadyohi, na vavasati va vadyohi, na mimoya yo biha, hinkwaswo swi tava swi fambile swi mbundzumuxiwire. Wa vona? Yi fanele ku endliwa hi ndlela ya leyo, hikuva hi ya hanya kona kwala. Hi ta swi khorwisa sweswo hi Bibele. Kona kwala hi laha hi hanyaka kona. Sweswi lemukani, mahlwehlwe, switsongwatsongwani, hinkwawo mavabyi na swin'wana, swi ta susiwa hi ku hetiseka. Hinkwaswo leswi, i ku humelela ka leswi swi nga emisaveni sweswi, mafambiselo lawa ya nga endliwa hi munhu, tipolotiki, vudyoho, ni tinxaka hinkwato ta mimoya yo biha leyi misava yi nga nyamisiwa hi yona, ni hinkwawo matilo lawa ya nga ehenhla lahawani, ma nyamisiwile hi moya lowo biha. Sweswi hi ta nghena hi vuenti ni hi ku lehisa, eka leswi, wa vona.

<sup>68</sup> Hinkwaswo leswi humelelaka ematilweni, kumbe empfhukeni, ni misava laha ku nga leyi. Misava leyi yi rhwale swilo leswi, kambe a yi nga makeriwanga hi xikongomelo xexo. Vudyoho byi yi endlise xisweswo. Wa vona? Yi endliwile hi Xikwembu, lexi nga Mutumbuluxi. Kambe hinkwaswo...

<sup>69</sup> Kutani hinkwayo mi miri ya hina, leyi hi hanyaka eka yona sweswi, a yi vekiwile emisaveni loko Xikwembu xi ta yi vumba,

hikuva mi huma eritshurini ra misava. Hinkwaswo a swi vekiwe kwalahaya. Loko Xikwembu hi Xoxe xi yi tumbuluxa, a mi ri eka mianakanyo ya Xona. Kutani eka Xona, lexi Kulu lexi nga riki na Makumu, a kuri mianakanyo, laha ku nga swibye swa Xona.

<sup>70</sup> Kutani vudyoho byi vangile leswaku hinkwaswo leswi swi humelela. Kutani Xikwembu, ku nga hi nguva leyi, xi le ku hlengeleteni ka nhundzu ya Xona.

<sup>71</sup> Sathana wa hari kona lahawani. Hi xona xivangelo xa kuva hinkwaswo leswi swi humelela. Wa ha ri kona lahawani, ni hinkwawo matimba ya yena ya vubihi ya ha ri kona. Lemukani, hi yona mhaka misava yi thyakeke ngopfu. Hi yona mhaka khuvi ni leswi swi hlekisaka leswi swi yaka emahlweni; ku halaka ka ngati, nyimpi, tipolotiki, vudyoho, vugangu, tinxaka hinkwato ta thyaka leti ti yaka emahlweni, swi hi kokwalaho ka kuva Sathana a ri mufumi wa misava leyi na mpfhuka lowu.

Mi ri, “Mpfhu- . . . ?” Ina, nkulukumba!

<sup>72</sup> Havumbirhi matilo ni misava sweswi swi nyamisiwile hi madimona lawa ya nga ta hi henhla emahlweni ka Xikwembu. Yesu u Kwalahaya leswaku a hi khongeleta. Wa vona? Loko vahehli va ha kombetela rintiho, “va endle *leswi*, va endle *leswi*, va endle *leswi*,” kambe Ngati ya ha funengeta. A tele ku ta kutsula Muhlawuriwa ya loye A nga n’wi vona ro rhanga. Hi yona mhaka yi thyakeke namuntlha.

<sup>73</sup> Lahawani, muapostola, eka Petro wa Vumbirhi lahawani, ku avanyisa ka vu2, kutani ya vu5 ni ya . . . ni ya vu5 ni vhesse ya vu6. Ina, ndzi ku kumile. A kongomisa eka swiyimo swinharhu swa misava. Wa vona, u—u kuma swiyimo swinharhu swa yona. Lemukani hilaha a swi tisaka ha kona.

<sup>74</sup> “Misava ya khale yi yimile ehandle ka mati,” sweswi, ya leyo a yi ri misava ya ndhambhi.

<sup>75</sup> Sweswi, leyi yi nga yona, misava leyi yi nga kona sweswi, leyi yi vitaniwaka “misava.”

<sup>76</sup> “Misava ya khale leyi yi nga yima ehandle ka mati,” Genesa 1:1. Sweswi nakona “misava” leyi sweswi yi nga kona. Kutani swingaleswi, nakambe, u yi kongomisa eka yin’wana, “misava leyi yi nga tata,” Misava leyi Ntshwa. Misava yi nharhu; swiyimo swinharhu swa misava.

<sup>77</sup> Nakona xiyisisani hilaha Xikwembu xi andlalaka ha kona makungu ya Xona eka hina ya ku kutsula. Oho, leswi ntseña swi rhurhumerisa moyo wa mina loko ndzi swi vona, hilaha Xi a ndlarisaka xiswona lahawani makungu ya Xona eka hina ya ku kutsula. Sweswi pimanisani leswi hi swivonaka hi mahlo ya hina. Leswi Xikwembu xi swi endleke loko xi kutsula misava ya Xona, Xi endle makungu yan’we ni loko xi kutsula

vanhu va Xona, hi kuva i Xikwembu lexi xi nga hundzukiki eka makungu ya Xona hinkwawo ni swin'wana. I nchumu wo kwetsima njhani!

<sup>78</sup> Hilaha Xi hi rhangeleke ha kona ku ta eka Xona, ku ta eka tabernakele leyi yi nga eka hina, hi swiyimo swi nharhu swa tintswalo; ntsena loko Xi tava xi rhangerile misava hi swiyimo swi nharhu, loko xi ta emisaveni. Tani hi Xikwembu xi nga tata emisaveni endzhaku ka loko yi fambile swiyimo swi nharhu swo hambana swa ku tengisiwa, sweswo hi swona hakunene hilaha Xi taka eka hina hi swiyimo swinharhu swa tintswalo. Ndzi swi dyondzisile emasungulen; a ndzi kalanga ndzi ncinka, ku sukela. I Rito ra Xikwembu.

<sup>79</sup> Mi fanele ku hlayisa swi nharhu swa n'wina kun'we, swa nkombo swa n'wina, swa khume mbirhi swa n'wina. Tinambara ta Bibele ti boheka ku famba hi ku hetiseka kumbe mi ya kuma xifaniso xa n'wina xi hlangananile. Loko mi nga swi twisisi, ntsena tshamelani ro khongela. Mi langutisa, ti ta tsemekela endzeni, hakunene. Xikwembu xi hetiseka eka nharhu. Wa vona?

<sup>80</sup> Lemukani, "misava ya khale," ya ndhambhi; "misava" leyi yi nga kona sweswi; ni Leyi yi taka.

<sup>81</sup> Sweswi, xiyimo xo sungula i kuva Xi hi tisa eka... Wa vona, makungu ya Xona ya ku kutsula ya fanana eka hinkwaswo. Xi tirhisa maendlelo ya n'we. A Xi kalanga xi hundzuka. Xi teri, eka Malakiya 3, "Ndzi Xikwembu, Lexi nga Hundzukiki." Hi ndlela leyi Xi swi endlisaka xi swona, swingaleswi, loko Xi tshame xi ponisa munhu wo sungula loyi Xi nga tshama xi n'wi ponisa, hi ku halaka ka Ngati ya Loyi a nga riki na nandzu, Xi ta fanelaka ku ponisa ni loyi a landzelaka; kutani un'wana na un'wana loyi Xi n'wi ponisaka u ta fanelaka kuva hi ndlela yin'we.

<sup>82</sup> Loko Xi hanyisa munhu nkarhi wun'wana na wun'wana eka rendzo ra vutomi; swi fanele swi va nile ka masiku ya Yesu, ya vaapostola, ya vaprofeta, hambi ya ngava wah; loko xiyimo lexi xi nga xin'we ku hlanganiwe na xona, Xi fanele ku swi endla nakambe. Hi swona sweswo. A Xi ncinci. Vanhu va ncinka, minkarhi ya ncinka, tinguva ta ncinka, ku hangalaka ka ncinka, kambe Xikwembu xi tshamisa xisweswo. Xi hetisekile. I ku tsembha ka njhani loku ku fanelaka ku nyikiwa vanhu lava va vabyaka!

<sup>83</sup> Loko Xi tshame xi hanyisa munhu, Xi fanele ku swi endla nakambe loko ku hlanganiwa na xiyimo xo fana. Loko Xi tshame, xi tshame xi ponisa munhu, Xi fanele ku swi endla nakambe eka misava yo fana ni leyi Xi swi endleke eka nkarhi wo sungula. Loko Xi tshame xi tata munhu hi Moya lowo Kwetsima, Xi fanele ku tlhela xi swi endla eka misava yin'we

ni leyi Xi swi endleke ro sungula. Loko Xi tshame xi pfuxa munhu esirheni, Xi fanele ku swi endla nakambe ra vumbirhi, ni minkarhi yin'wani hinkwayo, hi nawu lowu wu nga wun'we.

<sup>84</sup> A Xi ncinci. Oho, i ku tshembha ka njhani loku ku ndzi nyikaka! I yini xana? Ku nga ri swin'wana swa leswi swi nga endliwa hi miehleketo ya munhu, swin'wana leswi ntlawa wa vanhu va nga hlengelletana; kambe hi Xona Rito leri nga hundzukiki.

Mi ri, "Xana swi Ntiyiso?"

<sup>85</sup> Xi teri, "Rito ra munhu un'wana na un'wana ri ngava vunwa, kutani ra Mina ri va ntiyiso." "Hikuva matilo ni misava swi ta hundza, kambe Rito ra Mina ri ngaka ri nga hluleki." "Matsalwa hinkwawo ya nyikiwile hi ku hloholoteriwa, swingaleswi swi kahle swi tlhela swi vuyerisa eka dyondzo." Nakona tsundzukani, leswaku, "Matsalwa hinkwawo ma ta hetiseka," xin'wana ni xin'wana xa wona.

<sup>86</sup> Xiyisisani hilaha Xikwembu a xi hi andlalela swona ha kona erivaleni. Kutani loko sweswo swi ngari ku-ku tiyisisa loku kulu, ka kahle...leyi kulu, minkateko ya rirhandzu leyi yi humaka eka Xikwembu! Loko ndzi swi vona leswi, ni ku swi vona sweswo kusukela loko ndza ha ri xijahetani, kusukela ro sungula loko Kreste a ta tirhana na mina, ndza ha dyondzisa swiyimo leswi swinharhu swa tintswalo. Lemukani loko swi nga ri ntiyiso sweswi.

<sup>87</sup> Sweswi, goza ro sungula i "ku hundzuka eka Xikwembu." Kutani lexi xi landzelaka endzhaku ka sweswo, i nkhuvulo wa mati, "nkhuvulo wa mati," "Hundzukani, mi khuvuriwa hi Vito ra Yesu Kreste." Wa vona, nkhuvulo wa mati wu landzela, ku kombeta leswaku ku hundzuka i ka xiviri. Kumbe, ku "tshika" swidyoho swa hina leswi swi nga hundza, byebyo a byi na nchumu byi nga swi endlaka hi vudyoho bya vutomi. I ku tshika ntsena. "Hundzukani, mi khuvuriwa hi Vito ra Yesu Kreste." Leswaku ku humeleta yini? "Ku rivaleriwa." Ku cukumetela ekule vudyoho lebyi nga hundza a byi na leswi byi nga swi endlaka ni vutomi. Ntsena, vudyoho bya n'wina byi choteriwile byi suka, eka leswi mi nga swi endla.

<sup>88</sup> Mi ngaka mi nga vuyelerisi leswi Adam a nga swi endla. A hi n'wina mi nga swi endla; i Adam a nga swi endla. Ntsena mi kuma ku rivaleriwa eka leswi mi nga swi endla. Ntumbuluko wa khale wa ha ri kwalahaya.

<sup>89</sup> Mi nge ntsena ndzi teka bodo leyi xinkadyana. [Makwerhu Branham a pfapfarhuta exitsalelwani—Muhleri.] Sweswi, *lahawani* i mbilu ya munhu. Sweswi, a ndzi...ndzile kule ngopfu ni kuva mupfapfarhuti. *Lahawani* i mbilu ya munhu; kutani *lahawani* i mbilu ya munhu. Sweswi, leyi yin'wana yi nga *lahawani* yi na nyoka eka yona, byebyo i vudyoho, *lahawani* u na vutomi bya yena. Leyi yi nga *lahawani* yi na tuva eka yona, laha ku nga Moya lowo Kwetsima, *lahawani* u

na Vutomi. Kunene, leyin'wana *lahawani*, yi na lunya, rivengo, rizondho; sweswo hi swona swi vangaka, nakolorhi loyi a nga *lahawani*. Kunene, leyi yi nga *lahawani* yi na rirhandzu, na ntsako, ni ku tiyisela; nakona Sweswo hi swona swi swi endlaka, ehansi *lahawani*.

<sup>90</sup> Sweswi, loko mi tava mi komberiwile, kumbe mi rivaleriwile swidyoho swa n'wina, ntsena mi endlile leswi, mi cukumetela *sweswo* ekule. Kambe nchumu lowu wu nga mi endla leswaku mi swi endla wa hari kona. Rero i rimintsu ra khale ra vudyoho; ra hari kona. Lemukani, kutani ma hundzuka kutani mi khuvuriwa hi Vito ra Yesu Kreste, leswaku A mi rivalela milandzu ya n'wina. Lemukani.

<sup>91</sup> Swingaleswi, xa vumbirhi, ku ta ku kwetsimisiwa, loku ku tshamisisaka miehleketo ya hina hi ndlela leyinene leswaku yi kwetsima, ku ehlaketa kahle. Ku susiwa...ku kwetsimisiwa i rito leri ri nga katsana ra Xigriki, laha swivulaka "ku basa, ni ku tshamisisiwa etlhelo u tshamela xikhongelo."

<sup>92</sup> Swingaleswi, lexi xi landzelaka, ku ta nkhuvulo wa Ndzilo na Moya lowo Kwetsima, leswaku Xikwembu xi nga ha tshama endzeni ka hina. Kutani Ndzilo wa Xikwembu wu basisa timbilu ta hina eka vudyoho, kutani wu nghenisa Moya lowo Kwetsima endzeni. Kutani hi humesa Vutomi byo fana ni bya *Loyi* a byi humeseke, hikuva Yaloye u le ka hina.

<sup>93</sup> Lemukani, eka ku tswariwa ka ntumbuluko, loko wansati a ta tswala n'wana. Vutomi bya ntumbuluko byi xifaniso xa vutomi bya ximoya. Loko wansati a ntswala n'wana, wa ntumbuluko, xo sungula lexi xi humelelaka i ku boxeka ka mati, ku landzela ngati, se ku landzela moya (ku nga vutomi). Wu fika wu jombha nakolorhi lontsonga wu n'wi phakata [Makwerhu Branham a phokotela mavoko ya yena kan'we—Muhleri.], hiloko a famba, a ri karhi a rila. Mati, ngati, moya.

<sup>94</sup> Kutani loko sweswi n'wana a tswaleriwile eka Mfumo wa Xikwembu, u ta ku fana: mati, Ngati, Moya.

<sup>95</sup> Sweswi lemukani, ku kwetsimisiwa, xiyimo xa vunharhu...xiyimo xa vumbirhi xa swona, ku basisiwa ka miehleketo; ku tshamisisiwa ka mbilu, miehleketo ya mbilu, hi ku endlela ku kwetsima.

<sup>96</sup> Munhu a nga ha hundzuka eswidyohweni kambe wa ha tama a swi ehlaketa...Kambe, kumbexani i—i munhu wa vugangu, wansati un'wana na un'wana loyi a langutekaka a ri wa vugangu a n'wi kumaka, u va a hari kwalahaya. Kumbexani i xidakwa; nkarhi hinkwawo u hefemula byalwa, swi va swa ha ri kwalahaya. Wa vona?

<sup>97</sup> Kambe loko a kwetsimisiwa, sweswo swi hlantswa ku tsakela kwaloko ku huma eka yena. Wa vona? Ku susa ku navela ka swona. A nga ha ringiwa, kambe U susa ku navela ka swona. Hambi swi ri tano, i va a nge se va kahle.

<sup>98</sup> Swingaleswi, u khuvuriwile hi Moya lowo Kwetsima na Ndzilo. U basisiwile, swi hisiwa, a basisiwa; kutani a vekiwa exikhongelweni xa Xikwembu.

Ku kwetsimisiwa ntsena ku va veka ethlelo va *vekeriwela xikhongelo*.

<sup>99</sup> Nakona xiysisani ntsena hilaha sweswo swi tisaka xiswona, mahungu ya ta. Martin Luther, na kuva hi lulama; John Wesley, hi kwetsima; mapentekostal, hi nkhuvelo wa Moya lowo Kwetsima. Mahungu, kwalaho hilaha ku nga taka ku nga havi na tinguva tin'wana ta wona, wa vona. Hile nkarhini wa makumu. Swiyimo swi nharhu. Nkhuvelo wu basisa mbilu hi Moya lowo Kwetsima.

<sup>100</sup> Hilaha swi baka ha kona sweswi, U teka ndhawu leyи hi fanelaka ku tshama eka yona, hi maendlelo yan'we.

<sup>101</sup> Sweswi, U vitanile Kereke hi kuva yi lulama, a Yi vitana hikuva yi kwetsimisiwa, kutani a Yi tata hi Moya lowo Kwetsima na Ndzilo. Kutani U Yi teke kuya hi maendlelo, leswaku Yena hi Yexe, Moya lowo Kwetsima hi Yexe, N'wana wa Xikwembu, a nga tshama embilwini ya ximunhu. Sweswi, Wu fanele ku fambisa xisweswo loko Yena a nge se ta eka Wona.

<sup>102</sup> Lemukani, U endlile misava, laha Mutekiwa ya loye a yaka a ya tshama kona, hi ndlela yin'we, hi makungu yan'we ya Xona ya—ya ku ponisiwa.

<sup>103</sup> Lemukani misava ya ndhambhi. Yena, endzhaku ka loko yi tava yi hundzukile, kuya hi Mutekiwa wa siku lero, Nowa, U yi nyikile nkhuvelo wa mati, yi funengetiwa hi mati. Ku landzela, ku lulamisiwa, ku kombisa leswaku U le ndleleni ya Yena yo vitana misava leyи yi weke, kusuka eEden, leswaku yi tlhelela endzhaku eka ku tlheriseriwela nakambe.

<sup>104</sup> Hiloko Kreste a ta a ta halata Ngati ya Yena ehenhleni ka yona, a yi basisa ni ku yi koxa. [Makwerhu Branham a gongondza ephulphitini ko hlaya—Muhleri.] Wa vona, ya leyo i misava leyи hi hanyaka eka yona sweswi.

<sup>105</sup> Ma swi vona hilaha Sathana, lahawani eMatsalweni, a ringeteke ha kona ku N'wi endla leswaku a yimisa makungu ya Xikwembu ya ku yi amukela, a N'wi nyika yona loko a tava a N'wi yisile entshaveni, kutani a ringeta ku N'wi nyika yona handle ka nxavo wa Ngati?

<sup>106</sup> Mi kale mi swixiyisisa hilaha Abraham, loko va tava va ringetile ku n'wi nyika tiko, u ri xavile hi tixikele to tala ta silivhere, emahlweni ka vanhu, tani hi mujekwe, tani hi mbhoni? "A swi tiveki namunttha leswaku ndzi yi xavile ndzhawu leyи yi xavisiwaka." Wa vona, ku yi xava! Nakona Sathana u ringetile ku—ku N'wi nyika mfumo lowu wu nga wa yena sweswi. U ringetile ku N'wi nyika yona tani hi nyiko, kambe U yi arile. Hikuva yi, wa vona, swingaleswi Sathana

a nga ha tshamela ro yi koxa. Kambe, yi fanele ku xaviwa. Amen. A ri Rito hi ku hetiseka lahaya. A va nga ta swi kota ku N'wi hambukisa eka yona.

Swingaleswi, sweswi yi fanele ku kuma nkhuvulo wa Ndzilo.

<sup>107</sup> Wa vona, swi tano na sweswi... Ku humeleta yini xana? Kreste u tile a ta vitana Kereke leswaku yi hundzuka, nkhuvulo hi Vito ra Yesu Kreste, leswaku yi rivaleriwa; ku kwetsimisiwa Kereke; kutani Ndzilo wa Xikwembu wu enhlela ehansi wu hisa thyaka hinkwaro, kutani wu ta wu ta tshama embilwini ya ximunhu.

<sup>108</sup> Sweswi, misava, leswaku yi kutsuriwa hi munhu loyi a kutsulaka, U tirhisa maendlelo ya Yena yan'we. U yi khuvula hi mati, endzhaku ka ku hlaseriwa hi ndhambhi. A halata Ngati ya Yena ehenhleni ka yona, leswaku a yi kwetsimisa ni ku yi koxa. I ya Yena.

Sathana u ringetile ku vula leswaku, “Ndzi ta Ku nyika yona.”

<sup>109</sup> A ku, “Ee, nkulukumba, Ndzi ta yi xava.” Yona a yive mbhoni. U tlakurisiwile ehenhla, leswaku a va mujeko, wa leswaku Wa yi xava. U yi xavile.

<sup>110</sup> Kambe sweswi yi fanele ku famba ku ya hi nkhuvulo wa Ndzilo, Ndzilo wo kwetsima wo huma eka Xikwembu, lowu wu basisaka misava na matilo lawa ya nga yi rhendzela. Swingaleswi, yi xaviwile leswaku mukutsuri a nga ha hanya ehenhla ka yona, a hanya eka yona hi ku rhula. Lemukani, nkhuvulo wa Ndzilo i kuva wu yi basisa eka vudyoho, eka vuvabyi, eka switsongwa-tsangwani swa vuvabyi, eka vadyohi, eka javulosi ni ntlawa wa yena hinkwawo. U ta fanela ku cukumetiwa, eka Tiva ra Ndzilo. Ndzilo wo Kwetsima lowu wu humaka eka Xikwembu, wu xikela ehansi wu suka eka Xikwembu, kusuka eTilweni, kutani wu yi hisa, lemukani, ku yi endla leswaku yi lulamela Xikwembu ku tshama eka yona. Hikuva, Xikwembu, eka Misava leyi Ntshwa leyi yi taka, i kuva xi tshama emisaveni. Hikuva, mi ri, “Xikwembu, Xi tshama embilwini ya ximunhu.” Kambe, Xona na Mutekiwa va va Xin'we, kutani va ya eKaya ra vona eka Misava leyi Ntshwa. Ni makungu yan'we yo kutsula ya tirhisiwile ku kutsula, havumbirhi, misava ni vanhu lava hanyaka eka yona.

<sup>111</sup> Wa vona, mbilu yi fanela ku basisiwa tani hi sweswo. Xikwembu xi nga si xikela ehansi hi munhu wa Moya lowo Kwetsima, laha ku nga Kreste a xikelaka ehansi a ta tshama embilwini ya ximunhu, xosungula yi boheka ku hundzuka. Yi boheka ku khuvuriwa hi mati, hi Vito ra Yena, ku kombisa leswaku yi kongomane na mani.

Swingaleswi yi boheka ku basisiwa hi Ngati ya Yesu.

<sup>112</sup> Kutani ku ta Ndzilo wo kwetsima na Moya lowo Kwetsima, swi huma eka Xikwembu, swi xikela ehansi swi ta hisa hinkwako ku tsakela ka vudyoho, ntumbuluko hinkwawo wa misava. “Kutani, swingaleswi, loyi a dyohaka hi vomu endzhaku ka loko a amukele vutivi bya Ntiyiso...” Swingaleswi, nakambe Bibele yi teri, “a swi koteki...” Loko, mu—mu munhu loyi a nga tswariwa hi Xikwembu leswaku a nga ha dyoha; a nga dyohi.” Ku hava ndlela ya ku dyoha eka yena. A ngava mudyozi njhani, a tlhela a va mukutsuriwa, hi nkarhi wuri wun’we xana? Ndzi ngava njhani eka xikhafani, nale handle eka xikhafani, hi nkarhi wuri wun’we xana? Wa vona? Oho, U hi ku tsurile hi Ngati ya Yena; hi Moya wa Yena U hi basisile; kutani a ta a ta tshama eka hina, hi nga Kereke. Ku nga ri dinominexini, sweswi; Kereke!

<sup>113</sup> Yingisani swinene sweswi tani hiloko ha ha teka leswi, tindhawu leti hi ya—ya ka hi ya tshama eka ton. Sweswi, sweswi, ku—ku hundzuka ka ndhambhi, swingaleswi, ku tisile nkhyvulo wa mati. Swingaleswi Kreste u tile a ta halata Ngati ya Yena ehenhleni ka yona, ku ta yi basisa ni ku yi koxa. Hi loko ku ta, lexi landzelaka, ku hlaseriwa ka misava tani hi sweswi.

<sup>114</sup> Vudyoho hinkwabyo lebyi byi nga ehenhla ematilweni, “hi yena hosanna ya matimba lawa ya nga empfhukeni,” u susa (ku susa tinyimpi) minkateko leyi yi humaka eka Xikwembu. Kwalahaya ku huma matilo ya mabawuti na rihati swi fika swi ba misava, ni hinkwaswo, kusuka ematilweni, malakani ya mpfula ya swilayi, na swizeze, swize...mabubutsa ni hinkwaswo, “swi ta swi huma ehenhla,” leswi nga Sathana, “hosanna ya matimba yale mpfhukeni.”

<sup>115</sup> Lemukani, ma swi vona hilaha Sathana a ringetekе ha kona ku yi teka, tani hilaha ndzi vuleke xinkadyana lexi xi hundzeke, hi ku yi nyika Yesu handle ka kuva a yi xava. Swingaleswi, Sathana hambi swi ri tano wa ha koxa, hikuva yi funghiwile endleveni, wa vona. Kambe Yesu u yi xavile hi ku halata Ngati ya Yena ni ku yi vuyisela eka mufumi loyi a yi lulameleke. Wa vona? Sweswo hi leswi a hi tiseke xiswona, hi Ngati ya Yena, hilaha A tiseke Kereke ha kona.

<sup>116</sup> Kutani i nkhyvulo wa Ndzilo wu yi hlantswaka eka switsongwa-tsongwana hi nkwaswo, mavabyi ya yona hinkwawo, vuvabyi hinkwabyo, hambi kuri hinkwaswo swa ximoya; laha ku nga ha hina, na hina, swi endlisa xisweswo; ku yi lulamisela leswaku Xikwembu xi nga tshama eka yona, eka nguva leyikulu leyi yi taka, Misava leyi Ntshwa. Wa vona, Xi yi kutsula hi ndlela yin’we ni leswi Xi endlisaka xiswona loko xi endlela vanhu va Xona. Xi swi endlisa sweswo hinkwaswo, makungu ya Xona yo kutsula. Hikuva, I Xikwembu lexi nga hundzukiki, xi tshamisa xisweswo eka makungu ya Xona.

<sup>117</sup> Hilaha ndzi mi byeleke ha kona, ekusunguleni, ni ku mi tivisa swona, ni hi tinguva hinkwato, Xikwembu xexo xi ngaka xi nga hundzuki; xa swi tivisa, hi tindlela hinkwato, ku fana.

<sup>118</sup> Xa swi tivisa, hungu ra Xona ro sungula, eka misava ya ndhambhi, hi muprofeta Nowa.

<sup>119</sup> A ndzi ri eku vulavuleni na makwerhu loyi a rhandzekaka loyi a nga kona sweswi a tshameke na mina. Tolo, u teri, “Xin’we xa leswi u nga xivula, Makwerhu Branham, lexi minkarhi hinkwayo xi ndzi ninginisaka.”

Ndzi ku, “Hi xihi, makwerhu?”

<sup>120</sup> Hiloko a ku, “Hi leswi leswi u nga swi vula,” nakona swi ntiyiso, “Lava nga talangiki, hilaha xintlawani lexi ntsongo xi yaka eku ponisiweni emasikwini lawa ya Taka.’ Nakona hi vulavurile hilaha Yesu a nga teri, ‘Ndlela yo khuma ni ndlela ya budula, ni hilaha va nga va ntsongo lava va nga ta yi kuma.’ Sweswi lemuka, Bibele yi teri, ‘Tani hilaha a swi ri emasikwini ya Nowa laha ku nga ponisiwa mimoya ya nhungu hi mati, swi tava tano loko a Vuya.’”

Ndzi ku, “Makwerhu, ntsena u khome . . .”

A ku, “Tsundzuka, ku ni mimoya ya nhungu ntsena lahaya.”

Ndzi ku, “Ntsena wo va na xifaniso xa hafu.”

<sup>121</sup> Hambi swi ri tano, Nowa a ri wa xifanekiso xa masalelwawa ya nga rhwariwa, ku ngari ntlawwa lowu wu nga ncinciwa. Enok, wanuna un’we, u Vutleriwile ku nga se fika nkhukhulo, swikombeta leswaku Kereke a yi nge ngheni emahlomulwени kumbe swin’wana leswi nga ekusuhi na swona. Enok u ntlhandlukile, wanuna un’we. Oho, kereke yi nga hava na nambara; kambe Mutekiwa u tava xintlawani lexi xi nga tava Mutekiwa. Sweswi, kereke yi nga hava yi ri na nambara leyikulu; kambe, Mutekiwa, ma swi vona, pimanisani nhungu na un’we. Nhungu ku a ndzisa hi vantsongo, va tava Mutekiwa, ku tlula kereke.

<sup>122</sup> “Loko lava va kalaka lavo lulama va ta ponisiwa, mudyohi ni loyi a nga khongeliki va ta ta va humelela hi kwihi,” vona lava va tivaka ku antswa, ku swi endla, ni kuva va ya emahlweni va swi endla hi ndlela yin’wana? Vona lava va landzelaka milawu ya dinominexini ematshan’wini ya Rito, va ta humelela kwihi, hambi leswi va tivitanaka Vakreste, va tekaka Vito ra Kreste?

<sup>123</sup> Sweswi, hi ku hetiseka, Nowa a ri wa muxaka wa lava va nga rhwariwa. Tsundzukani, loko Nowa a huma, Ham a ri na yena. Vudyoho a bya hari kona kwalahaya. Vudyoho byi yile emahlweni, engalaveni. Ku ka va nga pfumeri, ku kanakana, swi nghenile engalaveni, swi tlakuseriwela ehenhla ka ku avanyisa. Kambe Enok u yile ehenhla ku tlula ngalava,

u yile ehenhla eVukoneni bya Xikwembu. Kambe Nowa u yile ehenhla a tlhela a huma, nakona vudyoho a bya hari kona; xifaniso xa Miliniyamu, xa xiyimo xa misava.

<sup>124</sup> Miliniyamu a hi makumu ya swona. Ka ha tava na nkarhi endzhaku ka Miliniyamu. Miliniyamu kova mpfhuka wa nkarhi; kambe, ku nga ri Misava leyi Ntshwa. Ee, hakunene. Xiyisisani, eka sweswo, hi ta nghena eka swona endzhaku nyana.

<sup>125</sup> Wa vona, misava, yi kutsuriwile, yi tlhelela endzhaku eka Mufimi wa yona wa xiviri nakambe. Swi tekile... U yi tekile kusuka eka Sathana. U yi kokile, a teka misava yi suka eka Sathana, ntsena ku kotisa loko A teka n'wina a mi susa eka Sathana, ku kotisa loko A tekile wansati lontsongo exihlobyen'i a n'wi susa eka Sathana. Lahaya ku yimile muprista, loyi a ehleketa leswaku u na Xikwembu, nakona a nga ha ri na nchumu. Wa vona?

<sup>126</sup> Ndzi tsakela ku mi pfapfarhutela sweswo ntsena xinkadyana. Sweswi, hi lava ku swi kuma kahle sweswi, swingaleswi langutani swinene sweswi eka ku dyondzisa loku. [Makwerhu Branham a pfapfarhuta swikombiso exitsalelweni, eka tindzimana leti nga hetiki mbilu leti landzelaka—Muhleri.]

<sup>127</sup> Sweswi, lexi nga *lahawani*, lahawani i Xikwembu. Xikwembu, lexi xi nga riki na Makumu, kuri hava... A kuri hava un'wana handle ka Xona. Kambe, eka Xikwembu, a Xi ri na swibye. Sweswi, lexi xi nga *lahawani* xi yimela Rito, Rito ra Xikwembu, leri nga endliwa nyama ri tshama exikarhi ka hina hi munhu Yesu.

<sup>128</sup> Sweswi lexi xi nga *lahawani*, nakulorhi loyi a nga lahawani, hi ya eku n'wi endleni ku kotisa *leswi*. Sweswi, *lexi* xi vitaniwa wansati loyi a nga exihlobyen'i. *Lexi* i muprista, wa Mufarisi. Kutani laha mi nga ta vona *leswi*, xitsalelo lexi xi nga pfuleka, swivula tintswalo na ku ponisiwa.

<sup>129</sup> Sweswi, "Eku sunguleni a kuri na Rito. Kutani Rito ri endliliwe nyama ri tshama exikarhi ka hina." Swiyimo swinharhu. A xi ri xibye xo sungula, lexi a xi ri eka Xikwembu, kutani A ehleketa yena hi Yexe tani hikuva munhu; nakona sweswo swi N'wi ncincile leswaku a va Yesu; kutani sweswi, loko mi nga va Kwalahaya, swingaleswi mi na Yena. Hikuva, ku ni xivumbeko xin'we ntsena xa Vutomi lebyi nga Heriki, xexo i Xikwembu; kutani mi fanele ku va xiphemu xa Xikwembu emasunguleni, ku nga ri leswaku ntsena mi hlawule lahawani. Xi hlawule n'wina. "Hinkwaswo leswi Tatana a nga Ndzi nyika swona swi ta ta."

<sup>130</sup> Sweswi langutani eka muprista loyi a nga lahawani. Hi kuma xiphemu xo sungula xa yena, *lahawani*, vutomi bya yena byale ndzhaku, endzhaku etlhelo ka yena, ku hlawuriwa ka yena lahawani, i ka vudyoho.

Lahawani i tihlele, ehansi *lahawani*.

<sup>131</sup> Sweswi, xiphemu nyana lexi xi nga *lahawani*, lexi xi langutekaka tani hi xitsalelo, sweswo swi kombisa ku tenga ka yena. A ri muprista. A ri wanuna loyi a chavisekaka. Sweswo swi yimela *leswi*. A ri tano, nakambe, a fanele kuva wanuna wa kahle, kumbe a ngavi muprista. Kambe ma swi vona hilaha a nga swi kumisa xiswona, a ri mudyondzisi loyi a tlhariheke.

<sup>132</sup> Sweswi, wansati nyana loyi, vutomi bya yena byo sungula, ehenhla *lahawani*, a ri nghwavavani, a ri hanci. Kambe ku ya ehansi eka yena, *lahawani*, ntsena a ri na ku twisia swintsongo. “Ndza switiva loko Mesiya a ta . . .” Wa vona? Wa vona, sweswo a swi ri kwalahaya.

<sup>133</sup> Xiyisisani, loko Yesu a ta ni ku kombisa Rito, hikuva Rito hi rona ri avanyisaka mianakanyo leyi nga embilwini; tani hilaha Vaheveru 4 yi vulaka leswaku Ri ta swi endla, 4:12, leswaku U ta swi endla. “Rito ri avanyisa mianakanyo ya timbilu,” nakona U tile tani hi N’wana wa munhu, ku nga Muprofeta. Ku humelerile yini xana? Muprista loyi, ni ku dyondza ka vutlharhi ntsena, u teri, “Ri dimona,” hikuva sweswo hi leswi dinominexini ya yena a yi ri vitanisa xi swona. Xana swi endlile yini? A ri hava tuyimeri, swingaleswi swi n’wi ntimisile.

<sup>134</sup> Kambe wansati loyi lontsongo a ri hava nchumu lexi a nga xikombisaka; a ri loyi a nyameke a tlhela a thyaka tani hi laha a ri xiswona. Kambe, lemukani, ku rhelela eka yena, a ri ni tuyimeri, wa vona. Nakona, swingaleswi, a langutele swona leswi leswaku swi endlila nyama.

Kutani loko A tava a teri, “Famba u ya teka nuna wa wena u ta na yena lahawani.”

U teri, “Nkulukumba, ndzi hava.”

<sup>135</sup> A ku, “U vula ntiyiso, hikuva u vile na ntlhanu wa vona, ni loyi u nga na yena sweswi a hi wa wena. U vile ni ntlhanu. Loyer u nga na yena u endla wa vuntsevu.”

<sup>136</sup> A ku, “Nkulukumba!” (Ku nga ri, “Hi Wena,” ku nga ri, “Beelzebub.”) “Ndza swi twisia leswaku U muprofeta. Sweswi, ha switiva leswaku Mesiya, loyi a vitaniwaka Kreste, wa ta. Kutani loko Yena a ta, U ta endla leswi.”

A ku, “Ndzi Yena.”

<sup>137</sup> A swi nga kanakanisi. A wu kali u lava ku swi hlamusela. U swi vonile. U swi pfumelerile. U tsutsumile a famba! Hikokwalaho ka yini? Xana Ri n’wi endlile yini? Ri n’wi kutsurile.

<sup>138</sup> Sweswi langutani, U tile leswaku a tava Mukutsuri. A hi swona xana? [Nhlengeletano yi ku, “Amen.”—Muhler.] Xana ku *kutsuriwa* swi vula yini? “Ku vuyisela endzhaku.” Xana hikokwalaho ka yini A kuma muprista? A nga kalanga a va ehenhla lahaya. Wa vona? Wa vona, a ri hava tuyimeri.

<sup>139</sup> U tele ku ta kutsula lava va nga wa. Ekuweni, *leswi* swi kumeke swihupiwa, hi nhwanyana ya loye; kambe Xikwembu a xi ri na yena emianakanyweni ya Xona ku nga se va ni masungulo ya misava, kutani U tele ku ta n'wi basisa. Wa vona? Swingaleswi Yena . . . U ni Vutomi lebyi nga Heriki. Wa vona?

<sup>140</sup> U kwihi, muprista, xana swi n'wi endlele yini xana? Ri n'wi tlheriserile endzhaku laha a ya kona. A ri hava nchumu, xo xisungula, ntsena ku dyondza ka vutlharhi.

<sup>141</sup> Sweswi yingisa, munghana, loko ku ri leswaku nchumu lowu u nga wu khoma ntsena i ku dyondza ka vutlharhi, u kuma swin'wana swo hambana na sweswo. Nakona a wu nge swikoti ku Ri kuma handle ka loko u ri ni vuyimeri. Hi xona xivangelo xa kuva ndzi pfumela leswaku mi huma evuhuma-dyambu nale vupela-dyambu, n'walungu nale dzongeni; Rito, leri hanyak, ri kombisiwile.

<sup>142</sup> Lemukani sweswi hi laha A endlisaka xiswona ndlela ya Yena leswaku yi tiviwa hi vaprofeta va Xona, emasunguleni. A nga kalanga a swi ncinka.

<sup>143</sup> [Xivati lexi nga riki na nchumu eka thepi—Muhleri.] . . . ku ponisiwa. U lulamisa munhu; a n'wi kwetsimisa; a rhumela Moya lowo Kwetsima na Ndzilo, kutani a hisa vudyoho lebyi nga eka yena, a tlhela a tshama eka yena, yena hi Yexe.

<sup>144</sup> U swi endlerile na misava, leswaku U ya eku swi tirhiseni eka makungu yo kutsula, hi ndlela yin'we. Yi hundzukile yi tlhela yi khuvuriwa hi mati, eka . . . hi Nowa. Yesu u tile a ta yi kwetsimisa, hi ku thonisa Ngati ya Yena ehenhleni ka yona, a tlhela a yi koxa. Kutani eka Misava leyi Ntshwa leyi yi nga ta ta, i kuva yi va na nkhuvulo wa Ndzilo, ku yi basisa eka dimona rin'wana na rin'wana, xitsongwa-tsangwana xin'wana na xin'wana, vuvabyi hinkwabyo, hinkwaswo leswi swi nga kona lahaya, kutani swi endliliwa leswi ntshwa. “Ndzi vona Tilo leri Ntshwa ni Misava leyi Ntshwa.”

<sup>145</sup> U va munhu lontshwa. Amen! Ku nga ri ntsena un'wana wa khale loyi a nga manyukutisiwa, hi ku joyina kereke kumbe ku ringeta ku pfula pheji yi ntshwa, kambi mi yuniti leyi yi nga yi ntshwa-ntshwa. Xikwembu xi tekile mukhalabya xi n'wi hisa hi ku hetiseka, hi Moya lowo Kwetsima na Ndzilo, kutani a ta yena hi Yexe, a ku rhumela vuyimeri. “Ku hava munhu loyi a nga taka eka Mina handle ka loko Tatana wa Mina a n'wi tshuneta. Ni hinkwaswo leswi Tatana a nga Ndzi nyika swona swi ta ta eka Mina.” Ma swi vona xana? [Nhlengeletano yi ku, “Amen.”—Muhleri.] Makungu ya n'we; ndlela yin'we.

<sup>146</sup> Sathana a ri . . . u ta susiwa emisaveni, ntsena tani hiloko Sathana a susiwa eka n'wina. Sathana angaka a nga ha karhati; kumbe, a nga ha ringa, kambe a nge swikoti ku kuma Mukreste loyi a nga tswariwa ra vumbirhi. Hikuva, Xikwembu, kusukela eka masungulo ya misava, xi n'wi vonile, kutani xi

rhumela Yesu leswaku a ta n'wi kutsula, na Ngati ya n'wi vulavulela. A nga dyoha njhani loko a nga voniwi, hambi, hi Xikwembu? A nga swikoti hambi... Nchumu wun'we ntsena lowu A wu twaka i rito ra n'wina. U vona vuyimeri bya n'wina. Amen! Walowo i ntiyiso. Wa vona?

<sup>147</sup> Hi maendlelo yan'we, hikuva misava hi yin'wana ya swibye swa Yena ntsena ku kotisa n'wina hilaha mi nga swibye swa Xona. Misava yi va xin'wana xa swibye swa Xona, hikuva i ku anakanya ka Xikwembu, emasunguleni. Kuva na misava, kuva eXiluelweni, kuva Hosi, kuva Mukutsuri, kuva Muhanysi, sweswo hi swona swibye swa Xona.

<sup>148</sup> Ntsena ku kotisa xibye xa n'wina. Ndzi ngaka ndzi nga vuli ndzi ku—ku “ntirho” handle ka loko ndzi ehleketa hi ntirho. Ndzi ngaka ndzi nga vuli ndzi ku “munhu” handle ka loko ndzi nga ehleketa hi munhu. Kutani loko ndzi ehleketa hi munhu, kutani ndzi ku “munhu,” ku ehleketa i xibye xa mina ni nhlamuselo i rito. Wa vona?

<sup>149</sup> Tani hi Esaya, a nga vurisa ku yini, leswaku, “Wanhwana u ta tika”? Xana mianakanyo i yini?

<sup>150</sup> Sweswi, votala va n'wina ma hlama la hilaha vona, ku vonisisa kwaloko, ku ta. Ndzi ya eku mi byeleni. Wa vona, i rito leri ndzi ri vulaka. Nakona a hi ku ehleketa ka mina, hikuva a ndzi swi tivi. A ndzi tivi ku ehleketa hi swona. Ndzi nga mi byela njhani leswaku mi va mani ni laha mi humaka kona, loko ndzi nga mi tivi xana? Ndzi nga mi byela njhani leswi mi nga swi endla malembe ya khume lawa ya nga hundza xana, loko ndzi nga se tshama ndzi mi vona evuton'wini bya mina xana? Ndzi nga mi byela njhani laha mi nga endlaka kona ni leswi mi nga swi endlaka khume ra malembe kusukela sweswi? Xana vutomi ndzi byi tivisa ku yini xana? Kambe i mianakanyo ya Un'wana.

<sup>151</sup> “Mi nge miehleketo leyi a yiri eka Kreste yi va eka n'wina. Mi nge miehleketo leyi a yi ri eka Kreste yi va eka n'wina.” Wa vona, swi nga leswi a hi ku ehleketa ka n'wina. I ku ehleketa ka Yena, ha n'wina. Nakona a mi hlamuseli miehleketo leyi yi nga ya n'wina; mi hlamusela Marito ya Yena.

<sup>152</sup> Sweswo hi swona minkarhi yo tala vamakwerhu va kumeka va pfilunganyeka, eka ku hlamusela ka tindzimi, na swin'wana. Wa vona, va vula swilo leswi swi nga riki kahle, a va swi tekeli enhlokweni leswaku i Sathana. Mi ri, “Entangeni wa Xikwembu?” Ntsena yi mani ku kondza ndzi ya emahlwени, hi kuma loko swi nga ri tano, kumbe swi nga ri tano. Mfava na koroni swi mila eka nsimu yin'we. Havumbirhi swi hanya hi dyambu rin'we na mpfula yin'we. Wa vona?

<sup>153</sup> “Kambe loko kuri na un'wana exikarhi ka n'wina loyi a nga muprofeta, Mina Hosi ndzi ta vulavula na yena. Kutani loko leswi a swi vulaka swi humelela, kutani ya loye hi Mina,

wa vona, hikuva a nga ti hlamuseli yena hi yexe. A hlamusela mianakanyo ya Mina, swibye swa Mina leswi swi nga tata, kutani Ndzi ta tirhisa nomo wa yena ku va hlamusela ha yena. Kutani endzhaku ka loko a va byerile, va fanele va ta va humelela. Matilo ni misava swi ta hundza, kambe Rito ra Mina ri ngaka ri nga hluleki.”

<sup>154</sup> Esaya u teri, “Wanhwana u ta tika.” Sweswo swa swi tshamisisa. U ta tika. Leswi swi nga vula hi Xikwembu, Xa swi endla.

<sup>155</sup> Oho, xa ti tivisa, hi vaprofeta va Xona, hinkwaswo ku ti kombisa ka Xona, hikuva i swibye swa Xona leswi swi hlamuselaka mianakanyo ya Xona.

<sup>156</sup> Sweswi, a swi ri kona, eka wansati *loyi* lontsongo. A ri un’wana wa swibye swa Xona. Wa vona?

<sup>157</sup> Kutani lahaya a kuri na muprista, a ri karhi a yimela Kuvonakala. U swi dyondze eBibeleni. U dyondze leswaku Xikwembu i Xikwembu. U dyondze leswaku ku kwetsima kwaloko a kuri lokunene. U dyondzile leswaku ku na nawu wa Xikwembu. U swi dyondzile hikokwalaho ka mavonele ya vutlharhi. Kutani a tswhaleriwele eka rixaka ra kahle; a ri Mulevhi. Kambe ntsena u swi tive hi mavonele ya vutlharhi. Kutani loko ku Vonakala ka awara....Wa vona, u swi dyondze hi leswi *swi nga* humelela, ku ngari hi leswi a swi ri eku humeleteni; leswi swi nga humelela! Kutani loko a kumile leswi a swi ri eku humeleteni, dinominexini ya yena a yi vulanga nchumu ha Rona, swingaleswi a ri hava vuyimeri bya Rona.

<sup>158</sup> Kambe lahawani a kuri na Mukutsuri ehenhla ka misava hi nkarhi wa lowo, ku ta kutsula swibye leswi swa Xikwembu, kutani wansati i ku amukerile. A nga kalanga a swi vutisa. A ku, “Loko Mesiya a ta, U ta endla leswi,” kutani sweswo swa swi tshamisisa. Kutani u swi vonile swi endliwa, swingaleswi....U teri, “Hi Mina Mesiya,” swingaleswi sweswo swa swi tshamisisa. A ku nga hari na xivutiso xin’wana. Ntsena u lo famba, a ri karhi a byela un’wana na un’wana leswaku, “Tanani, mi ta vona Loyi ndzi nga n’wi kuma.”

<sup>159</sup> Maendlelo lawa ya hi basisa, tempele ya ndhawu leyi A tshamaka kona: ku lulamisiwa, ku kwetsimisiwa, nkhuuvulo wa Moya lowo Kwetsima na Ndzilo. Sweswo swi basisa tempele leyi ya (hina).

<sup>160</sup> Swingaleswi, tani hi fureme ra misava ya khale a ri onhiwanga, hi mati loko yi ta hlantswiwa; fureme ra planete, fureme ra khale, ku nga....thyaka hinkwaro, hinkwaswo leswi Xikwembu xi nga swi veka emisaveni, a swi onhakanga loko ku ta onhiwa misava leyo sungula. Kutani Bibele yi vule leswaku yi “onhiwile,” kambe a yi kalanga yi onha fureme. Ntsena yi onhile vudyoho ni vadyohi lava a vari eka yona. Ntirho wa fureme wu tshamise xisweswo.

<sup>161</sup> Kambe, ma swi vona, tani hi ku lulamisiwa, tani hi n'wina Mabaptist na Mamethodist mi lavaka ku ehleketa hi swona, ku lulama ntsena, hi ku pfumela ni ku khuvuriwa, sweswo a swi enelanga. Mi ta hlamala mi sala endzhaku eka swilo swa misava, ni ku boba misisi ya n'wina ni ku ambala swo koma, ni hinkwaswo. Wa vona, a ku se humelela nchumu sweswi. Ntsena mi langutile endzhaku mi ti vona mi ri karhi mi endla xihoxo.

<sup>162</sup> Xana ku lulamisa swi endle yini eka misava? A ku kalanga ku endla nchumu eka yona; swi tlhele swi suka nakambe, ntsena tani hiloko vudyoho byi andza ku tlula ekusungulen. Sweswo hi leswi munhu a swi endlaka, nakona sweswo hi swona hinkwaswo laha a yaka kona.

<sup>163</sup> Ya leyo hi yona ndlela leyi muevhangeri lonkulu, Billy Graham, a fanele ku swi vona. U teri, "Ndzi ya ndzi ya va na vahudzuki va makume nharhu wa magidi, loko u tlhela u tlhelela elembeni kutani a ka hari na makume nharhu." Sweswo hi swona va yaka emahlweni va fambisa xiswona. Wa vona? Nakona, hi ntiyiso, va hundzuka. Ndzi pfumela leswaku va hundzuka; hi vunyingi bya vona, kumbe van'wana va vona, nyana. Kambe sweswo a hi swona yi swi tekaka. Swa yi khorwisa lahwani.

<sup>164</sup> Sweswi, swingaleswi fureme ra khale ra misava a ri onhiwanga hi mati. Misava ntsena yi hlantswiwile ntsena. Yaleyoyi kumile nkuvuulo wa yona. Yi khuvuriwile.

<sup>165</sup> Swi nga leswi ntirho wa fureme wu tshamisa xisweswo, hambi leswi yi nga ta hisiwa hi Ndzilo. A yi onhi misava, wa vona, ntsena wu onha vudyoho lebyi byi nga eka yona.

<sup>166</sup> Lemukani lahwani, van'wana va n'wina swichudeni swa Bibele, nakona ngopfu-ngopfu Dokodela Dale a nga ndzi languta. Lemukani eka Petro, eka kuavanyisa ka vu2 ka Petro lahwani, kuavanyisa ka vu3, kumbexani, u tirhisa rito "misava," tani hilaha rito ra Xigriki ri nga kosmos, laha swivulaka, "xileriso xa misava." "Misava yi ta hundza, yi n'okisiwa hinkwaswo leswi nga eka yona hi ndzilo lowu wu pfurhaka." Wa vona? A swi vuli leswaku misava, yi nga planete, yi ta hundza. Kambe misava, *kosmos*, tipolotiki, vadyohi, mafambiselo, vudyoho, mavabyi, switsongwa-tsongwani, hinkwaswo leswi swi nga hoxeka, swi ta hundza. Hinkwaswo leswi swi nga tshama . . .

<sup>167</sup> Xikwembu xi tshame xi ninginisa matilo, kambe eka lowu nkarhi Xi ta ninginisa misava, matilo ni misava... "Xi ninginisa misava," kumbexani, "nakona eka lowu nkarhi Xi teri Xi ta ninginisa matilo." Wa vona? "Hikuva hi kuma Mfumo lowu nga taka wu nga tsekatsekisiwi." I Mfumo lowu nga Heriki. Langutani hilaha a yi saka xiswona eka yona.

<sup>168</sup> Xiyisisani lahawani, Petro u teri, "Kutani yi ta n'oka hi ndzilo lowu hisaka, kutani mintirho leyi yi nga kona yi ta tshwa," ku nga ri planete. "Mintirho leyi yi nga eka yona," mintirho ya vanhu, hinkwavo va n'watipolotiki na makungu ya vona, na hinkwato tidinominexini ta vona ni makungu lawa ya nga endliwa hi munhu, hinkwaswo swi ta famba na yona loko yi ntshwa.

<sup>169</sup> "Kutani—kutani matilo ma ta hundza hi huwa leyikulu." Mikale mi swi xiyisia lahawani? "Matilo ma ta hundza hi huwa leyikulu." Yingisani! Misava hinkwayo yi tava endzilweni, nakona wu ta tlweba tigasi leti ti nga emisaveni wu ti bulusa. Sweswo hi swona. Vulavula...Bibebe yi teri lahawani, Petro u teri, "Kutani matilo ya ta hundza, na misava, hi huwa leyikulu." Ku buluka kwaloko ku ta yi khinyaveza, oho, mina, hikuva wu fanele ku dlaya vuvabyi hinkwabyo, hlwehlwe rin'wana na rin'wana, mutwa wun'wana na wun'wana. Hinkwaswo leswi swi nga lahayna swi ta endliwa, Ndzilo wu ta swi hisa. Nakona, tsundzukani, a kova ndzilo wa ntolovelolowu wu hlayeriwaka, wa hari Ndzilo lowu wu kwetsimaka, wa vona, walowo wu ta susa Sathana ni hinkwaswo swa yena, madimona hinkwawo. "Havumbirhi tilo na misava," amen, "swi ta hundza," wu dlaya hinkwaswo switsongwatsongwani, switsotsso hi nkwaswo, hinkwabyo vutomi bya ntumbuluko lebyi byi nga eka yona ni ku rhendzeleka hi yona, hambi kuri H<sub>2</sub>O (ku nga mati) ya ta buluka. Ehleketa hi swona. Ku vulavula hi huwa!

<sup>170</sup> Miehleketa leswaku xihuwanu nyana lexi xi humaka lahawani Tucson a xi nyawula, loko A ta pfula Swelemo swa ntsevu, sweswo swi ninginisile ku rhendzeleka hi tiko, ni ku va nga ku vulavula. Rindzelani ku kondza misava leyi yi amukela nkhuvulo wa yona!

<sup>171</sup> Ma swi tiva, loko munhu a amukela nkhuvulo wa Ndzilo, ku na huwa yo tala kwalahaya. Va ehleketa leswaku swa nyumisa sweswo, ku twa vanhu loko va kalakala ni ku huwelela tani hi sweswo. Ntsena rindzelani ku kondza misava leyi yi kuma nkhuvulo wa yona!

<sup>172</sup> Ina, yi ta swi hlamusela...ku ya bulusa, H<sub>2</sub>O, ku nga mati, hikuva Bibebe yi teri lahawani eka Nhlavutelo 21, "a ku nga ha tava na lwandle," ku ri bulusa. Leswi swi ta ncinka hinkwaswo ehenhla ka misava ya khale. Yi ta buluka yi tlhela yi pfurheteleka yi va swiphemu. Hinkwako ehandle, laha ku nga khrasti, ni ku ringana madzana-dzana ya tifiti ehansi ka yona, ntsena yi ta hetelela yi mbundzumuxiwire hi ku olova. Mimpfhuka, tigasi leti ti nga emisaveni sweswi, laha va kumaka timizayili leti ti nga taka ti nga ngheni eka yona, xibakabaka lexikulu lexi nga ehenhla lahayna, ehenhla hi maendlelo ya n'wana ya xibakabaka laha ku nga na tinxaka

hinkwato ta tigasi, va ri; nakona sweswo swi ta buluka. Vukarhi bya Xikwembu lebyi kwetsimaka byi tata eka yona, wa vona, kutani ku ta yi basisa, ku ta ncinciwa ehenhla ka yona ka khale.

<sup>173</sup> Sweswi, votala van'wina lava mi lavaka ku ri tsala ehansi rito leri, rito ra Xigriki, "ku hundza." Ri huma eka rito... ndzi fanele ku ri kuma. Ndzi ehleketa, "Yi ta hundza njhami misava leyi, nakona hambi swi ri tano hi tama ha ha hanya eka yona xana?" Kambe loko mi nga swi lemuka, van'wana vanhu n'wina mi lavaka ku tsala ehansi, ndzi ta mi peletela rona. A ndzi nge swi koti ku ri vula kahle, p-a-r-e-r-e-c-h-o-m-i-a. A ndzi swi koti ku ri vula.

<sup>174</sup> Sweswi, hi ndlela ya leyo, tani hilaha ndzi nge, loko ndzi kuma... Nhlohlotelo wu ndzi bile hikokwalaho ka swin'wana, kutani ndzi tlhelele endzhaku ku ya lavisia rito leri. Sweswi, lahwani, a ndzi nge swikoti ku ri peleta rito leri, kumbe a ndzi nge—a ndzi nge swikoti ku ri vula kahle. Kambe, eka sweswo, Hosi ya ha ndzi nyika ndlela. Ndzi yile ku ya lavisia leswaku rito leri ri vula yini, hi loko ndzi ri kuma. Wa vona? Kutani ndzi ri kumile, nakambe. Wa vona?

<sup>175</sup> Matilo ni misava swi *ta hundza*, sweswi, rito leri ri vula leswaku, "kusuka eka xivumbeko xin'wana ku ya eka xin'wana." A ri kali ri vula ku "nhlanhla," tani hilaha rito ra Xitsonga ri nga ha vulaka leswaku, *ku hundza*, yi mbundzumuxiwile. Kambe rito ra Xiheveru, kumbe Xigriki lahwani, a ri vuli *ku hundza*; ri vula ku, "ku suka eka nchumu wun'wana ku ya eka wun'wani." Langutani, kambe, "ku hundza eka xiyimo xin'wana," ri ri, "ku ya kun'wana."

<sup>176</sup> Sweswi lemukani, Paul u ri tirhisile, loko mi lava ku swi hlaya sweswi. Yi tsalen i ehansi, mi ta yi hlaya endzhaku. E ka Tito 3:5, Paul wa ha tirhisa rito rin'we, swi vula ku tswariwa ra vumbirhi ka munhu, munhu ya loye u hundzile ka kuva mudyohi a ya va mukwetsimi, ku nga ri ntsena ku mbundzumuxa hi ku hetiseka. Loko munhu a ncinciwile, a nga mbundzumuxiwanga, kambe i munhu loyi a nga ncinciwa. U ncinciwile eka leswi a ri xiswona a ya eka leswi a nga xiswona, ku ngari ku mbundzumuxiwa.

<sup>177</sup> Yesu u tirhisile rito rin'we eka Matewu 19:28; sweswi, ku ngari 28:19. Sweswi, 19:28, U teri eka vona, "Mi ta tshama na Mina eka Mfumo wa Tatana wa Mina, ku tswariwa ra vumbirhi," ma swi vona, "ku ncinca," loko mi ncinciwile. Wa ha tirhisa rito rin'we.

<sup>178</sup> Nakona U tirhisile rito rin'we loko A teri, eka ximbhongholwani, a ku, "Xi ntshuxeni ximbhongholwani mi xi tshika xi ti fambela."

<sup>179</sup> U vule swo fana eku pfuxiweni ka Lazaro, "N'wi ntshuxeni! N'wi ncinceni! A bohiwile; n'wi tshikeni a ti fambela!"

<sup>180</sup> Xana swi vula yini? Misava yi ta ntshuxiwa eka ku ombiwa hi Sathana. Yi ta ntshuxiwa. Yi ta ntshuxiwa eka tipolotiki, yi ta ntshuxiwa eka mafambiselo ya vukhongeri bya xidinominexini; leswaku yi tirhiseriwela Mfumo wa Xikwembu, lowu wu nga ta tumbuluxeriwela kwalahawani emisaveni. Kambe ntsena loko ya hari emavokweni ya Sathana, tipolotiki... Sathana mufumi wa misava, wa yi fuma; i ya yena, kambe sweswi Kreste u yi kutsurile.

<sup>181</sup> Nkarhi wun'wani, a ndzi ri nhundzu ya yena, kambe ku nga ri sweswi. Nkarhi wun'wana, wansati ya loye lontsongo a ri nhundzu ya yena, kambe ku nga ri sweswi. Wa vona, U tela ku ta ntshuxa ku ombiwa ka yona. U tshuxile ku ombiwa ka vudyoho, bya Sathana, ehenhleni ka vutomi bya mina, ehenhleni ka vutomi bya n'wina, kutani sweswi a ha ha ri va yena.

<sup>182</sup> Mi tshame hi ntoloveloi mi ndzi twa ndzi ku, eka xikhongelo, "susa mavoko ya wena eka nhundzu ya Xikwembu xana"? Wa vona? Amen! Va na ni ripfumelo ro koxa swa wena. Teto i tinfanelo ta wena. "Susa mavoko ya wena eka lowa xisati! Susa mavoko ya wena eka lowa xinuna!" Wa vona, ripfumelo ri ta swi endla. Oho, mina! Ku ngari ku swi mbundzumuxa, kambe, ntsena, "Susa mavoko ya wena eka yona," ku yi ntshuxa, yi tshike yi ti fambela, yi hundzisi. Ya ncinka.

<sup>183</sup> Misava yi ta ncinka. Tipolotiki ti ta ncinka. Vukhongeri byi ta ncinka. Tidinominexini ti ta hundza. Tipolotiki ti ta hundza. Mfumo wa Xikwembu wu ta tumbuluxiwa.

<sup>184</sup> Hi hlaya eka Yohana, hlayani eka Yohana eka Nhlavutelo 6:14, wa vona, "kutani ri tlhela ku kotisa buku loko yi songiwa." Bibele yi teri ku...leswaku yi...Yohana u teri, "Ndzi vonile tilo na misava swi tlhela ku kotisa buku loko yi songiwa." Yohana, Nhlavutelo 6:14.

<sup>185</sup> Yesu u teri, "Matilo ni misava swi ta hundza," kumbe, hi marito man'wana, "matilo ni misava swi ta ncincawi." Wa vona, ku tirhisiwile rito lero rin'we lahaya nakambe.

<sup>186</sup> Ee, ku ngari ku mbundzumuxiwa. Hikuva, endzhaku, eka Nhlavutelo 21:2 ku fika eka 24, u vonile Yerusalem lowu Ntshwa lowu xikaka wu huma eka Xikwembu wu huma eTilweni, kutani wu ta tshama ehenhleni ka misava ya ley. A yi vuli leswaku yi ta mbundzumuxiwa. Mafambiselo ya ta ncincawi.

<sup>187</sup> Daniel u vone swo fanana. Ribye ri faya misava, leri nga vumbiwangiki hi mavoko; ni xivumbeko hinkwaxo xa mafambiselo a xi tshoveleriwile kutani ma kotisa mungu eka flawuri ley yi siriweke hi ximumu, kutani moyo wu ri karhi wu yi hahisa. Kutani Ribye, rona hi Roxe, ri kulela eka Ntshava yin'wana ley yi nga funengeta misava. Langutani Ntshava sweswi, hi xinkadyana. Ntshava ya leyo yi funengetile misava.

<sup>188</sup> Nakambe, hi kuma leswaku lahawani, endzeni, nakambe, eka Nhlavutelo lahaya, yi teri, "Tihosi ta Misava ley Ntshwa

ti ta tisa ku xixima ni ku kwetsima eka yona.” Emisaveni, ri tshamile... Yerusalem lowu Ntshwa wu tshamile eka misava ya leyi. Wa vona, ntsena yi ncinciwile.

<sup>189</sup> Wa hari munhu ya luya, hi xivumbeko, sweswo u nga va xiswona loko Xikwembu xi tava xi ku vitanile, wansati ya luya. Kambe, ma swi vona, swi endlile yini, a kuri ku tswariwa nakambe. Vutomi bya khale byi hundzile. Ku tsakela ka khale ku hundzile. Loko, wa ha tolovelé ku tsakela kunwa, ni ku rhukana, ni ku ba huwa, ni ku vilela, ni ku tsutsuma-tsutsuma hinkwako, na vugangu, nchumu wa lowo ntsena wu ta fa. Wa vona? Kambe sweswi mi toloverile... Kutani a wu ri xitirhi xa Sathana; sweswi u kutsuriwile.

<sup>190</sup> Kutani sweswo hi leswi misava yi nga tava xiswona, hi ndlela yin'we, ku kutsuriwa, Matilo lama Ntshwa ni Misava leyi Ntshwa.

<sup>191</sup> Ntsena ku kotisa n'wina, “Mi swi vumbiwa leswi ntshwa.” Kutani rito ra Xigriki lahaya, un'wana na un'wana wa switiva, ri te, “Mi swi vumbiwa leswi ntshwa.” Amen! Xivumbiwa lexi ntshwa eka tempele ya liya ya khale. Haleluya. Langutisani leswi swi humelelaka lahawani sweswi. Leswi kwetsimaka! Hi swona.

<sup>192</sup> Sweswi hi kuma leswaku misava leyi yi ta khoma tihosí ta misava.

<sup>193</sup> Kutani, nakambe, eka Matewu 5:5, Yesu u teri, “Lavo rhula va ta dya ndzhaka ya misava.” A swi yi swi ya va tano, ntsena ku ya va na misava yin'wana. Ntsena ku tava kuri misava yin'we. Ndzi le ku ringetení ka ku mi kumela makungu ya—ya ku kutsula, ku nga se va, loko ndzi nga kumi nchumu swin'wana, wa vona. Nkhuvulo wa Ndzilo, eka yona, ntsena yi lava ku basisiwa kutani yi endlíwa leswaku yi ringanelá ndhawu leswaku lavo rhula va Yena va hanya eka yona. Wa vona? Oho!

<sup>194</sup> Ku kotisa leswi A hi endleleke swona, ntumbuluko wa Yena, leswaku hi hanya eka wona. Loko Yena a nga se ta eka yona, U fanele ku hi nyika nkhuvulo wa Ndzilo; swingaleswi Moya lowo Kwetsima wu nghena ni ku hanya kona, nkhuvulo wa Ndzilo. Swingaleswi, loko u kuma nkhuvulo wa lowo wa Ndzilo, swingaleswi Moya lowo Kwetsima wu nga ha nghena. Yini? Tani hiloko Wu swi endla, Wu hisa hinkwaswo leswi swi hambaranaka na Rito, swi huma eka n'wina. Wa vona? Wu ngaka wu nga pfumeleli swin'wana na swin'wana handle ka Rito, hikuva Wu Rito. Wa vona? Wa vona?

<sup>195</sup> Sweswi, sweswo hi leswi a hi vulavula hi swona siku rin'wana, yumbhoni bya Moya lowo Kwetsima. Wa vona? Vumbhoni bya Moya lowo Kwetsima hiloko u kota ku amukela Rito; ku ngari mafambiselo man'wana, kambe kuva na matwisiselo lawa ya baseke. U swi tiva njhani leswaku Rito ri basile, ku Ri twisia xana? Ri hlaleleni loko ri ti tiyisa rona hi Roxe.

<sup>196</sup> “Kambe,” mi ri, “Ndzi vone *loyi* loko a swi endla, na *luya*.” Oho, ina, nhova yi hanya hi ndlela yo fana. Wa vona?

<sup>197</sup> Kambe ku fanele ku va Rito ra khale. Leswaku u va Mutekiwa, u fanele ku va xiphemu xa Yena. Hi Yena Rito. Wa vona? Nakona xi ri xihi xiphemu xa Yena xana? Rito leri nga tshembhisowi eka siku leri loko A ta vitana Mutekiwa wa Yena. Vanani xiphemu xa sweswo. Ma swi kuma xana? Sweswi, mi nga—mi nga swi hupi sweswo sweswi. Xiyisisani.

Kutani U endla ndzhawu leyi nga ringanelu ku hanya eka yona hilaha ku nga Heriki.

<sup>198</sup> Lemukani, leswi na swona a swi kongomisiwi eka... Ku fuma loku ka Miliniyamu, ku nga gidi ra malembe, a hi Misava leyi Ntshwa. Wa vona, ku fuma ka Miliniyamu i ku fuma loku ku hambaneke. Sweswo hi swona swi endlaka leswaku hi ya eka yona, Miliniyamu, kambe ya leyo a hi Misava leyi Ntshwa, Tilo leri Ntshwa. Ee, ee. Ya leyo yo va ntsena ndhawu yo wisela kona, wa vona, nkarhi wo wisa, ku nga ri hinkwawo Matilo lama Ntshwa na Misava leyi Ntshwa; hikuva, ma swi vona, eka Miliniyamu hi na swilo leswi swi nga tako swi nga ngheni Kona. I muxaka wa siku ra vunkombo ra khale, ro huma eEden; siku ra vunkombo, endzhaku ka loko Xi tumbuluxile misava. Hi siku ra vunkombo, Xi wisele eEden, nale ka Miliniyamu.

<sup>199</sup> Wa vona, sweswi misava yi kwalomu ka ntsevu wa magidi wa malembe, hi vukhale. Wa vona? Magidi mbirhi yan’wana na yan’wana ya malembe ya—ya onhiwa. Wa vona?

<sup>200</sup> Magidi mbirhi yo sungula, nkhukhulu wu tile, kutani U yi khuvurile hi (yini?) mati.

<sup>201</sup> Magidi mbirhi ya vumbirhi, Yesu u tile a ta yi kwetsimisa ni ku yi koxa, a thonisa Ngati ya Yena ehenhleni ka yona, a yi vitana leswaku i ya Yena. Hi swona.

<sup>202</sup> “Ndzi ta vuya nakambe,” a haa, sweswi tani hi Hosi na Hosikazi ya Yona, nakona eka magidi mbirhi ya vumbirhi wa malembe (xana U endlile yini?) U ta a ta nyika nkarhi wa Yena wo wisa.

<sup>203</sup> Kutani a yi hisa, a tlhela a yi koxa leswaku yi va ya Yena N’winyi; a tlherisela vuN’winyi bya Yena eka yona.

<sup>204</sup> Kutani lemukani, ku ngari misava leyi yi nga hetiseka, Miliniyamu leyi, i muxaka wa siku ra vunkombo. Hiloko ku ta Xiluvelo xo Basa xa Kuavanyisa. Wa vona, ha hari na kuavanyisa. Ha hari eka nkarhi, eka Miliniyamu. I siku, gidi rin’we ra malembe. I nkarhi wa masungulo. Ku ngari, mi nga kumeki mi pfulunganyekile hi Misava leyi Ntshwa, sweswi, hikuva a swi tano.

<sup>205</sup> Mi nga ha ndzi byela leswi. Sweswi ndzo titwa leswaku un’wana a nga ha ku eka mina, leswaku, “Sweswi, Makwerhu Branham, xana u ya endla yini sweswi? Wa xoteriwa hi ku

hetisa swa wena swa nkombo. U ya endla yini sweswi? Sweswi, wo va muhangalaki.” Laha, ndzi nga tano. Ndzi pfumela ni leswaku Xikwembu xi tano, na xona. Vonani, lemukani. “Wa xoteriwa hi minkarhi ya vuhangalaki. Hikuva, loko u ya nghenisa swin’wana endzhaku ka lero ra vunkombo, u ta ya kuma yini xana? U ya kwihi sweswi?”

<sup>206</sup> Hi swona, ndzi ta mi koka rinoko eka swin’wana, wa vona. Wa vona? Ee, a ndzi tano, a ndzi hangalakanga, sweswi. Ndzi na Matsalwa man’wana lahwani. Kutani, tsundzukani, hinkwawo ka Wona ya fanele ku hetiseka, xiphemu xin’wana na xin’wana xa Wona. Wa vona?

<sup>207</sup> Sweswi mi ri, “Makwerhu Branham, u le ku ringeten i ka nghenisa swin’wana halahaya endzhaku ka siku lero ra vunkombo, siku lero ra savata.”

<sup>208</sup> Tani hilaha Xikwembu xi endleke misava xi tirha masiku ya ntsevu, kutani xi wisa hi ra vunkombo, a kuri ntsena muxaka wa nkarhi, nkarhi. Kambe ntsena ndzi vurile lahwani, leswaku hi va lava va nga Heriki.

<sup>209</sup> “Swingaleswi xifanekiso xa n’wina xile kwihi sweswi? Mi teri u muthotholoji. Swingaleswi, wena, wa xoteriwa hi swifaniso sweswi.” Ee, a ndzi tano. Ntsena a hi lavisiseni loko hi ri na swona.

<sup>210</sup> A hi yeni eka Levitika, endzhaku eka kuavanyisa ka vu23 ka Levitika. Sweswi ndzi mi lava mi lemuka Levitika, laha a hi ri kona Sonto lowu wu nga hundza, kumbe lowu... Leswi hi swona swi ndzi nyikaka miehleketo, kona kwala. Kuavanyisa ka vu23 ka Levitika, na vhere ya vu26.

<sup>211</sup> Sweswi tsundzukani, ku ni masiku ya nkombo ya nkhuvo. Nkhuvo wa timhalamhala, nkhuvo wa—wa ti tabernakele, nkhuvo wa xikatsa xa ku tatayisa, ku... Hinkwaswo leswi, kuri masiku ya nkombo lamakulu ya nkhuvo, ya lawa i muxaka wa Tinguva Ta Nkombo Ta Kereke. Nakona ma swi tsundzuka leswaku i tisavata tingani leti a ti ri kona exikarhi ka yin’we na leyin’wana? Wa vona, tisavata ta nkombo exikarhi ka pentekosta na ti mhalamhala, laha a kuri Tinguva Ta Nkombo Ta Kereke. Kutani kwalahaya a kuri ni nkhuvo wa nkombo wa masiku, loku a ku yimela Tinguva Ta Nkombo Ta Kereke. Tshamela ro fambisa tinambara ta wena.

<sup>212</sup> A ku, “Kunene, sweswi, Makwerhu Branham, wa ha xota. U na kona ka kombo ka wena.”

<sup>213</sup> Hi swona, a hi tekeni nkhuvo wo hetelela, laha ku nga nkhuvo wa titabernakele. Sweswi lemukani eka vhere ya vu36.

*Hi masiku ya ntlhanu na mambirhi, mi ta humesela  
Yehovha e magandzelo lama hisiwaka: hi siku  
ra ntlhanu na manharhu—hi siku ra ntlhanu na  
manharhu mi ta va ni nhlengeletano leyi hlawuriweke*

(ka hari na nkarhi wun'wani lowu wu kwetsimaka wu taka)...*nhlengeletano leyi hlawuriweke*; kutani *mi ta humesela Yehovha emagandzelo lama hisiwaka*: kutani *i nkhuvu wa makumu*; *mi nga tshuki mi tirha ntirho ni wun'we lowo tika*.

<sup>214</sup> Sweswi hi na “siku ra vunhungu.” Sweswi, ku ni masiku ya nkombo ntsena, kambe lahawani hi vulavula hi “siku ra vunhungu,” *nhlengeletano leyi hlawuriweke*, *leyi hlawuriweke*. Lemukani, “Mi nga tirhi eka rona.” Siku ra vunhungu, ya le (yini?) ndzhaku eka siku ro sungula. Hikokwalaho ka yini, ri vulavula hilaha ku nga Heriki, tani hiloko ri songa-songana ku nga ri na ndhawu leyi ri yimaka kona. Amen. Ma ri vona xana? [Nhlengeletano yi ku, “Amen.”—Muhleri.]

<sup>215</sup> Lemukani, nakambe ra hari ehenhleni ka siku leri ra vunhungu. Siku ro hetela, siku ra nkhuvu wa tabernakele, xiyisisani endzhaku ka sweswo, endzhaku ka siku ro hetelela ra nkhuvo, endzhaku ka Nguva ya Kereke yo hetelela, endzhaku ka masiku ya nkombo yo hetiseka yo hetelela ehenhleni ka misava, endzhaku ka Miliniyamu, kwalaho hilaha ku taka Nhlengeletano leyi yo Hlawuleka.

<sup>216</sup> Tsundzukani, lowu i nkhuvo wa titabernakele, *titabernakele*, “tindzhawu to hlengaletana eka tona.” Amen! Kwihi, “Eka Miliniyamu,” Bibele yi teri, “va ta aka tiyindlu; va tshama eka tona.”

<sup>217</sup> Kambe eka Misava leyи Ntshwa, khale A yile ku ya hi lunghisela ndhawu. Yi akiwile. A hi na nchumu lexi hi nga xi endlaka hi ku akiwa ka wona. Amen. Hilaha ku nga Heriki! Oho, ntsena ndza ri rhandza Rito lero! Mina! Nhlengeletano yo Hlawuleka, hi siku ra vunhungu. Laha, ku nga nkombo wa masiku ntsena. Kutani hi siku ra vunhungu, leri ri vuyaka endzhaku eka ro sungula nakambe, ri tlhelela endzhaku eka siku ro sungula, siku ra vunhungu i ra Nhlengeletano yo Hlawu....Hlawuleka.

<sup>218</sup> Lemukani, masiku ya nkombo, ntsena ya tirhana na ntumbuluko wa khale, nkarhi wa misava. Masiku ya nkombo, ya leyo i Miliniyamu, siku ro wisa. Tani hilaha Xikwembu xi tirheke masiku ya ntsevu, xi wisa hi ra vunkombo; Kereke yi tirhile ntsevu wa masiku, yi wisa hi ra vunkombo, kambe mi tava ma hari eka nkarhi wo sungula. A ndzi vulavuli hilaha ku nga Heriki.

<sup>219</sup> Kambe, ma swi vona, ku hava swo fana na sweswo swa masiku ya nhungu; mi tlhelela endzhaku eka siku ro sungula nakambe, wa vona, siku ro sungula.

<sup>220</sup> Savata ri vulavula hi nawu wa khale, lowu wu faneleke ku hundza. Ku hlayisa savata, laha ku nga “hundza,” kumbe, ndzi teri, “ri ncincele kun’wana.” A ri kalanga ri hundza; ri lo ncinka kusuka eka nawu wa khale, wa ku hlayisa siku rin’wana ra vhiki.

<sup>221</sup> Esaya, kuavanyisa ka vu19, yi teri, ndza pfumela i 28:19, yi ri, “Ku lerisa ehenhla ka ku lerisa; mhaka yin’wana sweswi, ni mhaka yin’wana endzhaku.” “Tsetselelani lava karheleke.” “Hilaha Ndzi nga ta vulavula ni tiko leri hi vanhu va manghanghamela. La i ndhawu ya ku wisa.” Wa vona?

<sup>222</sup> Mi nghena eVuton’wini, ku ngari ku hlayisa siku kumbe ndzhuti. Paul u teri, lahaya eka Vaheveru ku avanyisa ka 4. “Mi hlayisa masiku na mindzhuti, ni swin’wana swo kotisa sweswo; ndza wu chava ntokoto wa n’wina.” Wa vona, a hi hundzeni eka masiku ya n’wana na swileriso. “Mi hundzile eka rifu mi ya eka Vutomi lebyi nga Heriki,” ku ngari masiku kumbe minkarhi. Mi hundzile mi ya laha ku nga Heriki. Ya leyo i nhlengeletano yo hlawu-... hlawuleka, yo hlawuleka, kumbexani.

<sup>223</sup> *Masiku ya nkombo*, langutani, laha ku nga “ku hundza,” kumbe, ndzi teri, ri ta “ncincela eka rin’wana.” Siku ra vunhungu ri tirhana na ntumbuluko wu ntshwa, wa vona, ku ngari ntumbuluko wa khale. Siku ra vunhungu i ntumbuluko lowu ntshwa.

<sup>224</sup> Hikuva, wule ka siku ra vunhungu laha Hosi ya hina yi nga pfuka ekufeni. Kwalahaya ku na ku hlawuleka kun’wana ka n’wina, ku kwetsima; ku ngari ku tekela savata enhlokweni, eka hinkwaswo, kumbe nkhuvo wa titabernakele, nkhuvo wa *leswi*, na nkhuvo wa pentekosta. Yesu u pfukile kusuka ekufeni, leswaku hi lulamisiwa, hi siku ra vunhungu. Endzhaku ka tisavata ta nkombo, kumbe masiku ya nkombo, Tinguva Ta Nkombo Ta Kereke, Yesu u pfukile ekufeni. Hi siku ra vunhungu, laha ku nga nhlengeletano yo hlawuleka, wa vona, laha ku nga siku ro sungula.

<sup>225</sup> Wa vona, mi fanerile, mi hundzile eka nkarhi, kutani mi wela laha ku nga Heriki nakambe; ku ngari ku hlayisa masiku, ni ku hlayisa tisavata; na min’weti leyi ntshwa, ni swin’wana swo kotisa sweswo. “Kambe *swi* hundzile,” ku ncinciwile xivumbeko xa n’wina; ku ngari ku mbundzumuxiwa. Wa kwetsima! “Kambe ku hundza eka rifu kuya eVuton’wini lebyi Ntshwa.” Oho, yi ngava yi hi dyondzisa yini Bibe! Wa vona, ku hundza kusuka kun’wana ku ya kun’wana.

<sup>226</sup> Hi swona, “ku hundza,” savata ya khale yi hundzile. Yesu u pfukile hi siku ra vunhungu. Rero a ri ri siku ro xiximeka, ro kwetsima. Nakona a ri nga ri siku; hikuva siku, ku ngari nkarhi, wu va wu hundzile. Ri hundzele laha ku nga Heriki. Wa vona, ri dewula endzhaku eka siku ro sungula nakambe. Wa vona?

<sup>227</sup> Laha ku nga Heriki ku kotisa rhi—rhi rhingi. A wu nge yi kumi khona eka yona. A wu nge yi kumi ndhawu yo yima eka yona eka xirhendzeyutani lexi nga hetiseka. U ya emahlweni nale mahlwani. A ndzi na mhaka ni leswaku mi fambe ku ya kwihi, ma ha ri ekufambeni. Mi nga ha sungula ku rhendzeleka

ku kotisa *leswi*; u ya emahlweni ehansi, u ya emahlweni emisaveni, kuya endzhaku ka misava, hambi swi ri tano wa ha ya... [Xivati lexi nga riki na nchumu eka thepi—Muhler.]

<sup>228</sup> Hinkwaswo leswi swi nga tumbuluxiwa ehansi *lahawani*, swi encenyetiwile, ku ngari ku tumbuluxiwa, hi Sathana, u ta tshika a wa loko bele leyikulu ya nsuku yi ta rila na Mhalamhala yi chaya.

<sup>229</sup> Kutani endzhaku emasunguleni, laha mhandzi leyi bohiweke yi nga tava yi endliwile eEden, laha munhu a nga ta emisaveni a fika a wa, xinyimpfana lexintsongo xi halatile ngati ya xona, sweswo a ku vulavuriwa hi Xinyimpfana lexikulu leswaku xile kuteni ku ta halata Ngati ya Xona. Ripalwa ri pfuxile xihambano, lexi xi bohaka Testamente ya Khale; eka vona lava va lulamisiweke, va Ri langutile. Kutani eka ku hangalaka loku loku ntshwa, eku Vuyeni ka Hosi, eka Misava leyi Ntshwa, ringoti ra ku ponisiwa (ku nga Ngati, Matimba ya ku kutsula loku ndzi vulavulaka hi kona, nile ka mafambiselo yan'we ya kutsuriwile havumbirhi munhu na misava) swi ta pfuka nakambe swi pfukela laha ku nga Heriki nakambe. Na Tiva ra Ndzilo wu ta hisa hinkwaswo leswi swi nga riki swa vukhongeri ni lava va nga hlawuleriwangiki Yona. Ma swi vona xana?

<sup>230</sup> Lemukani, hi siku ra vunhungu, Yesu u pfukele ku lulamisiwa ka hina. Hosi leyi nga riki na Makumu, na Mfumo lowu nga Heriki wu nga ta khuvuleriwela eka yona, ku ya eVuton'wini lebyi nga Heriki. Ku ngari masiku ya nkombo; ku hava lexi xi nga endliwaka hi rin'we ra masiku lawa. Ri vulavula hi rin'wana, laha ku nga Heriki, ku taka; ku vulvuriwa hi nkarhi lowu nga Heriki, i Misava leyi ndzi vulavulaka hi yona.

<sup>231</sup> Kutani, xiyisisani, endzhaku ka masiku ya makume ntlhanu, kumbe tisavata ta nkombo kusuka lahaya, nakambe lahaya ku ta hlengeletano yin'wana yo hlawuleka. Ku humelele yini? Moya lowo Kwetsima wu wele eka Siku ra Pentekosta, hi siku ra vunkombo... Kumbe, hi siku ra vunhungu, kumbexani, siku ra vunhungu, ku wile hi siku ra vunhungu. Ku landzelat tisavata ta nkombo, hakunene, endzhaku ka ku pfuka ka Yena, wa vona; swingaleswi ku tava minkarhi ya nkombo ya sweswo nakambe, ku tlheriseriwela endzhaku nakambe eka siku ro sungula ra vhiki nakambe, hakunene. Wa vona?

<sup>232</sup> Hilaha ku nga na nhlengeletano ya n'wina yo hlawuleka, ku hava na nchumu lowu wu nga endliwangiki hi swilo leswi swi hlayeriwaka. Swile ndzhaku eka sweswo. Swile ka Mfumo wa Xikwembu, na Vutomi lebyi nga Heriki, na vahlawuriwa lava va nga kalangiki va sungula. A swi kalanga swi sungula na siku na rin'we. A mi kalanga mi ponisiwa na siku na rin'we. N'wina mo tshama mi ponisiwile. Amen. Yesu ntsena

a tela ku ta kutsula sweswo; kambe a mi ponisiwile, kusukela emasunguleni, hikuva mi na Vutomi lebyi nga Heriki, ku sungula hi swona.

<sup>233</sup> Nhlampfi ya ndhunghula yi ngaka yi ngavi gentle kumbe xivuluvulu. U boheka kuva ematini man'we na yena, kambe u tano, kusuka emasunguleni, ndhunghula. Yi khomiwa ntsena hi ritavala, wa vona, kambe a ri hi ndlela ya leyo kusukela emasunguleni. Swi hi xisweswo...

<sup>234</sup> Sweswi, a hile handle ka ku hangalaka. Hi tano xana? Hi le Matsalweni. Endzhaku ka masiku ya makume ntlhanu, ka ta.

<sup>235</sup> Wa vona, nhungu ya ngaka ya nga hlayiwi na vhiki. Wa vona, ya ngaka ya nga hlayiwi, masiku ya nhungu ya vhiki. A wu nga swikoti ku swi endla, wa vona, hikuva kova na nkombo wa masiku evhikini. Hlayelani hi ndlela yin'wana na yin'wana leyi mi yi lavisaka xiswona. Sonto i siku ro sungula ra vhiki. Wa vona, u hlayela nkombo, swingaleswi u ta fanela ku tlhelela endzhaku eka wona u ya sungula hi vuntshwa. U hlayela nkombo, u tlhela u vuya u tlhela u tlhelela nakambe. Wa vona?

<sup>236</sup> Kutani hi hanya eka wona muxaka lowu nga lahawani, kambe, loko u ba ra vunkombo, mi ya laha ku nga Heriki. A wu ti hi milawu, ni ku phahla, na swileriso. U ta hi ku hlawuriwa. Amen! Ku na wa xiviri, nhlengeletano yo hlawuleka! Wa vona? Nakona hi heteleta nguva ya vunkombo, nguva ya kereke, nguva ya Pentekostal. Ma swi vona xana? Hi le ku nghaneni eka nhlengeletano ya leyo yo hlawuleka. Hi le ku nghaneni eka sweswo hi ntiyiso, ka xiviri, laha ku nga Heriki, laha Kereke yi vitaniwaka kona; ku ngari eka xitichi xin'wana, dinominexini yin'wana, kambe ku ya laha ku nga Heriki na Hosi ya vona ya hilaha ku nga Heriki. Wa vona? A hi na swona hinkwaswo ka swona, ku hava swo fana ni sweswo tani hi masiku, na swin'wana, na minkarhi. Mi hundzile mi ya laha ku nga Heriki, laha mi humaka kona. A mi ri Kwalahaya, ku sungula hi swona. Wa vona?

<sup>237</sup> Loko mi ri na Vutomi lebyi nga Heriki, ku ni xivumbeko xin'we ntsena, xexo i xa Xikwembu, nakona mi hlamuseriwa kuva xibye xa xona. Wa vona? Loko mi ri... Loko mi ngari xona, a mi ngevi kona lahaya, hi ndlela yin'wana. "Ku hava munhu loyi a nga taku eka Mina handle ka loko Tatana wa Mina a n'wi tisa." Wa vona? Laha, "swihundzaka," hinkwaswo swilo leswi; kambe leswi Swilo a swi tano, swingaleswi swi vulavula hi laha ku nga Heriki. Moya lowo Kwetsima wu laha ku nga Heriki. Swingaleswi, mi hilaha ku nga Heriki, laha a mi ri kona nkarhi lowu hinkwawo, kambe ntsena mi tekele enhlokweni leswi nga humelela.

<sup>238</sup> Wa vona, mi endliwe hi xikongomelo xa laha ku nga Heriki, hikuva mi ko—ko kombisa leswaku mi xibye lexi a xi ri

eka Xikwembu, lexi a xi ehleketa hi n'wina ni ku hlamusela ha n'wina; kutani Xi endlile misava ku mi yisa eka yona, ni ku mi endla xivumbiwa xa ximunhu. Hiloko vudyoho byi humelela byi ta encenyeta ndlela ya Xona. Mi tile, hi ndlela yin'wana, kambe a mi lahlekile na misava. Swingaleswi Xi tile xi ta mi kutsula, ku hlamusela hi xibye, xi tlhela xi kutsula misava leyi hi ndlela yin'we. Swingaleswi, xikongomelo xa Xona xa ha vumbuluka kuya emahlweni. Wa vona? Oho! Haleluya! Oho, sweswo swi ndzi endlela swa kahle swinene, ehleketa hi leswi swi nga emahlweni!

<sup>239</sup> Sweswi, eka Vaefesa 1:10, yi vitaniwe... Sweswi, loko mi swi tsala ehansi, Vaefesa 1:10, yi vitaniwe, leswaku a hi ku hangalaka, a hi siku ra vunkombo. Ri vitaniwile, "Ku hetiseka ka nkarhi." Kutani loko "ku hetiseka ka nkarhi" ku fikile, kwalaho hiloko nkarhi wu hetisekile. Loko ku nga ha ri na nkarhi, kutani mi ya laha ku nga Heriki, endzhaku ka nguva ya vunkombo loko yi herile, nakona yi; nguva ya Luther yi herile, nguva ya Methodist yi herile, nguva ya Pentekostal yi herile. Kutani sweswi mi ya eka (yini?) laha ku nga Heriki; a ka ha ri na swa nkombo, a ka ha ri na swinharhu, a ka ha ri na swin'wana. Vale ndzhawini leyi nga Heriki, laha ku pfumalaka swo kotisa tinambara, na minkarhi, na swin'wana. Amen! Oho, mina! Ma swi vona sweswi xana?

<sup>240</sup> Kumbe, endzhaku ka loko nkarhi wu hetisekile, vudyoho hinkwabyo byi fambile, byi susiwile, eka Miliniyamu, eka Xiluvelo lexikulu xo Basa xa ku Avanyisa. (Hi xifanekiso, xa Moya lowo Kwetsima.) Endzhaku ka loko misava yi vile endzilweni ni kuva yi khuvuriwile, eka nkhuvulo wa yona wa Ndzilo lowo kwetsima wo huma eTilweni; vudyoho hinkwabyo byi fambile, switsongwa-tsangwana hinkwaswo swi va swi fambile, madimona na hinkwawo ya va ya fambile, hinkwaswo leswo chavisa swa va vuntswaka swi fambile, vubihi hinkwabyo byi fambile. (Fanisani sweswi.) Kutani xana Xikwembu xi endla yini? Xi nga ha tshama ehenhleni ka misava, wa vona, hikuva vudyoho hinkwabyo byi va byi fambile.

<sup>241</sup> Walowo i nchumu wun'we lowu Xi wu endlaka loko Xi nyika Moya lowo Kwetsima hi nkhuvulo wa Ndzilo. A nga ha ta a ta tshama na n'wina, nakona hi nga ha tshama etindhawini tale Tilweni eka Kreste Yesu, hikuva khale hi ri eka Yena. Ku ngari "leswaku hi tava." Sweswi hi tshamile eka Kreste Yesu. Xana hi nghena njhani eka toni? Hi nkhuvulo wun'we wa Moya lowo Kwetsima. "Hi Moya wu ri wun'we hinkwerhu hi khuvuleriwile eka Kreste," laha, hi nga kona sweswi. A hi le "ka" Kreste; hi kona! Hi yona Hosi leyikulu ya ximoya hi Moya lowu wu nga eka hina, hikuva a hi ri eka Yena emasunguleni.

<sup>242</sup> Wa vona, Xikwembu, emasunguleni, loko Xi tava xi anakanyile hi n'wina ni ku anakanya hi van'wana tani hi

sweswo, xi anakanya hi xona N'winyi leswaku xi va lexi khomelkaka. Ya leyo a kuri mianakanyo ya Xona. Wa vona? Swingaleswi, Xi hlamusela mianakanyo ya Xona hi Rito. Xi teri, "Lahaya a kuve na leswi." "Lahaya a kuve na leswi," kutani lahaya swi va kona. "Lahaya a kuve na leswi," kutani lahaya swi va kona.

<sup>243</sup> Swingaleswi, endzhaku nyana, A xi tshamela ro vula leswaku "lahaya a kuve na leswi," ku kondza laha vanhu va nge teri, siku rin'wana, "U nga ha xi pfumeleri Xikwembu xivulavula!"

<sup>244</sup> Xi ku, "Sweswi Ndzi ta vulavula na vona hi muprofeta." Wa vona? "Kusukela sweswi kuya emahlweni, Ndzi ta vulavula na vona hi muprofeta."

<sup>245</sup> Kutani muprofeta a ku, "Ku ta humeleta leswi; ku tava ni leswi," nakona swi va kona, nakona swi va kona. Nakona swi va kona, nakona swi va kona, wa vona, ntsena tani hi sweswo. Ma swi kuma sweswi xana?

<sup>246</sup> "Ku hetiseka ka nkarhi" kute endzhaku ka loko nkarhi wu hetisekile. Vudyoho byi fambile, endzhaku ka nkhuvulo wa misava, endzhaku ka nkhuvulo wa misava wu yi endla yi va ndhawu leyi ringaneleke; a kuna mavabyi, a kuna switsongwa-tsangwana; a kuna mitwa, a kuna mahlwehlwe; a kuna rifu, a kuna maxangu, a kuna ku pandza ka mbilu; a kuna ku dyuhala, ku hava lexi nga yimelaka rifu; ku hava lexi nga hoxeka; hinkwaswo swi kahle; ku hava lexi nga xa ntumbuluko. Hi laha ku nga Heriki!

<sup>247</sup> Swingaleswi, xibye xa Xona xi hlamuseriwile hikuva a xi ri kona, ekusungulen, ku sungula hi swona. Sweswo hi leswi a Xi swi anakanya. [Makwerhu Branham a swi pfapfarhuta exitsalelwani—Muhleri.]

<sup>248</sup> Kutani ku humelerile yini? Xi vekile Adam na Evha lahwani emisaveni, kutani xi ku, "Andzani mi tata misava." Mi ntsumbu ya vona a yi pavalarile lahaya, leswaku mi ta kota ku dya mi ta kota ku endla mi miri ya n'wina. Ya leyo hi yona ndlela leyi a Xi ri na yona yo swi endla.

<sup>249</sup> Kambe vudyoho byi nghenile byi ta kavanyeta makungu ya Xona. Wansati u vumbulukele eka byona, ntsena ku fana, wu endla sweswo nkarhi.

<sup>250</sup> Kambe Yesu u endlile yini? Xikwembu xi xikele ehansi xi ta ti hlamusela xona N'winyi hi xivumbeko xa Munhu, xivumbiwa xa ximunhu; xi nyika vutomi bya Xona, ematshan'wini ya ku tshama lahwani. Laha, A ri Hosi, kambe Xi tinyiketile xona N'winyi ku ta kutsula hinkwaswo. Ma swi kuma xana?

<sup>251</sup> Loko hinkwaswo swi tava swi herile, kutani swi koka swi tlhelela endzhaku, nakona xikongomelo xa Xikwembu xi va

lexi xi hetisekeke. Ku na Hosi leyи nga Heriki nakambe na tidyondzo ta Yona leti nga Heriki, ti hlamuseriweke eka nyama ya ximunhu, hi ndlela leyи Xi nga va na yona; vudyoho byи susiwile; javulosi u fambile; hinkwaswo swi hetisekile sweswi.

<sup>252</sup> Xana yi ta swi endlisa ku yini? Misava leyи yi ngaka yi ngavi ndhawu leyи Tilo ri nga tshamisaka kona sweswi. Yi languteni, ya vudyoho. Yi ta fanela leswaku yi basisiwa.

<sup>253</sup> Ku hava wanuna, ku hava munhu, ku hava wansati, jaha, nhwana, a ndzi na mhaka ni leswaku u mani, u ringanerile hi kuya ephulphitini, kumbe hambi kuri ku koxa kuva Mukreste, a wu kalanga u tatiwa hi Moya lowo Kwetsima. A wu faneriwanga hi xilalelo xa Hosi, kumbe ku vulavurisana kun'wana, ku hlambisana ka minkondzo, kumbe swin'wana na swin'wana, ku kondza u basisiwa hi Ndzilo lowo Kwetsima wa Xikwembu.

<sup>254</sup> Ku hava munhu loyi a nga na nfanelo yo chumayela handle ka loko wena, ku kotisa Muxe, a nga hlangana na Xona ehandle lahayaya eka misava ya leyo yo kwetsima, Langavi lero ra Ndzilo leri ri nembelelaka lahayaya, laha a tivaka laha a nga kona. Wa vona?

<sup>255</sup> Lemukani hilaha, hilaha hi fambisaka xiswona. Endzhaku ka nkhuvulo wa misava hi Ndzilo, switsongwatsongwani hinkwaswo swi fambile, xi yi endla yi va ndhawu leyи yi ringanelaka Tilo ku tshama lahwani emisaveni.

<sup>256</sup> Fananisani, sweswi, hi ku tshama etindhawini tale Tilweni eka Kreste Yesu; hi hundza eka leyи, yo thyaka ku kotisa wansati lontsongo hilaha a ri hakona, eka ku hlamusela ka xibye xa Xikwembu. "Sweswi hi Vana va Xikwembu," ku nga ri leswaku *hi tava*. Hi swibye swa mianakanyo ya Xikwembu. Wa vona?

<sup>257</sup> Sweswi mi ri, "Kunene, langutani eka muprista loyi. Xana a hi yena n'wana wa Xikwembu xana?" Swa khorwisa leswaku a hi yena. A nga ta swi kota ku lemuka yini xana? Xana u kale a ku, "Ndzi pfumela Bibele xana"? Hakunene. Kambe a nga swikoti ku lemuka Rito leri nga hlamuseriwa ra awara. Ntsena o va na ku dyondza ka vutlharhi loku ku humaka eka ntlawa wun'wana lowu a wu ri endzhaku yena a nga se va kona.

<sup>258</sup> Kutani swa ha fana na namuntlhа! Wa vona? Ndza switiva leswaku sweswo swa tika, kambe swi Ntiyiso.

<sup>259</sup> A kuri na Rito, tani hilaha ri vuriweke ku kotisa siku lero; nakona, yena, hambi leswi a hari wa xikolo, hambi swi ri tano a ri munhu loyi a tiveka ngopfu, kambe a nga koti ku Ri tekela enhlokweni. Hikokwalaho ka yini? A swi ngari na mhaka ni leswaku i wa xikolo, swin'wana swo kotisa sweswo, hambi swi ri tano a pfumala vuyimeri bya ku hlawuriwa. Wa vona?

<sup>260</sup> Ntsena lava va nga hlawuriwa hi vona va ri voxе va nga ta swi endla; swi nga endleka ntsena. Na n'wina ntsena mi nga swi

endla... Hikuva, langutani, swi khorwisa ku hlawuriwa. Hikuva, loko u ri na Vutomi lebyi nga Heriki, mi fanele kuva xiphemu xa Xikwembu nkarhi hinkwawo, hikuva hi Xona xi ri Xoxe lexi nga Heriki. Ma swi vona? Oho, mina! Ehleketani hi swona.

<sup>261</sup> Sweswi langutani leswaku ku humelela yini eka Miliniyamu leyikulu. Vudyoho hinkwabyo byi va byi fambile, sweswi Miliniyamu yi nghena yi tshama, i nkarhi wa kuva sweswi Moya lowo Kwetsima Wu teka ndhawu ya wona.

<sup>262</sup> Ntsena ku kotisa leswi Xi hi endleleke swona, “ku hundza eka rifu ku ya eVuton’wini,” hi tshama etindhawini tale Tilweni na Kreste, eVukoneni bya Xona lebyo kwetsima. Hambi kuri rifu ra ntumbuluko ri ta hundza; ntsena tani hi rifu ra ximoya ri hundzeke sweswi.

<sup>263</sup> Ku hava xo fana na rifu ra ximoya sweswi, eka—eka mu—mu mukwetsimi loyi a nga khuvuriwa wa Xikwembu. “Hambi loko a file, u ta hanya. Loyi a hanyaka a pfumelaka eka Mina a ngaka a nga fi.” Hinkwawo Matsalwa, ya Ta boheka ku hetiseka. Wa vona? U ngaka u nga fi. U na Vutomi lebyi nga Heriki. Nchumu wun’we ntsena, Mukutsuri u mi endlile leswaku mi swi lemuka. Nakona minkarhi hinkwayo mi Tano, kutani xexo hi xona xivangelo xa kuva mi vona siku leri mi hanyaka eka rona. I va ngani lava va rivonaka xana? Yimisani mavoko ya n’wina. Wa vona? Ndza khensa. Wa vona? Siku leri hi hanyaka eka rona, mi ri lemukile.

<sup>264</sup> Sweswi, Mumethodist u teri, “Loko u huwelela, u na Wona.” Votala va vona va huwelerile kambe a va ngari na Wona.

<sup>265</sup> Mupertekosta u teri “Loko u vulavula hi tindzimi, u na Wona.” Votala va vulavula hi tindzimi, kutani a va kalanga va va na Wona.

<sup>266</sup> Langutani hilaha, hinkwaswo swivumbeko swa Vafarisi leswi a vari na swona, kambe loko Rito ri kombisiwile, a va Ri lemukanga. Wa vona? Wa vona?

<sup>267</sup> Kutani loko u ri Mutekiwa, Mutekiwa i xiphemu xa Nuna. Nakona loku... Ndzhawu yi ri yoxe laha u nga Ri lemukaka, i ku lemuka leswaku u xiphemu xihi xa Nuna (ku nga Rito) wa wena, kumbe u nga swi lemuki leswaku i Mutekiwa. I va ngani va swivonaka sweswo xana? [Nhlengeletano yi ku, “Amen.”—Muhleri.] Wa vona? Wa vona? Mi fanele ku lemuka swiyimo swa n’wina.

<sup>268</sup> A wu nge swikoti ku lemuka un’wana. A ku ta—a ku ta humelela yini loko Muxe a lo ta ni hungu ra Nowa? Nakona Nowa a ri xiphemu xa rona, kambe a ri tava ri nga tirhanga. A ku ta humelela yini loko—loko—loko—loko Yesu a lo ta na Hungu ra Muxe? A Ri tava ri nga tirhanga. Wa vona, a yi ri nguva yin’wana, a byi ri vuprofeta byin’wana, xiphemu lexi hambaneke xa Rito a xi fanele ku hetisiwa kwalahaya. A vari

eka siku rin'wana ra vhiki. Ri nga ri, ntirho wa Wavumbirhi lowu wu nga taka wu nga tirhiwi hi Wavunharhu. Nakona Wavunharhu ri fanele ku endliwa hi Wavunharhu. Wa vona? Mugivela ri fanele ri va ni ntirho wa Mugivela. Wa vona?

Nakona, vona, va lemukile, "Oho, Muxe, hi na Muxe."

<sup>269</sup> U teri, "Loko a mi tivile Muxe, a mi tava mi Ndzi tivile, hikuva hi yena loyi a vulavuleke hi Mina. 'Hosi Xikwembu xa n'wina xi ta mi pfuxela muprofeta ku kotisa mina.'" Ma yi kuma mhaka ley? Oho, mina! Wa vona?

<sup>270</sup> Hiloko Yesu a ku, eka Yohana 14, "Loko Yena, Moya lowo Kwetsima, a ta, U ta mi tsundzuxa hi swilo leswi, wa vona, a mi kombeta siku leri mi hanyaka eka rona. Kutani manuku, xin'wana mi ta N'wi tiva, U ta mi komba swilo leswi swi nga tata," wa vona, wa vona, ku tlhelela endzhaku eka vuprofeta nakambe, "loko A tata." Wa vona?

<sup>271</sup> Eka Misava ley Ntshwa na Matilo lama Ntshwa, mi ngaka mi nga ha ntimisiwi nakambe, loko Misava ley yi Ntshwa yi ta fika. Javulosi u ta bohiwa... Sathana, wa ha chuchiwile sweswi; i muhehli. Kambe eka Misava ley Ntshwa, u ta bohiwa a hoxiwa eTiveni ra Ndzilo, eka Ndzilo wa lowu wo kwetsima.

<sup>272</sup> Kutani, eka Misava ley yi Ntshwa, a hi languteni eka yona sweswi xinkadyana nyana. Eka Misava ley yi Ntshwa, swibakabaka swi ngaka swi nga havi na ntima nakambe; ee, sweswo swi huma eka ndzhukano, wa vona. A swi nga ha pfuki swi ntimile nakambe hi mapapa lawa ya nga kwata. Mimoya a yi nga ha hungi yi n'wi tsemekanya nakambe ku kotisa sweswo. Ee. A nge he pfuki a handzule minsinya, ni ku handzula tiyindlu, ni ku hundzuluxela swilo. Rihatni vu karhi a swi nge he gevi kusuka eka Sathana swi tsemekanya la haya, swi dlaya munhu loyi a ti fambelaka hi patu, kumbe ku hisa muako. Wa vona? Ee, a swi nge hevi kona. A ku nge hevi na bubutsa leri nga ta kukula, kumbe swihuhuri na swimbhembhe, swi ta handzula tiyindlu, ni ku dlaya vana lava ntsongo, ni swin'wana. A haa, a swi nge hevi kona. Ku ringeta ku onha, a swi ngevi kona la haya. Sathana u hlongoriwile.

<sup>273</sup> I ngaku loko a hi ri na nkarhi sweswi. Ntsena ndzile ku hundzeni ka Matsalwa, sweswi, leswaku hi nga hlweli. Ndzi fanele ku khongelela vavabyi.

<sup>274</sup> Matilo ni misava swi hlanganile; Xikwembu na vanhu va rivalelanile. Eden ley i nga vuyelerisiwa yi sungurile; wa vona, ndzhukano hinkwawo wu fambile.

<sup>275</sup> Ntsena ku kotisa, hinkwawo ndzhukano wa vudyoho wu fambile loko Moya lowo Kwetsima wu mi amukerile. Wa vona, n'wina a mi Wu amukeli; Wona wu amukela n'wina, wa vona, hikuva Wu xibye xa Xikwembu. Wa vona, loko Wu ri Moya lowo Kwetsima, swivula leswaku, Moya wa Xikwembu; nakona wu

ri xibye, mianakanyo ya Xikwembu, yi mi amukerile hikuva mi hlawuleriwile xikongomelo xexo. Wa vona? Hambi swi ri tano, mi tswaleriwele evudyohweni; kambe Xikwembu xi na xibye xexo, kutani lahawani ma tihamusela n'wina hi n'wexe lahawani emisaveni, kutani Xi xikele ehansi xi ta mi kuma. Wa vona, mi vuyile *lahawani*; *lahawani* hilaha mi nga kongomana na kona. Wa vona? Wa vona, vudyoho byi lahlekeriwele hi matimba ya byona. Sweswo hi swona. Ku tsakela ka vudyoho ku va ku fambile kusuka embilwini ya n'wina, loko Moya lowo Kwetsima wu nghena. I munhu loyi a nga vuyelerisiwela nakambe.

<sup>276</sup> Kutani loko misava yi tava yi vuyelerisiwile, hi nchumu wun'we, a ku nge hevi na ku rhukaniwa, a ka ha ri na mabubutsa, a ka ha ri na mimoya, a ka ha ri na xidzhedzhe—xidzhedzhe, kumbexani. Mi rivalelanile; munhu na Xikwembu va hlanganile. Misava leyi Ntshwa yi ta vekiwa eka Eden wa yona yo saseka nakambe. Misava leyi Ntshwa yi ta tlharhamuka, yena, endzhaku ka loko a khuvuriwile hi Ndzilo.

<sup>277</sup> Ntsena ehleketani, u ta khoma ndzilo a ntshwa. Hinkwaswo swi ta pfurha hi—hi ndzilo lowu wu pfurhaka. Hinkwayo mintirho yale misaveni yi ta ntshwa. Mati hinkwawo ya ta buluka; ma ta tlwebeka ya pfurheteleka. Hinkwaswo swi ta pfurheteleka. Vholukheno yi ta duvuka, magidi ya mayili emoyeni, ku ta haha kuri karhi ku pfurha lavha leyi yi hisaka. Hinkwaswo switsongwa-tsangwani... Moya lowo Kwetsima wa Xikwembu wu ta basisa vala rin'wana na rin'wana ra vudyoho ni hinkwaswo. Javulosi hinkwadyo ka dyona dyi ta bohiwa dyi hoxiwa eTiveni ra Ndzilo, Ndzilo lowu wu herisaka, vukarhi bya Ndzilo wa Xikwembu.

<sup>278</sup> Ku hava xinkankanka lexi nga tava kona lahaya ku ta mi hlasela nakambe. Loko mi famba hi patu, emintangeni ya swiluva, a ku ngevi na nyoka yo mi tsetela kumbe ku mi luma, hi vuxungu bya yona. Oho, mina! Ku tava ku nga sasekanga xana? Yingisani. Kutava ku nga hari na nchumu xa sweswo eka Misava ya leyo leyi Ntshwa leyi nga tshama yi tlhandlukela eribuweni leri ntsongo ra buwa ra ritshopi, ra sirha; ku hava na nchumu xa sweswo lahaya.

<sup>279</sup> Munhu na Xikwembu va va kun'we; Mutekiwa na Muteki. Matilo ni misava swi angerhelana; Xikwembu xi xikele ehansi xi ta tshama exikarhini xa vanhu. Tabernakele ya Yena yi na vona.

<sup>280</sup> A ku nge hevi na vudyoho, a ka hari na maxangu. A ku nge hevi hambi kuri nhloti lowu wu xirirkaka ku ya fika exilevhini xa manana, hikwalaho ka n'wana wa yena. Amen. A swi ngevi tano, eka Misava ya leyo leyi Ntshwa. Ee. Yi kutsuriwile. I ya Xona, nakona hikokwalaho ka Xona hi kutsuriwile eka yona. Wa vona?

<sup>281</sup> Kutani, langutani, mi xiphemu xa misava ya leyo. A hi swona xana? Kutani loko Xi mi kutsurile, Xi kutsurile misava hi swo fana, nakona mi kun'we nakambe. Oho, hilaha swi nga

tshamisa xiswona erivaleni. Wa vona? Mi fanele ku kutsuriwa hikuva mi xiphemu xa yona. Kutani loko Ngati yi nga mi thonelanga, a mi se kutsuriwa sweswi; a mi vitaniwanga. Swingaleswi Wa yi basisa; sweswo hi leswi Xi swi endlaka eNdzilweni. Hambi loko, Ngati yi thona, hambi swi ri tano ya ha fanele ku basisiwa hi Ndzilo, hi swona sweswo, leswaku yi va ndhawu leyi ku tshamaka Xikwembu.

<sup>282</sup> Khale Xikwembu xi tekile vutshamo bya Xona, hi nfanelo. Mfumo wa Xikwembu wule misaveni sweswi, etimbilwini ta vakwetsimi va Xona. I swibye swa Xona leswaku Xona xi sungula emasunguleni. Sweswi swibye swa Xona swi kutsuriwile. Xana Xi rhendzele yini? Ku kutsula misava, leswaku xi tshamisisa swibye swa Xona eka yona, ku hetisisa hakunene makungu ya Xona yo kutsula. Ma swi vona xana?

<sup>283</sup> Lemukani, ku hava masirha, ku hava mihloti, ku hava, ka hari hava ku halaka ka ngati. A ngaka a nga ha tsakamisiwi hi mihloti kumbe ngati. Ee. A ku nge hevi na tinyimpi. Ee. A ku ngevi na mapapa ya xixika. A ku ngevi na gamboko leyo titimela emaveleni ya yena; yi ngaka yi nga havi kona kwalahaya. Dyambu ro hisa ri ngaka ri nga havi kona, ri ngaka ri nga ha hisi mabyanyi ya yona. Haleluya! Hambi mananga ya ta mirisa swiluva. “Rero ra khale, mananga lowu wu nga khomelela wu ta buloma, siku rin’wana, tani hi xiluva,” Xikwembu xi vule tano; loko a tava a kutsuriwile, loko a ta amukela nkhuvulo wa yena wa Ndzilo. Kutani minxaka hinkwayo ya swimilana ni swi damarhetiwa ni hinkwaswo kwalahaya sweswi, kambe u na nkhuvulo wa Ndzilo lowu wu taka.

<sup>284</sup> Ku kotisa munhu leswi a ri xiswona, loko a hari na rivengo, lunya ni ku tikeriwa eka yena; loko nkhuvulo wa Ndzilo wu fika, wu swi basisa hinkwaswo. A ka hari na mavondzo, a ka ha ri na nchumu na swin’wana; yi va ndhawu leyi hetisekeke ya ku tshama Xikwembu. Kutani, tsundzukani, valava i vahlawuriwa va Xona lava va yaka va ya hlangana na Xona halahaya. Amen! Oho, i yini . . .

<sup>285</sup> Sweswo a kova ntsena xitorhi; wa lowo i Ntiyiso. Sweswo hi leswi swi nga vula hi Xikwembu. Sweswo hi leswi Xi nga swi tshembhisa. Kwalaho hilaha Mutekiwa a yaka kona. “Hambi ya ri mananga,” Xi teri, “wu ta bloma, wu va na swiluva.”

<sup>286</sup> Sathana, vudyoho, ni vadyohi, swi fambele, makumu. Hinkwaswo swi endlekile; swi voyamela laha ku nga Heriki. Kutani hinkwaswo leswi swi nga encenyetiwa, ndhuna ya ntsumi ya leyo leyikulu leyi yi nga tshama yi tshama lahaya siku rin’wana, Sathana, loyi a endleke vubihi lebyi hinkwabyo, u ta lovisiwa. Ma swi tsundzuka, leswaku Bibele yi teri, “Loko moyo wa lowo wu nga endlili hilaha Yena a swi endleke, wu nge teri a swi endla, U ta lovisa hambi moyo wa lowo.”

<sup>287</sup> Kambe, ma swi vona, Xi ngaka xi nga ti lovisi xona N'winyi xi tama xa hari Xikwembu. Swingaleswi, loko moya wa lowo wu ri wa misava, wu ta fanelu ku lovisiwa. Kambe loko wu ri lowu nga Heriki, wu ri na Xikwembu, a wu kalanga wu vana masungulo, hikuva i xiphemu xa Xikwembu nakona wu ngaka wu nga loviseki. Amen! Swi saseke njhani! Hi swi—swi khensa njhani, leswaku Kereke yi fanele ku swi vona sweswo!

<sup>288</sup> Vanhu, hinkwaswo leswi mi nga swi endla swi lahawani. Leswi hi leswi ndzi ringetaka ku swi vula. Ndzile ku tlulenka swin'wana hikuva ndzi lava ku tlhela ndzi tlheleka eka swona nakambe.

<sup>289</sup> Hambi kuri swilo leswi, Sathana, vadyohi, va fambile, hilaha ku nga Heriki; a va nge he pfuki va ve kona. Hinkwavo... Wa vona, Sathana a nga swi koti ku tumbuluxa. Loko a ri tano, u Xikwembu. Wa vona? U kota ntsena ku encenyeta leswi swi nga tumbuluxiwa. Wa vona? Kutani hinkwako ku encenyeta ku ta, ku encenyeta, ku ta famba na yena. Nakona rifu i ku encenyetiwa ka vutomi; kutani loko ku encenyeta a ku lo endliwa, a ku tava ku pfumaleka rifu. Ku dyuhala i sayini ya rifu; kutani loko ku dyuhala ku tava ku fambile, vutomi bya nghena. Hinkwato tisayini to encenyeta ni hinkwaswo swi va swi fambile. Mitwa na mahlwehlwe i sayini ya vudyoho, "misava yi rhukaniwa ha swona," nakona va fambile na swona. Vuvabyi byi nghena, ha sweswo; yi ta famba na swona. Rifu ri ta famba na swona. Ku halaka ka ngati ku ta famba na yona.

<sup>290</sup> Ku hava lexi xi nga khumbhaka ribuwa lero handle ka ku kwetsima, ku nga Mukutsuriwa. Oho, mina! Ina. Oho, ntsena ndzi titwa kahle. Xikwembu, na ntumbuluko wa Xona; na swivumbiwa swa ntumbuluko wa Xona lowu xi nga wu kutsula hi Ngati leyti yi nga ya Xona N'winyi. Xi basisa hi maendlelo yo basisa lawa ya nga ya Xona N'winyi; ku dlaya ka Xona swintsongwa-tsongwani, maendlelo yo dlaya vudyoho!

<sup>291</sup> Ku kotisa loko swin'wana na swin'wana swi nga ha tswali, ku ka ku nga tswariwi loku antswa loku hi nga tshama hi va na kona a kuri ka ndzilo. U nga ha teka hinkwaswo u swi hlantswa hi xisibi na hi tikhemikhali leti va vulavulaka ha tona, hambi swi ri tano a swi chuchekanga. Kambe u swi hisa kan'we!

<sup>292</sup> Kutani loko Ndzilo lowo kwetsima wa Xikwembu wu nga ha tswarisi misava hi Tikhemikhali; Xi tava xi tlakuserile Mutekiwa wa Xona, loyi a nga tata eTilweni na Yena, loko leswi swa ha ya emahlweni. Ni ku vuyela endzhaku ehenhlemi ka misava nakambe, Matilo lama Ntshwa na Misava leyti Ntshwa. Vuxika lebyo titimela byi ngaka byi nga yi vavisi. Ximumu lexo hisa xi ngaka xi nga yi vavisi. Mananga yi ta bloma ku kotisa xiluva. Vudyoho na vadyohi va fambile.

<sup>293</sup> Xikwembu, na swivumbiwa swa Xona na ntumbuluko, swi tshama kun'we eka ntwanano lowu hetisekeke. Ku kotisa

matilo na misava swi nga nuna na nsati, swi tano nile ka Kreste na Kereke, kutani hinkwaswo swi hlangana eka makungu man'we lamakulu lawa ya kwetsimaka ya ku kutsula kutani ya tisiwa eswifuveni swa Xikwembu nakambe. Ma swi vona xana?

<sup>294</sup> Kutani, eka Misava leyi Ntshwa, ku ni Doroba leri Ntshwa. Oho, mina! Sweswi yingiselani swinene. Mi nga swi rivali leswi. Leswaku, Yesu u teri, eka Yohana 14, U taya a ya lulamisa. "Timbilu ta n'wina ti nga kanakanani." Loko A famba, "Ndzi na xivangelo xa kuva ndzi famba. Mi pfumerile eka Xikwembu," U teri, "mi pfumela nale ka Mina." A va nga swivoni leswaku hi Yena Xikwembu. A ku, "Mi pfumerile eka Xikwembu, sweswi mi pfumela eka Mina. Kutani Ndzi ya eku mi lunghiseleni Ndhawu. Vuako byi tele eNdlwini ya Tatana wa Mina; swigotlo swi tele eMfun'weni wa Tatana wa mina." Kreste u kwalahaya, ehansi ka Yerusalem Lontshwa loyi a nga eku akiweni. Sweswi yingiselani sweswi. Mi nga famba-fambi. Mi nga, mi nga swi hupi leswi. Kreste u le Tilweni, namunlha, u le ku lulamiseni ka Yerusalem Lontshwa.

<sup>295</sup> Ntsena tani hilaha Xikwembu xi nga tumbuluxa misava hi masiku ya ntsevu, xi endla misava hi ntsevu wa masiku, kumbe ntsevu wa magidi wa malembe. Tani hilaha a nge teri, "A hi rhandzi leswaku mi nga switivi," hi hlaya eMatsalweni, "khume ra madzana ya malembe ri ringana na siku rin'we."

<sup>296</sup> Kutani Kreste u fambile a ya lulamisa Ndhawu, leyi a ya ha ri eku akiweni ku ringana yo tala, magidi yo tala ya malembe, ku lulamisa Ndhawu. "Kutani loko Ndzi famba ndzi ya lulamisa Ndhawu, Ndzi ta tlhela ndzi vuya, ndzi ta mi teka; leswaku laha Ndzi nga kona, mi va kona na n'wina." Lemukani Mukutsuri na Mukutsuriwa!

<sup>297</sup> Loko a hi ri na nkarhi sweswi. Ndzi ku marakile lahawani, ku tshaha ka Solomon, "nhwana loyi, Mutekiwa." Oho, ntsena hi ta fanela ku swi tlula leswi; nkarhi wu fambile, wa vona. Ndzi ta wu kuma, nakambe. "Loko a ringeta ku n'wi kuma wansati, kambe a tshembhisanile na jaha ra murisi wa tinyimpfu." Van'wana nkarhi wun'wana a va anakanya leswaku a kova risimu leri a ti yimbelelela. Oho, ee. Solomon a ri mudya-dzhaka wa xiluvelo xa Davida, emisaveni, kambe a kombisa leswaku mfumo wa lowo wu ta hundza. A kuri xifanekiso xa Kreste loko a rhandzana na Mutekiwa wa yena. Wa vona?

<sup>298</sup> Lemukani leswi Yesu a nga swivula, Yohana 14 sweswi, "ku ya lunghisa Ndhawu."

<sup>299</sup> Oho, xana yi ta languteka njhani? Mi kale mi ehleketa sweswi, Mutekiwa, xana yi ta langutekisa ku yini? Yi lulamisiwile yi tlhela yi kunguhatiwa hi Mupfapfarhuti wa Matimba. Xana Doroba lero ri ta languteka njhani? Sweswi, hi ta vulavula hi swona ku nga ri khale. Mupfapfarhuti wa

Matimba u ri lulamisile, a ri kunguhata. Kutani, langutani, U ri kunguhatile hi mavoko ya musa, a endla Mutekiwa wa Yena loyi a n'wi rhandzaka. Xana ri ya langutekisa ku yini?

<sup>300</sup> U nga ha swi anakanya loko wanuna a teka nsati, sweswo swa koteca, hilaha a akaka ha kona ni ku vekela swilo swintsongo eka leswi swi nga ta n'wi khumbha, ntsena hilaha a nga ta langutekisa xiswona? Amen.

<sup>301</sup> Sweswi, Mupfapfarhuti wa Matimba u kunguhatile Doroba leri Ntshwa, laha A nga ta hanya na Mutekiwa wa Yena, ntsena leswaku ri N'wi khumbha. A swi hlamarisi loko muapostola a teri, "Tinhlo a ri vonanga, ndleve a yi twanga, hambi kuri ku nghena embilwini ya munhu." A hi voneni loko hi nga rhobel a eka rona xinkadyana, hi vona leswaku ri ya langutekisa ku yini.

<sup>302</sup> Mupfapfarhuti wa Matimba u ri kunguhatele Murhandziwa wa Yena. Wa vona? Oho, i ndzhawu yihi laha ri nga tava kona, loko, Ntumbuluko wa Matimba, Mupfapfarhuti wa Matimba a ri kunguhateke leswaku ri va ra xibye xa Matimba lexi xi nga hlawuriwa hi Matimba hi Xikwembu xa Matimba Lexi—Lexi xi nga mutshahi wa Vutomi bya Matimba! Doroba lero ri ta langutekisa ku yini! Ehleketa ha swona.

<sup>303</sup> Tsundzukani, a hi Tilo. Yohana u teri, "Ndzi ri vona ri xikela ehansi ri huma eTilweni." Ri fanele ri va emisaveni. Wa vona?

<sup>304</sup> Ku ngari leswaku misava leyи ta hundza; i misava leyи yi nga kutsuriwa. Xikwembu a xi vuli leswaku Xi ta pfuxa rixaka rin'wana ri ntshwa; Xi ya kutsula leri ri nga kwalahawani. A Xi nga pfuxi rixaka rin'wana leri ntshwa; Xi kutsula leri khale ri nga kona kwalahawani. A Xi yi eku endleni ka misava yi ntshwa; hi ya leyи yi nga kwalahawani. Ntsena Xi ya eku yi hiseni, yi basisiwa, tani hilaha Xi nga endla n'wina. Makungu ya Xona ma boheka ku tshamisa xisweswo. Sweswi, langutani, swi tava tano.

<sup>305</sup> Tsundzukani, a xi yi eTilweni. "Ri xikela ehansi kusuka eTilweni." I Ndhawu yo tshama eka yona, Ndhawu leyи nga ta tshamiwa eka yona, ku tekela ehenhla va tshami va Xona. Ku kotisa, a kuri Yohana, exihlaleni xa Patmos, lahwani eka Nhlavutelo 21, u ri vone ri "xika." Yohana u vone Doroba, "ri xika kusuka eTilweni," tani hi tuva, tani hilaha a nga swivonisa xiswona.

<sup>306</sup> Lahawani ku ta Xikwembu, xi xikela ehansi ehenhleni ka tabernakele ya Xona yale misaveni, Yesu, eka... "a xikela ehansi kusuka eTilweni." Yesu u khuvuriwile, a ya a kongomile...

<sup>307</sup> Loko A tava a hlanganile na muprofeta! "Rito ri ta eka muprofeta." Nakona A ri Rito. Nakona muprofeta a yimile lahaya, a ri karhi a sola tidinominexini ta vona hinkwato, hinkwaswo. Kutani, loko a tava a vonile Rito, Rito ri ta ri kongomane na yena.

<sup>308</sup> Kutani muprofeta u hlamarisiwile ngopfu, a ku, “A ndzi faneli ndzi khuvula hi Wena. Hikokwalaho ka yini U ta eka mina?”

<sup>309</sup> A ku, “Ndzi pfumeleli sweswi, hikuva hi fanele ku heta (hi tiva hungu) leswo lulama hinkwaswo. Ndzi Xithavelo; Xi boheka ku hlantswiwa.” U n’wi tshikile.

<sup>310</sup> Loko A huma ematini, u teri “Ndzi vona matilo ya pfulekile.” Muprofeta u swi vonile. U vonile matilo ya pfulekile.

<sup>311</sup> Kutani lahawani ku ta, ku xika loku ku humaka eTilweni, hi xivumbeko xa Tuva; kutani Rito, ri ku, “Lexi i xiphemu xa Mina xa misava leyi Ndzi nga yi kutsula, kutani kusuka eka xiphemu lexi xa misava Ndzi ta yi kutsula hinkwayo ka yona, hikuva hi Yena Rito ra Mina leri nga kombisiwa.” “Kutani misava hinkwayo, Ndzi yi virule leswaku yi humeleta hi Rito ra Mina,” Vaheveru 11. “Kutani Sathana a ri na yona eka nkarhi lowu hinkwawo, kambe ndzi tile ndzi ta yi kutsula. Hi vunyengi bya yona byi endlile miri wa Yena, nakona Ndzi ta eku tshameni eka yona.”

<sup>312</sup> Yohana u teri, “Ndzi vona Doroba lero kwetsima, Yerusalem lowu Ntshwa wu xikaka wu huma eTilweni, ku kotisa Mutekiwa loko a tibombisela Nuna wa yena.” Kutani wu ye wu ya tshama kwihi? Ntsena ku kotisa hilaha swi swi endleke lahay; ehenhleni ka misava.

<sup>313</sup> Yesu a ri xiphemu xa misava ya leyo leyi Moya lowo Kwetsima yi nga xikela eka wona, (a hi swona xana?) ni ku tshama ehenhleni ka Yena hi laha ku nga heriki. Yi ngaka yi nga N’wi tshiki. Yi kwalahaya minkarhi hinkwayo. Yena na Xikwembu va Un’we. Minkarhi hinkwayo swi fanele ku tshamisa xisweswo!

<sup>314</sup> Kutani swingaleswi Yohana u vonile Doroba lero kwetsima, ri nga Yerusalem lowu Ntshwa, ri xika ku kotisa nyeleti ya ncila, kumbe tu-tu tuva, ri xikela ehansi ri huma eTilweni ri fika ri tshama ehenhleni ka laha ku kutsuriweke, misava ya khale, (ku ta endla yini xana?) ku ta koxa swibye hinkwaswo leswi Xi nga swi endlela misava. Wanuna un’wana na un’wana loyi a nga yimeriwa endlwini leyi nga Heriki, ni wansati un’wana na un’wana, u kutsuriwile kwalaho. Yi basisiwile hi ndzilo yi tlhela yi hisiwa hi Ndzilo.

<sup>315</sup> Yesu, eka mindzingo ya Yena ya ndzilo emananga, ku ringana mune wa makume wa masiku. Endzhaku ka sweswo, lemukani, a kuri nkarhi wa ministri wa Yena kwalaho.

<sup>316</sup> Ehleketa hi swona, Moya lowo Kwetsima wu xikela ehenhleni ka misava, Yesu, na Ngati ya leyo yo kwetsima! Sweswi langutani, na tshembha a nile ku mi nyupeleleni ngopfu, wa vona. Ngati yo kwetsima leyi nga tumbuluxiwa hi Xikwembu; Ngati, Vutomi, ntumbuluko wa Xikwembu. “Yesu hi yena masungulo ya ntumbuluko wa Xikwembu.” Oho! Ma

swi vona? Xikwembu, xi swi endlile eka ntumbuluko. A Xi ri Moya. Bibele yi vule tano, "Hi Yena masungulo ya ntumbuluko wa Xikwembu." Xana U sungule njhani? Ekhwirini ra wansati. Kwihi ku nga na yini? Wansati a nga tano...

<sup>317</sup> Ku kotisa vanhu va vona va mabofu va nga yi voniki "mbewu" ya nyoka kwalahawani. Wa vona? Evha u vekiwile kwalahawani emisaveni, nakona, loko Sathana a nge se n'wi khumbha, kumbe swin'wana, Xikwembu xi teri eka vona, "A ndzisanani mi tata misava." Hi swona sweswo, kambe Sathana u nghenile lahawani. Kutani, ya loye loko a ri n'wana Adam, swingaleswi hikwihi...

<sup>318</sup> Adamu u xike a huma eka Xikwembu. Nakona ntsena u tekelela ntumbuluko wa mutswari wa yena.

<sup>319</sup> Kutani loko u tswariwe ra vumbirhi, u tekelela Ntumbuluko wa Mutswari wa wena, wale Tilweni. Nakona Mutswari wa wena wale Tilweni i xibye xa Rito... Kumbe, Rito i xibye xa Mutswari wa wena. Kutani, xana u nga Ri ala njhani, eka dinominexini? Mina!

Ndza tshembha a mi swi hupi leswi. Ndza swi tiva leswaku swi huma eka Xikwembu.

<sup>320</sup> Yesu. Lahawani Wa ta, wa xika; nakona lahaya kuna Yesu, xibye xa Xikwembu.

<sup>321</sup> Sweswi, "wansati," yena. Langutani. Xikwembu xi teri, "Hikokwalaho ka kuva va endlile leswi," xi ku, "Ndzi ta veka ku vengana exikarhi ka Mbewu ya wena na mbewu ya nyoka." A hi swona xana? Nakona wansati a ri hava mbewu. Mi kale mi ehleketa ha sweswo xana? A ri na nsimu, ku nga ri mbewu. Wa vona, nyoka khale yi vekile "mbewu" ya yona kwalahaya.

<sup>322</sup> Swingaleswi, loko wansati a ri hava mbewu, u fanele a tshama leswaku a ta va na Mbewu.

<sup>323</sup> Ma swi vona, hi timhaka ta masangu lahawani, ku tile kusuka eka Sathana, ku nga nyoka, laha a ku ngari xikokovi; a yi ri na milenge, hikuva milenge ya yena yi vuye yi susiwa eka yena. A ri wa mano swinene, xiharhi xi ri xin'we lexi xi nga—xi nga tihlanganisaka na wansati.

<sup>324</sup> Mbewu ya xiharhi yi ngaka yi nga swi koti, nakona ku hava swin'wana. Va ringetile. Swi ngaka swi nga tirhi. Wa vona, vutomi bya mbewu leyi yi humaka eka xinuna yi ngaka yi ngayi eka xisati eka wansati. Swi ngaka swi nga koteki.

<sup>325</sup> Kambe xexo a xi ri nchumu lowu wu nga ekusuhi swinene. Wa vona, va ngaka va nga xi kumi xihadysana xexo lexi nga exikarhi ka chimpanze na munhu. Wa vona, xin'wana na xin'wana, tani hilaha xi ncinceke, kusuka eka swinyenyani, kutani swi ya eka tintohwe, ni kuya emahlweni, ku ya fika eka chimpanze, kutani ku na ku "lahleka." Xexo a xi ri sephente, ku nga ri nyoka; xivumbeko xin'wana na xin'wana xi lahlekile kusuka eka yena, hikokwalaho ka kuva a rhukaniwile.

<sup>326</sup> Sweswi, Xikwembu a xi kalanga xi rhukana Adam; a nga hava a endlile swo fana, kambe Xi rhukanile misava, “mitwa na mahlwehlwe.”

<sup>327</sup> A Xi kalanga xi rhukana Evha, kambe xi teri Adam u tava “mufumi” wa yena. Ku sukela sweswi kuya emahlweni, wansati a nge le ku ringeten i ka ku chumayela kumbe swin’wana, Adam i mufumi wa yena. “Nakona hinkwabyo vutomi bya wena, nakona eka maxangu, nakona u ta tisa vutomi emisaveni.” Kambe Xi teri, “Ndzi ta veka ku vengana exikarhi ka Mbewu ya wena...”

<sup>328</sup> Sweswi, wansati a nga ri na mbewu yin’wana, a nga kalanga a va na yona, swingaleswi, a fanela ku amukela Mbewu kusuka eka ndlela yin’wana. Xikwembu xi n’wi nyikile Mbewu ya yena, ku ngari hi timhaka ta masangu, kambe hi ntumbuluko.

<sup>329</sup> Xana a mi swi voni n’wina vanhu lava mi nga fa mahlo leswaku yaleyo i “mbewu” ya sephente xana? Oho, mina! Sathana u kumekile lahaya Adam a nge siya; ya leyo a yiri “mbewu.”

<sup>330</sup> Kambe wansati u amukerile Mbewu. Xana a yi ri yini? Xikwembu hi Xoxe. “A ri masungulo ya ntumbuluko wa Xikwembu.”

<sup>331</sup> Sweswi langutani hilaha Seta a nga tswariwa ha kona, kumbe Abel, a ri munhu la lulameke, kusuka eka tata wa yena. Seta na yena u vile hi ndlela yo fana.

<sup>332</sup> Xana nakulorhi ya loye wo biha a huma kwihi; mudlayi, muhembi? Wa vona, ma ku vona laha yi humaka kona xana? Yi fanele yi va “mbewu,” hikuva a ri mbewu; Kayini a ri munhu.

<sup>333</sup> Oho, xana vale kwihi vanhu va mabofu xana? “Xikwembu nyana xa misava leyi xi va pfarile mahlo.” Kunene, a swi hlamarisi, Yesu u teri ku hava loyi a nga ta swi vona. Ma swi vona?

Mi ri, “Hikokwalaho ka yini va nga swi voni xana?”

<sup>334</sup> Yesu u teri nkarhi wun’wana, eka vadyondzisiwa va Yena, “Swi nyikiwe n’wina leswaku mi tiva Mfumo wa Xikwembu, kambe ku ngari vona.”

<sup>335</sup> Kutani hi xona xivangelo xa kuva mi huma eka khume ntlanhu wa madzana wa timayile hi matlhelo ya mune yo ringanana, wa vona, “Swi nyikiwile n’wina leswaku mi ta tiva Mfumo wa n’wina.” Langutani, vanakulorhi va huma hambi kuri eAfrika Dzonga ni hinkwako, awara leyi yi nga famba hilaha Mutekiwa a nga endleriwela ku ya eka Mfumo.

Ntsena a ndzi na nkarhi lowu eneleke. Lemukani. Langutani sweswi, wa vona.

<sup>336</sup> Sweswi a mi yi vona “mbewu” ya nyoka lahaya xana, ma swi vona hilaha a swi endliseke xiswona xana? Swi hetisekile, wa vona. Sweswi van’wana va vona va teri... .

<sup>337</sup> Sweswi, ku kotisa munhu ya loye eTucson siku rin'wana, a ringeta . . . A, a nga ha yingisela thepi leyi. Kambe, loko swi ri tano, wanuna, ndzi lava ku ku byela swin'wana.

<sup>338</sup> Loko a teri, "Evha u teri," lahawani hilaha va yaka kona, "Ndzi kumile n'wana wo huma eka Hosi, kumbe wanuna wo huma eka Hosi." Hikokwalaho ka yini, hakunene-nene. Xikwembu xi na nawu.

<sup>339</sup> Langutani, loko mi teka mbewu mi yi byala lahawani ensin'wini laha ku nga na koroni, nakona u byala swiluva swa nhova kwalahaya. A ndzi na mhaka, dyambu rin'we na mpfula yin'we swi nyika mbewu ya leyo vutomi. Xikwembu xi na nawu, kutani nawu wa lowo wu ngaka wu nga tshoviwi.

<sup>340</sup> A ndzi na mhaka loko—loko . . . wansati wo tshembheka ngopfu edorobeni na wanuna wo tshembheka ngopfu, ni kuva a nga tekiwanga kumbe ku teka na swin'wana, va kumeka va endla timhaka ta—ta masangu, kutani va hanya swin'we va tlhela va tswala n'wana; n'wana ya loye u fanele a ta hi nawu wa Xikwembu, hikuva ku hava ndlela yin'wana. Loko u nga pfumeli, u endla Sathana leswaku a va mutumbuluxi, nakona laha a nga xikwembu nyana. Oho, wo va bofu ku fika kwihi! Wa vona, nawu wa Xikwembu, hakunene.

<sup>341</sup> Loko u tshame u kuma n'wana, a ndzi na mhaka ni leswaku i Esau, Yakob, hambi a ngava mani, kumbe munhu loyi a nga duma hi ku vabya, loko a ri Yudas, u fanele a ta hi Xikwembu. Xikwembu xi na nawu.

<sup>342</sup> Bibele yi teri, "Dyambu ri voningela lavo lulama ni lava va nga lulamangiki; mpfula yi nela lavo lulama ni lava va nga lula . . ." Vaheveru kuavanyisa ka vu6, nakona yi vula leswaku, "Mpfu—mpfu mpfula yi ta ehenhleni ka misava, ku ta yi cheleta, ni ku lulamisela leswi swi nga yi ambexa, ma swi tiva, leswaku yi hanya; kambe mitwa na mahlwehlwe swi hanya hi mpfula yona ya leyo, masana ya lawaya." Hikuva, i nawu wa Xikwembu, wo vupfisa mbewu yin'wana na yin'wana, ku endlela leswaku mbewu yin'wana na yin'wana yi ti tswala.

<sup>343</sup> Swingaleswi, yi fanele ku tswala "mbewu" ya nyoka. Nakona a yi kalanga—kalanga yi sivela Xikwembu; yi hetisisile makungu ya Xona hi ku hetiseka, yi Xi endlile Mukutsuri. Un'wana na un'wana wa bofu wa fanela ku swi vona sweswo, handle ka loko swi tumbetiwile. "Xikwembu nyana xa misava" xi mi tumbetele swona. Ntsena swile rivaleni ni kukotisa swin'wana na swin'wana leswi mi nga swi vonaka. Kwalaho mi nga kona. Ku ni "mbewu" ya n'wina ya nyoka. Sweswi xiyisisani.

Kambe, "Yesu a ri wo sungula eka ntumbuluko wa Xikwembu."

<sup>344</sup> Xana wansati u endla yini? Loko, rimbewu ri ta ri huma eka rimbewu ra xinuna. Sweswi ma swi ala sweswo? Wansati a nga na vutomi eka yena, eka hinkwaswo. Ntsena o va na tandza leri ntsongo, leri ri nga nsimu lahaya.

<sup>345</sup> Ku kotisa loko u teka nsimu u yi hlakula hinkwayo, kutani—kutani u yifafazela, ufafazela switsongwa-tsangwani hinkwaswo leswi swi nga eka yona. Ku pfumaleka—ku pfumaleka ni mabyanyi kumbe swin'wana leswi swi nga milaka eka yona; kutani u tlhela u yi nonisa nakambe, u byala mbewu yin'wana ya kahle kwalahaya. Loko nala ata a ta byala mbewu yi n'wana, hi nawu wun'we wa Xikwembu wu ta vupfisa havumbirhi bya tona timbewu leti.

<sup>346</sup> Kunene, Xikwembu a xi anakanyi swona sweswo leswaku swi tava tano, wa vona. Kambe ku humelela yini?

<sup>347</sup> Wa vona, vununa kusuka eka xinuna byi va byi rhwarile swi aki, leswi swi nga ngati. Engatini ku na vutomi. Nakona loko u tshame... Ndzi swi hlalerile, loko ku hlanganisiwa rimbewu ra tihomu ni swin'wana swo kotisa sweswo. Makwerhu Shakarian na mina hi swi tekile, na vadokodela ni kuya emahlweni, hi swi hlalela leswaku swi famba njhani, eka van'wa tikhemisi. Wa vona? Kutani lahawani ku ta vununa eka xisati, laha ku nga xijumba xa matandza. Lahawani ku ta vununa kusuka eka xinuna, laha ku nga ntlawa wa switsongwa-tsangwani.

<sup>348</sup> *Laha* a kuri hava na xitsongwa-tsangwani eka yena. Kova ntsena leswi humaka eka wanuna. Sweswo hi swona a nga fikisa xiswona lahawani, eka ndhawu yo sungula, nakona wansati o va ntsena nsimu. Kova na tandza; ri na misava leyi noneke eka vutomi lebyi. Kutani vutomi lebyi bya famba-famba endzeni byi tlhela byi kasakasa. Ku na xihundla, hilaha sweswo...

<sup>349</sup> “Kumbexani” mi ri, “kunene, lebyo sungula byi hlanganile. Lebyi n’wana byi fa.” Kunene, njhani, i mani a nga swi hlamusela? “Kunene, ro sungula.” Ku tava leri nga emahlweni; tandza ro sungula emahlweni, na xitsongwa-tsangwani xo sungula? Ee, ee.

<sup>350</sup> Ri nga hava ri ri tandza rin’we; ri ri endzhaku, endzhaku, exikarhi ka vununa, ku tata vununa byi ya hlangana na rona. Swikombisa leswaku un’wana wo tlhariha u hlamuseriwile leswaku hambi swi ta tlumbana hi ko tshwuksa, ku tlumbana hi ka ntima; hambi xi tava lexi ntsongo, lexikulu; xa xinuna kumbe xa xisati. Wa vona? A wu nge swikoti, a wu nge endli nchumu swin'wana ha swona; swi ngaka swi nga tirhi. U nga ha swihlanganisa kun’we, ni hinkwaswo, a swi nga kali swi hambana na swintsongo. Xikwembu xa swi hlamusela. Kutani endzhaku nyana, vununa byin’we byi ta kasakasela eka nsimu ya leyo, tandza. Lebyi byi nga na xincilani, tani hi sweswo, eka byona, byi khinyaveza hinkwako; byi fika byi wa, kutani lahaya kusungula rhambu ra nhlana ra n’wana.

<sup>351</sup> Hi yena mani kwalaho? A nga na mbewu. O va na nsimu yo amukela mbewu. Swingaleswi...

<sup>352</sup> Wa vona, nala u yile emahlweni. Loko mubyali wa kahle a ya emahlweni, a byala Mbewu ya kahle; kutani nala a ta hile ndzhaku ka yena, a ri karhi a byala mbewu leyi nga onheka. “Kambe mpfula yi nela lavo lulama ni lava va nga lulamangiki; dyambu.” Hinkwato ti fanele ku mila.

<sup>353</sup> Yesu u teri, “Swi tshikeni swi kula swin’we. Hi siku lero ku ta bohiwa, mfava.” Kutani vale ku bohiweni sweswi, eka minhlangano leyikulu; ku ya eka ku boha lokukulu ku nga, Nhlangano wa Misava wa Tikereke. Nakona makungu ya kona hi wahi? I kuva wu hisiwa. Kambe mbewu yi ta yisiwa exivuyeni. Wa vona? Kwihi, havumbirhi bya yona yi hanya hi swo fana, mati man’we, mpfula yin’we.

<sup>354</sup> Nsinya wa xilamula, lowu—lowu wu nga nsinya wa mulamula, wu ta tswala, wu fanerile; wu ta tswala eka wona, loko wu temiwile eka wona, xikhuvutiwa. Wu ta tswala xikwawava. Wu ta tswala muhandzu wa tidiriva. Wa vona? Kambe wu ngaka wu ngavi mulamula, kambe wu hanya vutomi lebyi byi humesiweke hi nsinya wa lamula.

<sup>355</sup> Tidinominexini ti ti tinghenisile eka Vhinyo. Hikuva, loko va koxa “Vukreste,” va hanya hi byona. Khefasi a ri tano; ma swi tiva leswaku a ri tano, kambe hambi swi ri tano a ha profeta. Wa vona? Wa vona, va hanya ha byona.

<sup>356</sup> Oho, ndzi tsakela loko a hi ri na vhiki, leswaku hi ta kota ku dyondza nchumu lowu, nakona hi wu endla wu va erivaleni leswaku mi—mi nga wu hupi ku wu vona. Sweswi ndzi ya tlula swin’wana swa swilo leswi.

<sup>357</sup> Sweswi hlalelani. Langutani, mavoko ya vona ya kunguhateriwile leswi eka Mutekiwa wa Yena loyi a Rhandzekaka, ya kunguhateriwile eka rirhandzu ra musa ra Mutekiwa wa Yena.

<sup>358</sup> Mi tsundzuka leswaku Moya lowo Kwetsima wu enhlele eka Yesu, laha, Yesu a ri xiphemu xa misava. Hikokwalamo ka yini? Mbewu ya Xikwembu, ku nga Vutomi bya Xikwembu, byi kunguhatiwile exivelekelweni xa wansati (hi swona?), laha ku nga misava. Swi lulamile. Kutani Vutomi bya Xikwembu byi nghena, swingaleswi, “A ri masungulo wa ntumbuluko wa Xikwembu.” Wa vona? Kutani Ngati ya leyo ya Xikwembu, leyi a yi ri lahaya hi mbewu ya leyo; loko yi tava yi halakile eXihambanweni, yi thonela endzhaku ehenhleni ka misava. Yi ta endla yini? Ku ta kutsula misava. Sweswi, yi lulamisiwile; yi kwetsimisiwile; yi vitaniwa, ni kuva yi koxiwa; kutani sweswi yi fanele ku amukela nkhuvulo wa Ndzilo, nakuva yi basiseriwela Yesu na Mutekiwa wa Yena.

<sup>359</sup> Nakona n’wina mi swi phemu swa yona leswi swi humesiweke emisaveni leyi. Misava, mi xiphemu xa misava;

mimiri ya n'wina. Moya wa n'wina i xiphemu xa Xikwembu, xibye xa Xikwembu, xikombisiwa lahawani emisaveni hi miri. Miri wu fanele ku kutsuriwa.

<sup>360</sup> Sweswi, moya wu kutsuriwile, hikuva a wuri evudyohweni. Swingaleswi Xikwembu xi xikele ehansi, hi maendlelo ya ku lulamisiwa, ku kwetsimisiwa, nkhuvulo wa Moya lowo Kwetsima, ni ku kutsuriwa ka moya wa wena.

<sup>361</sup> Nakona n'wina, ku va mi ri xiphemu xa misava, yi kutsuriwile hi yona. Mile ka maendlelo sweswi. Yi kula yi ya emahlweni. Mimiri ya n'wina yi lulamisiwile ehansi ka nkhuvulo wa Nowa. Amen! Nakona, nyama ya n'wina, loko Yi ta thonela kwalahaya. Kutani misava yi fanele ku basisiwa hi Ndzilo, ndzhawu leyi mi fanelaka ku hanya eka yona, hi nkhuvulo wa Moya lowo Kwetsima; Ndzhawu leyi yi nga ta tshama Kreste na Mutekiwa wa Yena, Yerusalem lowu Ntshwa.

<sup>362</sup> Langutani Doroba leri; misava, ri fika ri tshama ehenhla ka misava. Sweswi mi nga ha swi vona erivaleni tani hiloko ndzi vurile, ku...ku ncinciwa loku, misava yi fanele ku ncinciwa. Yi ngaka Yi ngavi hi ndlela leyi. Kereke yi ngaka yi nga fambi...Kumbe, misava yi ngaka yi ngayi emahlweni, endzhaku ka Miliniyamu, yi nga ncinciwanga. Wa vona? Leswaku yi va na Ndhawu ya leyo eka yona, yi ta fanelka ku ncinciwa.

<sup>363</sup> Ntsena ku kotisa, loko hi boheka ku ncinciwa hi Ndzilo wa Xona lowo kwetsima, ku ya eka xiyimo ni ku endla ndhawu ya Xona leyi xi nga ta tshama na hina; laha ku nga, Moya lowo Kwetsima.

<sup>364</sup> Lemukani sweswi, kutava na ndhawu yo tala eka Misava leyi Ntshwa. A haa. Wa vona, ndhawu yo tala! Yi ta pfuxetiwa, walowo i ntiiyiso, hi Ndzilo, kambe a ku nge hevi na lwandle. Lemukani, Doroba ri na khume ntlhanu wa madzana ya timayile hi matlhelo ya mune.

<sup>365</sup> Sweswi yingiselani hi vurhon'wana loko ha ha pfapfarhuta ti dayimexini. Ndzi lava ku rhaba xitsalelo, ntsena xinkadyana. [Makwerhu Branham a rhaba mipfapfarhuto ya yena yo sungula—Muhleri.]

<sup>366</sup> Hi lowu nhlavutelo lowo enta lowu wu humaka eka Xikwembu. Lahawani, ntsena ndzi ta yima lahawani. Ku hava swin'wana swa leswi...Ndzi ta vuyisela vunyingi bya leswi, hi ku rhandza ka Hosi.

<sup>367</sup> Xiyisisani sweswi leswaku misava yi tano...Kunene, mi pfula eka Buku ya Nhlavutelo, mi nga ha swivona hilaha a nga wu pima ha kona hi tistadia na hi xisungunhu. Makume mbirhi-nharhu wa madzana...Swi nga leswi hi kuma leswaku do—do Doroba ri pimiwile, "khume ntlhanu wa madzana wa timayili" hi matlhelo ya mune.

<sup>368</sup> Ma swi tiva leswaku wa lowo wu ta fika kwihi xana? Ndzi wu pimile, vhiki leri. Wu ta fika kusuka a Maine ku ya fika a Florida, nakona ku sukela eribuwensi ra lwandle rale vuxeni ku ya hundza dzana ra timayile, evupela-dyambu bya Mississippi. Hi marito man'wana, i hafu ya United States, ntseña yi va ya Doroba.

Mi ri, "Ku hava ndhawu."

<sup>369</sup> Loko lwandle ri fambile lahaya yi tava kona, hikuva ri tshunelela mune wa makume ntlhanu ya rona ematini. Hi swona? Ku buluka ku ta omisa lwandle, ku buluka misava. Oho, mina! Tsundzukani, khume ntlhanu wa madzana ya timayile hi matlhelo ya mune, i Doroba ra njhani! Nakona, kambe, tsundzukani, leswaku lwandle a ra hari kona.

<sup>370</sup> "Kutani ku anama ni ku leha swa fana." Sweswo swi ta ri endla ri va khume ntlhanu wa madzana ya timayile hi ndlela *leyi*, khume ntlhanu wa madzana ya timayili hi ndlela *liyani*; khume ntlhanu wa madzana ya timayili; ku leha na ku hlanganisa na ku anama hi hlanganisa na ku leha. Khume ntlhanu wa madzana ya timayili, ehleketa hi swona, nsuku lowu wu vonikelaka. Nakona Doroba ri rhendzeriwe hi khumbhi.

<sup>371</sup> Sweswi, sweswi, sweswo a swi vuli leswaku, ya ngava ya ringana na... Yi teri, "Makhumbhi na masungulo ya ringana," sweswo a swivuli leswaku ri hi matlhelo ya nharhu kumbe ya mune yo fanana. Ku na mpimo wu n'wana wa xijogirafi, laha tidayimexini ti ringanaka, laha ku nga, phiramidi. Matlhelo ya mune, "ri tshamile matlhelo ya mune," nakona makhumbhi ya fanana.

<sup>372</sup> Mi nge ndzi yi pfapfarhuta. [Makwerhu Branham a pfapfarhuta swikombiso exitsalelwani—Muhleri.] Wa vona: ku leha, ku anama, ku leha. Hi ya nghena eka swin'wana, tani hi ntiyiso tani hi misava. Wa vona? Lemukani, ti dayimexini ta engele *leyi* ta fanana ha kunene, hinkwawo ka wona, ku anama hi—hi ku leha. Ku na mpimo wun'wani, wa phiramidi, lowu wu yi khorwisaka.

<sup>373</sup> Leswi, kuva swiva hi ndlela *leyi*, yi ta hlamlula sayini ya Enok yale Egipta, ya phiramidi. A swi ngevi tano xana? Enok, ku nga se fika nhlaselo wa ndhambhi, loko ku kwetsimisiwa ku nghena, u ngenisile vudyoho, nakona eka phiramidi *leyi* yi na magoza ya nkombo yo ya endlwini ya hosi. Langutani eka goza ra vunkombo, loko mi tshame mi dyondza hi mimpimo ya phiramidi, i ncini lexi xi humaka ku ta teka loyi a taka, ku ta tivisiwa eka hosi. Langutani leswaku i xitichi xa mani lexi xi nga yima lahaya, nakona mi ta vona siku leri mi hanyaka eka rona, eka phiramidi.

<sup>374</sup> Sweswi, Xikwembu xi endlile Tibibele tinharhu. Sweswi, ku na phiramidi *leyi* yi dyondzisaka thyaka lero, kambe ku na

phiramidi ya xiviri. Wa vona? Lemukani. Sweswi, Xikwembu, Bibebe yo sungula...Xi endlile tinharu. Ku fanele kuva na hinkwaswo eka nharhu.

<sup>375</sup> Yesu u te ka nharhu. U tile, kan'we, ku ta kutsula Mutekiwa wa Yena; nkarhi lowu landzelaka, ku ta teka Mutekiwa wa Yena; nkarhi lowu landzelaka, a ri na Mutekiwa wa Yena. Wa vona?

<sup>376</sup> Sweswi lemukani leswaku swi saseke njhani. Wa vona? Nakona eka phiramidi leyi a kuri na magoza ya nkombo, kutani ku landzela yindlu ya hosi. Nakona hile ka nguva ya vunkombo ya kereke, loko Hosi yi nga se teka Xiluvelo xa Yona. Nakona, tsundzukani, phiramidi a yi kalanga yi va na xidloko ehenhla ka yona.

<sup>377</sup> Bibebe yo sungula ya Xikwembu a yi ri eswibakabakeni, ku nga Zodiyaka; yi sungurile laha yi nga hamba yi humeleta nguva yin'wana na yin'wana. Yo sungula, ku sungula ka Zodiyaka, i wanhwana; kwalaho hi laha A tisa xiswona, ro sungula. Xivumbeko xo hetelela eka Zodiyaka i Leo ku nga nghala; ku nga ku Vuya ra Vumbirhi. Ntsena loko ku nga se va na tinhlampfi leti nga tsemakanyana, laha ku nga nguva ya khensa; hi leyi hi hanyaka eka yona sweswi.

<sup>378</sup> Ku vile na phiramidi endzhaku ka sweswo, Enok, loyi a mbhoniyelaka hakunene. A hi ngevi na nkarhi wo nghena eka yona, kambe, siku rin'wana, hi ku pfuniwa hi Xikwembu, ndzi ta mi kombisa, ntsena ku pfapfarhuta mimpimo ya awara leyi hi hanyaka eka yona. Wa vona?

<sup>379</sup> Lemukani, kambe ku pima loku ka xijogirafi loku hi nga na kona sweswi, laha mimpimo ya kona yi fanaka, a yi kalanga yi vula leswaku i—i ya matlhelo manharhu. Lemukani, leswi swi ta hlamula Egupta... kumbe sayini ya Enok eEgupta.

<sup>380</sup> Hi nkarhi wa ku tengisiwa ka misava, hi nkhuvelo wa yona wa Ndzilo, kutani na vholukheno, tani hiloko misava leyi yi buluka, nakona yi ta sukumetela ehenhla phiramidi ku kotisa Ntshava. Wa vona? Ndhawo yo tala yo swi endla! Nchumu lowu hinkwawo wu ta ncinciwa. Ehenhla ka misava ku ta ncinciwa hinkwako. Ma swi kuma xana? Ku ta sukumetela phiramidi ehenhla ku kotisa Ntshava.

<sup>381</sup> Koku hakunene ku tava na Rito loko ku swi endla, laha ku nga ta swi endla. Sweswi lemukani, leswaku, eka Esaya 65:25, laha ntsena hi nga hlaya, Xi teri.

*Ku ngaka ku nga endlifi leswo biha ni leswi onhaka,  
entshaveni hinkwayo ya mina leyo kwetsima kuvula  
Yehovha.*

<sup>382</sup> Oho! “Hinkwayo Ntshava ya Mina leyo kwetsima!” Tsundzukani, minkarhi hinkwayo i “Ntshava.”

<sup>383</sup> Loko makhumbhi ya lulamile ya ya ehenhla nale hansi, Doroba ntsena ri nga vonakala ehandle...kumbe kusukela endzeni, Xiluvelo xi nga vonakala ntsena kusukela endzeni; kambe lemukani ku ta vonakala ntsena kusukela endzeni.

Kambe sweswi hi vona xitshembhiso xa Esaya 4:5. Ntsena a hi xi hlayersi.

<sup>384</sup> Mi jahile xana? [Nhlelengaletano yi ku, “Ee.”—Muhler.] Ee, mi nga jahi sweswi. Hi le—hi le—ka—ka nchumu wun’we ntsena, ku tele—ku tele—ku tele ngopfu nka—nka nkarhi lowu mi bohekaka ku wu twisisa sweswi lahwani. Hikuva, ndzi lava ku swi veka erivaleni leswi. Kutani loko hi tlhela hi tlhelela eka swona nakambe, ndzi—ndzi ta mi kombisa hi—lahi hi vulavulaka hi kona, yini, eka ku dyondza ka hina loku ku landzelaka eka leswi, eka nkarhi wun’wana.

<sup>385</sup> Oho, a ku dzunisiwi Hosi Yesu! Langutani lahwani, hilaha Marito ya nga hlulekiki ha kona. Sweswi langutani lahwani eka Esaya. Ndzi na kona ndzi ku tsarile lahwani, loko ndzi nga tlhela ndzi ku kuma nakambe, ntsena xinkadyana. Esaya 4:5. Sweswi yingiselani, u vulavula hi ku Vuya ka Hosi, hilaha wansati ya loye a nga tava na vugangu hakona. Oho, u teri, “Vavasati va nkombo...” Yingiselani. Ntsena a hi yi hlayersi. Langutani lahwani.

*Kutani hi siku rero vavasati va ntlhanu na vambirhi va ta tikhemelela nuna un’we, va ta ku ka yena, Hi ta dya vuswa bya hina, ... hi ta ambala tinguvu ta hina: ntsena hi rhandza ku thyiwa hi vito ra wena, susa ku soriwa ka hina.*

<sup>386</sup> Walowo i nkarhi wa makumu, lowu hi hanyaka eka wona sweswi; vukati, ku thalana, na vungwavavani, na hinkwaswo.

*Hi siku rero hluke ra Yehovha ri ta endla xibombiso ni ku kwetsima, ... kutani mihandzu ya misava yi ta vangamisa ni ku... bombisa vona... lava poneke va Israel. (Hilaha mi nga pona ha kona eka ndzhukano hinkwawo wa lowo! Wa vona?)*

*Kutani un’wana na un’wana, wa lava siyiweke Sion, ni lava seleke Yerusalem, va ta... (A hi voneni)... eYerusalem, va ta vuriwa vakwetsimi, va nga hinkwawo lava tsariweke bukwini ya lava hanyaka eYerusalem, wa vona:*

*Ku taku loko Hosi yi hlantswile thyaka ra wanhwana wa Sion, (tsundzukani, ya loye i Mutekiwa nkarhi hinkwawo, wa vona)... kutani a susile ngati leyi nge xikarhi ka Yerusalem (va lava hilava va nga sala va Mayuda, ku hlangana na Mutekiwa, wa vona)... hi moyo wa ku avanyisa ni moyo wa ku lovisa, ndzilo...*

<sup>387</sup> Kwalaho i ku avanyisa ka Xikwembu ka minkarhi hi nkwayo, loko Xi ta endla ku avanyisa ka Xona ko hetelela. Ku mi vitana, ku mi lulamisa, ni ku mi tisela ku kutsuriwa; kutani ku avanyisa ka Xona ku humelela emahlweni ehenhla ka n'wina, kutani Moya wa Xikwembu na Ndzilo wu basisa vudyoho byi famba. Kutani mi va va Yena.

<sup>388</sup> Swa fana ni leswi Xi swi endlelaka misava, loko Xi yi hlantswa hi Ndzilo, "ni hi moya lowu wu pfurhaka." Sweswi langutani. Yingisan! Mi ti lulamiserile xana?

*Kava loko empfhukeni hinkwawo wa ntshava ya Sion, ni henhla ka nhlengeletano ya yena, Hosi u ta humelerisa papa ni musi ni nhlekanhi, ni ku vangama ka malangavi ya... ndzilo ni vusiku: hikuva xisirhelelo xi ta funengeta ku vangama hinkwako.*

<sup>389</sup> [Makwerhu Branham a kombisa hi swikombiso exitsalelweni—Muhleri.] "Hosi, hi siku lero, ehenhleni ka swona, yi ta tumbuluxa Rivoni ra Ndzilo leri nga ta hisa siku." Ni kuya emahlweni yi ku, "Ri tava xisirhelelo, ku wisa, xi chavelo." Lemukani, ku endlekala ku vulavula ka Bibele, hakunene. Makhumbhi a ya lulamile ehenhla nale hansi, a wu nga swi voni. A yi korhamanga. "Hinkwayo Ntshava ya Mina leyo kwetsima..." "Xi ta tumbuluxa Rivoni leri ehenhleni ka Ntshava leyi, nakona yi tava xisirhelelo." Oho, ha ri yimbelela risimu lero:

Oho, Doroba lero ra Ntshava ya Siyoni,  
Tani hi valuveri, ndza ri rhandza hambi swi  
ri tano;  
Sweswi ni kuya hi tinguva leti,  
Loko ndzi fika eka Doroba lero ri nga  
eNhlohlorhini. Wa vona?

<sup>390</sup> Lemukani, Ntshava ya Sinai hilaha Xikwembu xi nga enhlela ehenhla ka yona, loko Xi ta vulavula na Israel xi ri eka Langavi ra Ndzilo. Xi xikerile ehenhla ka ntshava, eNtshaveni ya Sinai.

<sup>391</sup> Ehenhla ka Ntshava ya Nkwetsimo, loko Xi ta hlambanya xi ku, "Loyi i N'wananga loyi Ndzi N'wi rhandzaka; N'wi yingiseni," Xi enhlile hi Langavi ra Rivoni ri fika ri hatima swinene, ehenhleni ka ntshava, emahlweni ka Petro, Yakob, na Yohana. Kutani, kwalahaya, Xi yimeriwile hi Muxe na Eliya; loyi a nga tlhandlukisiwa, ni ku pfuka ekufeni. Wa kwetsima!

<sup>392</sup> Doroba leri Ntshwa na Misava leyi Ntshwa; ntumbuluko lowu ntshwa; Doroba leri nga eNhlohlorhini, na Xiluvelo ehenhla ka yona. [Makwerhu Branham a pfapfarhuta swikombiso exitsalelweni, eka tindzimana ti ntsongo leti ti landzelaka—Muhleri.] Xiluvelo lexi nga *lahawani*, ehenhla; ni lava va tshamaka eka xona, hinkwako ku ya ehansi nale ehenhla, ehenhla ka Ntshava leyi.

<sup>393</sup> Kutani khumbhi leri ri nga rhendzela leswi, ri na masungulo ya khume mbirhi. Kutani rin'wana na rin'wana ri na ribye leri an'wisaka leri a ri ri eka Aroni, laha ri yimeleke tinyimba ta khume mbirhi ta Israel.

<sup>394</sup> Kutani, eminyangweni, a vari na minyangwa ya mune leyi nga vekiwa ntsena ku kotisa tempele leyi a yi ri emananga, ku kotisa tende leri a ri ri emananga. Lemukani rin'wana na rin'wana ra rona, a ri ri—ri ri na vaapostola, vanharhu eka tlhelo leri n'wana, vaapostola va khume mbirhi. Rin'we... Kutani a ri ri dzana rin'we na makume mune-mune wa xisungunhu hi ku leha. Dzana na makume mune-mune wa xisungunhu ku ringana na madzana mbirhi na khume ntsevu wa tifiti, ti endla rin'wana ra maribye lamakulu lama a ya ri kwalomu ka magoza ya makume mbirhi hi ku leha, na ndhichi leyi yi an'wisaka enyangweni wa lowo, ku endla khumbhi lero leri a ri rhendzele Doroba.

<sup>395</sup> Sweswi ri, rona Doroba, a ri wiseli ehenhla ka khumbhi, hikuva doroba, ra khume ntlhanu wa madzana ya timayili, ri ngaka ri nga swi endli sweswo. I khumbhi leri ri nga *lahawani* leri mi nghenaka eka rona, ku kotisa minyangwa ya Yerusalem wa khale. Mi nghenile hi khumbhi, eka lero.

<sup>396</sup> Kutani rin'wana na rin'wana ra lawa, ya na masungulo ya khume mbirhi, kutani rin'wana na rin'wana ri na smaragda ni maribye yo hambana, laha a ya yimele tinyimba ta khume mbirhi ta Israel.

<sup>397</sup> Kutani vaapostola, un'we, eka wa lowo lowukulu, nyangwa wun'we wa perla yo tiya, ku vekiwe vito ra muapostola. Nakona Yesu a nga vulanga a ku, "Mi ta tshama eka swiluvelo swa khume mbirhi, va ri karhi va avanyisa tinyimba ta khume mbirhi ta Israel"? I va mani lava va tshameke enyangweni, ku ta avanyisa, loko ku tiwa eDorobeni? Oho, mina! Kwalaho mi nga kona. Tihosi ta misava ti nghena eDorobeni, va ta emahlweni ka muavanyisi wa muapostola, tani hilaha Yesu a nga swi tshembisa. Oho, mina!

<sup>398</sup> Eka Xiluvelo lexi, ehenhla ka xona, khume ntlhanu wa madzana ya timayili hi ku leha, misava hinkwayo yi ta vona Rivoni ra misava, Yesu, a tshamile eXiluvelweni ehenhla ka misava, ehenhla ka Kereke, ehenhla ka Ntshava ya Sion; leyi yi nga khume ntlhanu wa madzana ya timayili, hafu ya sayizi ya United States, kutani yi yimela ehenhla ku kondza laha yi nga ta N'wi vona misava hinkwayo, khume ntlhanu wa madzana ya timayili hi ku leha.

<sup>399</sup> Ni hinkwako kuya ehenhla nale hansi *lahawani*, ku tava lava va nga Kutsuriwa. Kutava na tiyindlu ta nsuku lowu hetisekeke. Kutava na switarata-nkulu, na tiphaka, na mintanga. Ni Nambu wa Vutomi lowu wu taka, wu khulukaka wu huma eXiluvelweni, kutani wu rhelela ehansi

laha ku nga na ku enta, oho, kuya egoveni ra leyi yi nga tlakusiwa. Kutani Nsinya wa Vutomi wu ta bloma eka jarata rin'wana na rin'wana; ni ku tswala mihandzu ya Wona, ka khume mbirhi hi lembe, muhandzu lowu wu ncinciwaka nhweti yin'wana na yin'wana.

<sup>400</sup> Kutani tihosi ta misava ti tata eka wona va tisa ku xixima. "Kutani matluka i ya ku horisa matiko," loko matiko ya hanya hi ku rhula ehandle lahaya. Loko va huma va ya ehandle, va ta kha xirhabyana, tluka ro kotisa *lero*. Ku kotisa tuva loko ri vuya, leswaku vukarhi bya Xikwembu byi tshamisekile, ni ku tisa tluka leri ri kwetsimaka eka areka. Swingaleswi loko tihosi ti suka, hi ku tisa ku kwetsima endlwini ya Mutekiwa lahawani eDorobeni, u ta khomela hosi ya muakelani wa yena tluka, nakona, "Hi va hi kurhula hi laha ku nga heriki." Amen! Ku horisiwa ka matiko! "Ku tava ku tshamisekile hinkwako. Nkarhi wun'wana hi lwerile ngati ya un'wana, makwerhu. Nakona hi khomeletekile, hi kolola; hi duvula, hi hisa vana, hinkwaswo. Kambe sweswi ku na ku rhula, ku horisiwa." Ku ngari ku horisiwa ka mavabyi; hinkwaswo swi endliwile. Ku horisiwa ka tiko! Amen!

<sup>401</sup> Doroba leri ri nga na Xiluvelo ehenhla. Nhlavutelo 21:23, "A va ha kali va lava ku vonakala, hikuva Xinyimpfana na Hosi Xikwembu i ku Vonakala lahaya." Wa vona? Hosi Xikwembu hi xona Langavi ra Ndzilo lero ri nga famba na vana va Israel emananga. Nakona U tlakukele ehenhla eXiluvelweni, eka Mfumo wa lowo wo hetiseka...laha nkarhi... "Mfumo lowu Yesu a nga ta wu nyikela Tatana, leswaku Xikwembu xi nga hava hinkwaswo, nale ka hinkwaswo." Yesu u tshamile ehenhleni ka Xiluvelo xa Yena lahawani, tani hi Yosefa wa hina. Kutani Hosi i ku Vonakala kwaloko loku ku nga tava ehenhla ka Ntshava ya Sion, kutani ku Vonakala ka Xona ku ta hangalaka na Doroba ra khale. Haleluya!

<sup>402</sup> Khume ntlhanu wa madzana ya timayili hi ku leha, na khume ntlhanu wa madzana ya timayili hi matlhelo ya mune, na tipharadayisi ta Xikwembu ti nga akiwa eka Doroba lero hinkwaro; switarata, switarata-nkulu! Hlayani Nhlavutelo 21 ya n'wina, mi vona loko swi nga ri ntiyiso. Wa vona, "A va kali va lava ku vonakala kwalahaya, hikuva Xinyimpfana i ku Vonakala." Kutani nale Xiluvelweni ku ta vonakala, xi tshamile, khume ntlhanu wa madzana ya timayili.

<sup>403</sup> A ri kali ri ya ehenhla ku kotisa *leswi*. A ri voyami, ku kotisa phiramidi. Loko hi leswaku ri tava hafu ya mpfhuka, kutani kwalaho ku tava kuri kwalomu ka ku fambisa xi *leswi*, ma swi vona, kusuka eka doroba rin'we kuya eka rin'wana... sweswi loko mi nga swi lemuka, kusuka eka tlhelo leri n'wana ra Doroba ku ya eka lerin'wana.

<sup>404</sup> Ndzi nga ha tshika swin'wana swintsongo lahawani loko mi swilava leswaku ndzi swi endla. Mikale mi wu lemuka

ntlawa nyana lowu wu nga lahawani? I wa xiphemu xexo, wu funengeta mpfhuka wa xirhendzevutani. Georgia, California, ku ya eSaskatchewan; kusuka eKansas, ku ya eribuweni leri nga bohiwa hi matamba ya Maine; kwalaho hi laha ku hlengeletaneke. Kwalaho hi kun'wana laha ku kombisiweke lahawani, kwalomu ka khume ntlhanu wa madzana hi matlhelo ya mune.

Oho, va huma Evuxa nale Vupela-dyambu,  
 Va huma etikweni rale kule;  
 Ku ta endla nkhuvo na Hosi ya hina;  
 kudya... (Yini? "Munhu a ngaka a nga  
 hanyi hi vuswa ntsena." Hi Vuswa, bya  
 Rito!)...ku ta dya tani hi vaxiximeki va  
 Yena;  
 Hilaha va nga katekisiwa ha kona va endzeri  
 lava!

Eka misava, leyi ndzi nga ta tshama kona, a ndzi se tshama  
 ndzi vona vanhu vo kotisa vona.

Oho, vonani xikandza xa Yena xa ku  
 vonakala ka xirhendzevutani  
 Ku tlweba Rivoni ra Matimba;  
 Ku katekile va xiavi xa tintswalo ta Yena,  
 Tani hi mbewu eka xidlodlo xa Yena yi ta  
 vangama.

Oho, Yesu wa vuya sweswi,  
 Makhombo ya tava ya herile.

Oho, xana ku nga humeleta yini loko Hosi ya  
 hina yi nga vuya xinkadyana lexi?

<sup>405</sup> A swi nge teki nkarhi. Hinkwaswo swi hetisekile. Hi xijogirafi, Sodoma, varhumiwa; hinkwaswo hakunene swi tshame kahle. Wa vona? Xana swi ngava swi vula yini? Ntsena ehleketa, kuta eka xitabernakelani lexi, khume ntlhanu wa madzana ya timayili hi matlhelo ya mune, kusuka eka mimpimo yin'we.

<sup>406</sup> Hikokwalaho ka yini Xikwembu xi ehleketele ni kuva na mhaka ngopfu hi xindhawani xexo lexintsongo xa Palestina, wa vona, loko ntsena xi ri vala xana? Kambe kwalahaya hilaha tempele a yi vekiwe kona. Kwalaho hilaha Yerusalem lowu Ntshwa a nga ta huma kona, kwalahaya. "Mutlhwari, Ntshava ya Mutlhwari yi ta khomana, xiphemu lexi nga exineneni nale ximatsini," hakunene, loko yi ta sukumetela ehenhla kusukela ehansi. Ku ngari, va ri, ya sukumeta yi avana tani hi *leswi*. Yi sukumetela ehenhla, "Hi siku lero loko A ta yima hi milenge ya Yena leyo kwetsima ehenhleni ka Ntshava." Lemukani, eka Xiluvelo xa Yena, khume ntlhanu wa timayili hi ku leha!

<sup>407</sup> Tsundzukani, Sathana u ringetile ku N'wi ri nga, nkarhi wun'wana, ehenhla ka ntshava. Wa vona?

<sup>408</sup> Doroba leri Ntshwa ri na masungulo ya khume mbirhi, tani hiloko hi ya emahlweni, vapatriarka va khume mbirhi; dzana na makume mune-mune wa xisungunhu; kuva kuri ndhichi leyi yi an'wisaka ya Aroni; minyangwa ya mune ya perla, mavito ya khume mbirhi ya vadyondzisiwa.

<sup>409</sup> Yesu a yima, Nhloko ya ribye, eXiluvelweni, loko vakwetsimi va Yena va N'wi ambexile xidlodlo xa Yena, "Mufuwi wa vafuwi, Hosi ya tihos." Nakona hi Yena Nhloko ya ribye.

<sup>410</sup> A ndzi na xona xibukwani xa mina. Kambe loko mi nga lemuka xibukwana xa n'wina, loko mi ri na bili ya dolara yin'we, ti na xilemo xa United States; gama eka makumu yan'wana, ku khomeleriwile na matlhari, khanchu ya mavoko, tani hilaha yi nga kona; nakona eka makumu lama n'wana, yi na phiramidi, leyi yi vonakaka tihlo ehenhla ka yona. Wa vona, a va nga switivi leswaku va endla yini. Kutani kwallahaya ku tsariwile hi Xilatini, kutani mi ta swikuma leswaku yi vulavula hi leswaku, lexi hi xona "xilemo lexikulu." A va nga switivi leswaku a va endla yini. Hambi Khefasi a nga swi tivi leswaku u le ku porofeteni.

<sup>411</sup> [Makwerhu Branham a kombisa exitsalelweni—Muhleri.] Lahaya ku na Xilemo lexi Kulu. Hi lexi *lahawani*, wa vona, ku nga Doroba. A ro va ntsena hi matlhelo manharhu ku kotisa *leswi*, wa vona, kambe yi tlakukele ehenhla leswaku yi ta vonakala. Kutani ehenhleni ka Ntshava leyi yo kwetsima ya Hosi, Hosi yi ta enhlela ehenhla ka Ntshava ya Yona; hi Leyi *lahawani*. Hi xona xivangelo xa kuva ribye ra xihuku ri nga vekeriwangiki hi Enok. Wa vona? Hi xona xivangelo xa kuva ribye ra Xihuku ri faneleke ku ta sweswi. Nakona Ntshava yi ta sukumetiwa, nakona yi tava yi ri Ntshava ya Hosi.

<sup>412</sup> Kutani *lahawani* ku ta tshama Vakutsuriwa. *Leswi*, switarata-nkulu na mapatu ya tifriweyi, tani hilaha ya nga xiswona, tiphaka, ni Nambu wa Vutomi wu ta humesiwa, wu khulukela eka yona. Kutani yindlu yin'wana na yin'wana yi ta endliwa hi nsuku lowu wu vonikelaka. Kutani switarata swi ta endliwa hi nsuku. Kutani minsinya ya Vutomi yi tava kwallahaya, nakona yi ta tswala mihadzu ya yona ka khume mbirhi. Kutani tihos ni vanhu lavo xiximeka va misava va ta tisa ku xixima ka vona ni ku kwetsima eminyangweni. Kutani minyangwa yi ngaka yi nga pfariwi na vusiku, hikuva ku tava ku ngari na vusiku kwallahaya.

Eka Doroba leri Xinyimpfana xi nga ku  
Vonakala,

Eka Doroba leri ri pfumalaka vusiku;  
Ndzi na vuako kwallahaya, lebyi byi nga  
ntshuxeka eka ku ti karhata ni ku hlayisa,  
Oho, ndzi ya laha Xinyimpfana xi nga ku  
Vonakala.

<sup>413</sup> Xana a mi ya voni madoroba ya lawa, madoroba-nkulu, tiyindlu, vutshamo, lebyi—lebyi hi vulavulaka hi byona sweswi? Hinkwaswo swilo leswi swa ntumbuluko swo va midzhuti.

<sup>414</sup> Loko mi nga teka ndzhuti, wu ri eka mpfhuka, kukotisa voko ra mina. Ku nga se va na ku—ku pfumelelana... kumbe ku alelana, ku fanele kuva na ku pfumelelana. Kutani, ma swi vona, ndzhuti wa lowo, wu languteka tani hiloko ni ri na khume wa ntitiho, kambe loko u ya u wu tshunelela, wu—wu kombisa rin'we, kutani ndzhuti wu vuya wu nyamelelela evokweni.

<sup>415</sup> Kutani sweswo, minkarhi yo tala, vanhu va ehleketa leswaku ku na Swikwembu swinharhu kumbe mune. Mi le ku languteni ekule ngopfu eka tirhifomexini ta khale. Wa vona? Tanani sweswi ehansi kutani, mi ta kuma leswaku, mi languta ku kondza mi vona Xin'we. Sweswo hi swona.

<sup>416</sup> Ku ni Mutekiwa un'we; ku ngari khume mbirhi, tidinominexini. Kambe Mutekiwa un'we, ya loye i Muhlawuriwa, loyi a humaka hinkwako... loyi a humaka—loyi a humaka emisaveni leyi yi hlawuleriweke, vona lava va nga ta lemuka ndhawu ya vona eka Mfumo.

<sup>417</sup> Eka Xiluvelo lexi, langutani, xile henhla! Doroba leri Ntshwa; na masungulo; minyangwa ya khume mbirhi; Yesu, a nga Nhloko ya ribye; vaapostola, va avanyisa; tinyimba ta khume mbirhi.

<sup>418</sup> Phiramidi ya Enok a yi kalanga yi tsema ndzhuti hambi nkarhi wa siku. A ndzi ri eEgipta, eka tiphiramidi. Yi lulamisiwe hi xijogirafi, nakona eka mimpimo leyi ya xivumbeko xa xijometri; laha, swi nga riki na mhaka leswaku dyambu rile kwih, ku hava ndzhuti lowu wu rhendzelaka phiramidi. Ma swi vona leswaku yi njhani?

<sup>419</sup> Kutani a ku ngevi na vusiku lahaya. Yena a ri enhlohhlorhini ya Ntshava, yi hangalaka ni ku kwetsima ka Yena. Ku Vonakala ka Yena ku tava kwalahaya nkari hinkwawo. A ku nge hevi na vusiku kwalahaya. Yesu, a nga Nhloko ya ribye!

<sup>420</sup> Sweswi lemukani. Swingaleswi, Vakutsuriwa va ta famba eku Vonakaleni. Ha yi mbelela sweswi, "Hi ta famba eku Vonakaleni, ku Vonakala kwaloko ko saseka." Ku ni swin'wana eka hina swi hi vitanaka. "Hi ku hundza eka rifu hi ya eVuton'wini." Swi hi ku rindzela kwaloko. Wa vona? Xexo hi xona xibye, lexi hi xi twaka.

<sup>421</sup> Hi ntiyiso, leswi i... Mi ti lulamiserile xana? Leri hi rona Doroba leri Abraham a ri languterile. Wa vona? Kuva a ri muprefeta, u swi tivile leswaku Doroba lero a ri ri kun'wana. Bibele yi vule tano. Kutani u siyile doroba leri a tshama eka rona, kutani a ya emahlweni; a languta laha a ya kona, hakunene hilaha ri nga tava ha kona. Wa vona? "A langutela Doroba Laha muvumbi ni muaki ku nga Xikwembu," wa vona, kuva a ri muprefeta.

<sup>422</sup> Yesu u fambile a ya lunghisa, hi mavoko ya Vukwembu, Doroba ra Vukwembu; Mupfapfarhuti wa Vukwembu, eka vanhu lava xaviweke va Vukwembu, eka vanhu lava va nga hlawuriwa. U yile a ya lunghisa.

<sup>423</sup> Abraham a langutele rona. “Nakona u tivurile leswaku hi yena muluveri na muendzi, hikuva a langutele Doroba Laha muvumbi ni muaki ku nga Xikwembu.” Muprofeta ya loye, a swi tiva leswaku ri kun’wana! Yohana u ri vonile ri xikela ehansi, kambe Abraham a ehleketa leswaku ri boheka kuva emisaveni hinkarhi walowo. Hikokwalaho ka yini? U hlanganile na Melkisedek, Hosi ya rona, kutani a N’wi nyika vukhume. “Loyi a nga ri na tatana, kumbe manana. A nga ri na masungulo ya vutomi kumbe makumu ya vutomi.” Abraham u hlanganile na Yena, kutani hiloko va dya xilalelo kona exindhawanini laha Doroba ri nga ta humeleta kona, Ntshava leyo kwetsima ya Hosi, laha Mukutsuriwa a nga ta hanya kona. Oho, mina!

<sup>424</sup> Nkarhi wa lowo a wu kali wu yima. Ee, hile ka nkarhi; endzhaku nyana hi taya laha ku nga Heriki.

<sup>425</sup> Oho, Ntshava yo kwetsima! Kutava na switarata leswo vonikela swa nsuku, switarata-nkulu; na tiyindlu, na tiphaka. Loko mi lava ku swi hlaya leswi, Nhlavutelo 21:18. Nsinya wa Vutomi wu tava wu ri kwalahaya; mihadzu ya maendlelo yo hambana ya khume mbirhi, nhweti yin’wana na yin’wana, yi ta tswariwa eka yona. Vanhu lava va dyaka mihadzu ya leyo, va ta ncinka madyelo ya vona, nhweti yin’wana na yin’wana.

<sup>426</sup> Nakona yi—yi huma... i ya vahluli ntsena. Ma swi tiva sweswo xana? A hi ya tidinominexini.

Mi ri, “U vula sweswo, Makwerhu Branham?”

<sup>427</sup> A hi pfuleni eka Nhlavutelo 2, ntsena xinkadyana, kutani hi swi lavisia. Nhlavutelo 2:7. A hi lavisiseni sweswi loko hakunene kuri Ntiyiso kumbe wu ngari wona. Nhlavutelo 2:7 yi hlayekisa xi leswi.

Kutani *la nga ni tindleve, a yingise leswi Moya...*

<sup>428</sup> Sweswi, tsundzukani, A nga vulavuli na Mayuda sweswi. Kereke hi leyi, ya Vamatiko.

*La nga ni tindleve, a yingise leswi Moya wu swi byelaka tikereke; Loyi a nga ta hlula, Ndzi ta n’wi nyika ku dya murhi wa ku hanya, lowu nge xikarhi ka paradeyisi ya Xikwembu.*

<sup>429</sup> “Vahluri ntsena, lava va hlulaka xivandzani, va hlula na mfungho wa xona,” sweswo i Vukhatholiki, Vuprotestati, vudinominexini, “loyi a nga ta hlula xivandzani, mfungho wa xona, papila ra vito ra xona.” “U tava na nfanelo wa Nsinya wa Vutomi, ku nghena eminyangweni laha ku pfumelekaka leswi nga nyama leswi nga nghanaka.” Wa

vona? Ehleketani ha swona. Sweswi, ntsena xinkadyana sweswi, tani hiloko ntsena hi ya emahlweni. Nsinya wa Vutomi wu tava wa vahluli ntsena.

<sup>430</sup> Matluka ya tava ya ri yo hanyisa matiko. Ya lawa i, tihosi leti hanyaka kwalahaya, ti nghenisaka ku dzhuneka ka tona, loko ti nghenisaka ku dzhuneka ka tona ti fika ti ku veka emahlweni ka Xiluvelo xa Xikwembu. Ntsena ku kotisa vale handle, kutani khume...tinyimba ta khume n'we ti nghena, yin'wana na yin'wana ya bona, vukhume eka Valevhi, wa bona. Loko va tisa ku dzhuneka eka...kusuka eka tiko leri ri katekisiweke, eka sweswo, va ta fikelela Nsinya wa Vutomi, va kha tluka leri ri tshamaka ri ri rihlaza...kumbe tluka ra Nsinya wa Vutomi, kutani va ta huma swin'we. A ku nge hevi na nyimpi. Hinkwaswo swi rhurile. Matluka yo va switsundzuxo, xa ku horisiwa ka tiko.

<sup>431</sup> Nsinya wa luwa, ku ngari ku kotisa Adam, u...A kuri na Nsinya wa Vutomi entangeni wa Eden, lowu loko a lo dya wona a tava a nga wang. Nsinya wa lowo wa Vutomi wu n'wi tsundzuxile, nkarhi hinkwawo, leswaku vuntshwa bya yena...vuntshwa bya yena a byi tshamela ro ya emahlweni. Wa bona?

<sup>432</sup> Swa fana na matiko. Matluka ya tava ya ku horisiwa ka matiko; lemukani, ku ngari vuvabyi sweswi. Mi tava na tinfanelo tin'we ni leti Adam a ti endleke, ku kotisa tlu-...tuva na tluka lero ro tshama ri ri rihlaza, ri hinkwaswo...hos yin'wana na yin'wana yi pambula tluka.

<sup>433</sup> Lemukani, Nambu wa Vutomi, kumbexani wu endliwa hi swinkobyana leswi ntsongo. Sweswi, eka misava leyi...

<sup>434</sup> Ndzi ya eku pfaleni eka timinetse ti ntsongo. Eka misava leyi...Kumbe, ndzi ya eku yimeni ntsena. Teto i tinotsi to tani hikwihi ni nga na tona, kwalomu ka mapheji ya makume nharhu. Ina. Langutani.

<sup>435</sup> Eka—eka vutomi lebyi, a ndzi se tshama ndzi bona nchumu lexi xi temulaka tani hiloko u ri etintshaveni ni ku lavisia, tani hilaha ndzi chumayeleke vusiku byin'wana, xinkobyana xexo xi pfelelaka, i xihlovo lexi xi nyikaka vutomi. Mi ta karhala ni kuva na torha, u wela ehansi eka xinkobyana xa kahle; hi ndlela yale hansi laha switsongwa-tsongwana swi nga fikeki, ku rhelela ehansi maddzana ya tifiti emisaveni, xi pfelerisa yo teng, ya xiviri, mati lawa ya nyikaka vutomi. Ha swi amukela sweswo. Xexo hi lexi ntsongo. Sweswi, misava yi na swinkobyana swo tala swa mati lawa ya wisisaka. Loko mi ri na torha ni loko mi fa, mi kuma ka kahle, kunwa loko titimela eka xona, xi ta—xi ta mi pfuna ku hanya.

<sup>436</sup> Kambe langutani lowu Wun'we laha wu humaka kona. Ku suka eXiluvelweni, kwalahaya hilaha wu kumaka swihlovo leswi swi nyikaka Vutomi. Byi huma ehansi ka Xihlovo xa Xikwembu, laha Xikwembu xi nga tshama kona.

<sup>437</sup> Hinkwaswo ka swona, hinkwayo ka misava leyi, misava ya leyi hi hanyaka eka yona sweswi; un'wana na un'wana, hambi u Mukreste kumbe muhedeni, va na titempele. Mi kale mi ehleketa sweswo xana? Tikereke, hinkwavo ka vona.

<sup>438</sup> Kambe Leyiwani yi hava na nchumu. Bibebe yi teri, "A kuri hava na tempele kwalahaya. Kambe Hosi Xikwembu na Xinyimpfana hi vona Tempele ya yona." Xinyimpfana i ku Vonakala. Xinyimpfana i Tempele. Xinyimpfana i Xiluvelo. Xinyimpfana i Vutomi. Hi Yena Tempele ya leyo. Wa vona, hinkwato ti tempele leti ti na xibye lexi ti xi gandzelaka; kambe, eka Doroba leri, hi Yena xibye. U na vanhu va Yena. Ku Vonakala ka Yena ku hangalaka na Doroba ra phiramidi.

<sup>439</sup> Ku kotisa Petro na Yohana, ehenhla emaninginingini ya ntshava. Ku Vonakala ku funengetile maninginingini ya ntshava, kutani Rito ri vulavula, ri ku, "Loyi i N'wananga loyi Ndzi n'wi rhandzaka."

<sup>440</sup> Eka Nhlavutelo 21:3 na 4, "Tabernakele ya Xikwembu yile vanhwini." Xikwembu xi na tabernakele leyi nga endzeni ka munhu, hi ku n'wi kutsula, hi maendlelo lawa ya nharhu. Sweswi Xikwembu xi ya kutsula misava na tabernakele leyi nga emisaveni, hi tidyondzo ta Xona ta misava, laha Xi nga tisa kusuka emisaveni. Kutani hikokwalaho ka vudyoho yi wile, kambe...Xi fanele ku yi tshika yi ya emahlweni. Kambe sweswi Xi rhumerile Yesu ku ta kutsula misava leyi yi weke, laha hi nga xi phemu xa yona. "Ku hava na nsisi na wun'we wu nga ta lahleka." Yesu u vule tano. U teri, "Ndzi ta yi pfuxa nakambe hi siku ro heteleta." Wa vona? Hikokwalaho ka yini? Mi xi phemu xa misava.

<sup>441</sup> Mi lemuka, ndzi na xifenyani nyana xa nsati wa mina a ndzi byelaka leswaku ndzi lahlekeriwile hi misisi ya mina. Ndzi n'wi byela leswaku a ndzi lahlekeriwanga na hi wun'we wa yona.

A ku, "Yi le kwihi?"

<sup>442</sup> Ndzi ku, "A yi ri kwihi loko ndzi nga se va na yona." Laha yi nga tshama yi va kona, wu ri nchumu; hambi yile kwihi, yi ni rindzerile. Wa vona? Hi swona sweswo. Ndzi taya eka yona, siku rin'wana.

<sup>443</sup> Miri lowu wa khale, lowu wu konyaka ni ku hluleka, ni kuva makatla ya va lama ntsongo, ni ku pandza ka matsolo, na-na ku khwaxa enkolweni. Sweswo swi kahle. U nga ha ku lahlela elwandle, kambe Mhalamhala yi ta ndzi pfuxa!...?...Ina, nkulukumba. Hi ya eku ncinciweni, rin'wana ra masiku lawa. Ndzi xiphemu xa misava leyi yi nga kutsuriwa. Mile misaveni, kambe ku hava nchumu xa *kosmos*. Mile ka xileriso lexi hambaneke, xileriso lexi xi nga kutsuriwa.

<sup>444</sup> Lemukani, "Tabernakele ya Xikwembu yi tava na vanhu." Lemukani, "Leswa khale swi hundzile." Leswi,

nchumu lowu, wu hundzile. Leswi swivula leswaku Tilo ri xikerile ehansi ku ta tshama na vanhu. Wa vona? Tilo ni misava swi funengetanile.

<sup>445</sup> Ntsena ku kotisa loko Tuva ri ta eka xiphemu xa misava, laha a kuri Yesu; A ri ntshuri ra misava, munhu. Xikwembu, xi ta xi huma eka mbewu ya leyo leyi ntsongo ya Vutomi, hi matimba ya mahika. Kutani Ngati ya leyo leyi a yi ri eka... Vutomi lebyi a byi ri eka Ngati leyi yi nga tlhandlukela endzhaku eka Xikwembu, kambe Ngati yi thonela ehenhleni ka misava, ku ta yi koxa. [Makwerhu Branham a gongondza eka phulphiti ko hlaya—Muhleri.]

<sup>446</sup> Hikokwalaho ka ngati leyi yi nga tisiwa, kusuka eka mbewu ya sele leyi humaka eka Kayini, wa vona; sweswi U vuya na matimba ya mahika kukotisa ntsena loko A swi endlele Adam, ku tumbuluxa Adam, lahawani hi loyi Adam wa Vumbirhi. Nakona ku ya hi sele ya leyo lahaya, laha (vudyoho) Kayini a nga boxa sele ya ngati ya leyo ehenhleni ka loyi alulameke, wa vona, sweswi Sele leyi ya Ngati... Hikuva, u dlayile Abel, kambe Abel a tswariwe hi ku tswariwa ka ntumbuluko.

<sup>447</sup> Kambe Loyiwani a nga tswariwanga hi matswariwele ya ntumbuluko. “A kuri hi ntumbuluko wa Xikwembu, ku sungula ka swona,” nakona Yi kutsurile misava. Ni khalixiyamu hinkwayo, phothaxi, petroliyamu, ku vonakala ka khosmiki, loku mi nga endliwa mi huma kona, ku kutsuriwile. “Ku hava na nsisi na wun’we wu nga ta vaviseka. Nakona Ndzi ta yi pfuxa nakambe hi siku ro hetelela.”

<sup>448</sup> Kutani ku humeleta yini? Xikwembu xi enhlela ehansi ku ta tshama ehenhleni ka misava. Laha, Xi nga xiphemu xa yona, Miri Lowu wu nga wa Xona. Xi wu pfuxile leswaku hi tava lava lulameke, nakona hi lulamisiwile hi ku pfumela sweswo ni ku swi amukela. Lemukani eka ku fananisa, Yesu u vile... Eka ku fananisa, Yesu u vile munhu; Xikwembu... kumbe ku hlawuleriwa ku teka ndhawu ya yena, ku hi kutsula, ku endla leswaku swilo leswi swi humeleta.

Lemukani, ehandle ka makhumbhi ya rona, ya Doroba leri.

<sup>449</sup> Sweswi mi na rona “Doroba” xana? Wa vona, i Ntshava yo kwetsima. [Makwerhu Branham a kombisa exitsalelwani—Muhleri.] “Ku hava lexi xi nga vavisaka kumbe ku onha eka hinkwayo Ntshava ya Mina yo kwetsima, ku vule Hosi.” Doroba a ri na matlhelo ya nharhu. Rova Ntshava. Kutani ku—ku andleleka hi katsa na ku anama hi katsa na ku leha, ka ringanana, wa vona; khume ntlhanu wa madzana ya timayile hi ndlela *leyi*, khume ntlhanu wa madzana ya timayili hi ndlela *liyani*, khume ntlhanu wa madzana ya timayili ku rhendzeleka hinkwako; nakona khume ntlhanu wa madzana ya timayili ku ya ehenhla. Swingaleswi yo va Ntshava leyikulu, ku kotisa phiramidi, nakona Doroba rile henhla ka Ntshava. Wa kwetsima!

<sup>450</sup> Kwalaho mi nga kona, ku na tipharadayisi ta Xikwembu, ku Vonakala ka misava, Mfumo wa lowo wo hetiseka. Ku ngari siku ra vunkombo; leri nga Heriki! Wa vona? Ku ngari Miliniyamu; Misava leyi Ntshwa! Wa vona?

<sup>451</sup> Loko ya haya eka Miliniyamu, yi ta famba ku ya hi maendlelo ya yona yo kwetsimisiwa, kambe hambi swi ri tano yi boheka ku tshwa. Wa vona? Laha, Ngati yi nga kutsula vanhu, swikombisa leswaku xitsundzuxo lexi xi...nxavu wu hakeriwile, gidi rero ra malembe. Kambe sweswi yi ta fanela ku hlantswiwa hi Ndzilo; ntsena ku kotisa laha a mi ri kona, va langhiwa va Xona va Doroba leri, lava nga langhiwa.

<sup>452</sup> Swingaleswi loko mi fa kumbe mi hanya, hi kwihi ku hambana loku ku ku endlaka xana? Loko A nga ta namuntlha, kumbe A ta eka dzana ra malembe, kumbe eka gidi ra malembe, ntsena ndzi ta wisa ku kondza ku ncinciwa ka mina ku fika.

<sup>453</sup> Swingaleswi, vakhalabya ni vakhegula, mi nga tshuki mi hela matimba. [Makwerhu Branham a kombisa exitsalelwani—Muhleri.] Loko u ri muyimeri *lahawani*, eka xibye lexi xa Xikwembu; *lexi*, Xikwembu; loko u ri na xona, loko u yimeriwile *lahawani*, a wu nge swikoti... U laha ku nga Heriki. Kutani loko u tsemekanyile kusuka kwalaho ka siku ra vunkombo, ku ya eka ra vunhungu, mi nghena eka leri nga Heriki hi nkhuvulo wa Moya lowo Kwetsima, mi katsiwile eka *Leri*. Sweswi, loko mi tshembhela ehenhleni ka vutitwi, kumbe ku tlulela ehenhla nale hansi, kumbe, “Ndzi endla *leswi*. Ndzi hlayisa siku ra mina ra vunkombo. A ndzi dyi nyama,” ni swin’wana swo kotisa sweswo, valava va ya eku loveni, hi ndlela yin’wana. Wa vona? Kambe *Leri* hi rona leri nga Heriki. Wa vona? Leri hi rona leri nga Heriki, Nkhuvo endzhaku ka nkhuvu wun’wana wa ti tabernakele. Wa vona?

<sup>454</sup> Nkhuvo wa titabernakele wu tava wu ri nkhuvo wo hetelela, nkhuvo wa vunkombo. Sweswi hi le ku gandzeleni ehansi ka nkhuvo wa titabernakele, nguva ya vunkombo ya kereke.

<sup>455</sup> Eka Miliniyamu, hi tava hi ri ehansi ka nkhuvo wa titabernakele, nakambe, eka siku ra vunkombo.

<sup>456</sup> Kambe, swingaleswi, endzhaku ka siku ra vunkombo, hi va na Nhlengaletano leyo Kwetsima, hi tlhelela endzhaku laha ku nga Heriki. Njhani? Hi Un’wana loyi a nga Heriki loyi a nga ta a ta hi kutsula ni ku hi tlherisela endzhaku, a nga hi pfumelela hi lemuka leswaku hi na xiave eka *Leswi*.

<sup>457</sup> Xana mi swi tiva njhani leswaku mi xiphemu xana? Hikuva, leswaku, Rito ra awara, ra xitshembhiso xa siku. Xana i yini? Ku tlheriseriwela endzhaku eka siku ro sungula, ro sungula. “Nakona u ta tlherisela timbilu ta vana ti tlhelela eka vatatana,” a vuyisela ku tlheriseriwela nakambe ka xiviri xa pentekostal, ku ngari vutitwi; nakona u ta kombisa Rivoni

ra ni madyambu, N'wana un'we loyi a nga kombisiwa eka ku Vonakala ka ni mixo, tani hilaha swi tshembhiseweke siku. Amen na amen!

<sup>458</sup> Hile kwihi, vanghana, hile kwihi? Ntsena hi rindzerile ku huma endleleni sweswi, leswaku Nhlavutelo 11 yi nga ha... tiveka eka Mayuda; hi swona sweswo, ku Vutleriwa ku ta.

<sup>459</sup> Langutani, ehandle ka minyangwa ya makhumbhi, ku hangalakile ku tsemekanya Misava leyi Ntshwa, matiko ya ta tshama hi ku rhula loku ku nga Heriki. Sweswi i yini? Tihosi leti ti nga xiximiwa ti ta tisa ku dzuneka eka yona. A kuna vudyoho lebyi nga tava kona kwalahaya. Vamanana vo boba misisi a ve nge hevi kona va ngaka va nga ngheni eka Doroba lero. Ndzi ta mi tiyisisa sweswo. A ka ha mbariwi swo koma, a ka ha zahiwi fole. Vatirhi va swa vuoswi, vaoswi, kumbe vahembi, vaphahlhi, hambi va ngava yini leswi va nga xiswona, a ve nge ngheni eka Doroba lero. Ee, hinkwaswo swi tava swi herile. Vudyoho byi tava byi fambile. "Ku hava lexi xi nga nyamisaka ku kwetsima ka rona xi nga nghenaka kwalahaya." Sweswo hi leswi A nga swi vula. "Hinkwaswo swi tava swi hundzele, makumu."

<sup>460</sup> Langutani emasin'wini ya rona ni ku rhendzeleka hi minyangwa ya rona:

Xinkankanka xi tava lexo rhula, hlolwa ri  
tava lero lerhisiwa;  
Kutani nghala yi ta etlela na xinyimpfana;  
Kutani xivandzani enhoveni, xi ta byisiwa hi  
n'wana;  
Ndzi ta ncinciwa ndzi suka eka xivumbeko  
lexi ndzi nga eka xona.

<sup>461</sup> Ni rifu leri famba-fambaka eka miri wa mina lowu wu bolaka, ku dyuhala loku ku nghenaka, ndzi ta ncinciwa.

<sup>462</sup> Mi tshame mi ritwa risimu xana? "Xinkankanka xi tava lexo rhula. Hlolwa ri tava lero lerhisiwa." A ngaka a nga tluleli ehenhla, ni ku mi tshunelela a ringeta ku mi dlaya. U ta famba na n'wina etindleleni.

I mani loyi a nga tava mudya-ndzhaka wa yona xana? Lava nga Kutsuriwa. Kutava va mani?

Lemukani, ndzi nga ha dyondzisa hi swifaniso swa mina sweswi. Lemuka, Makwerhu Lee.

<sup>463</sup> I va mani lava va nga huma na Nowa wa muprofeta eka misava leyi ntshwa xana? Hi lava a nga nghena na vona engalaveni. A hi swona? Valava hi lava va nga huma eka yona. Wa vona? Lava va nga nghena na Nowa, hi hungu ra yena, hi vona lava va nga tlhela va huma va famba ehenhleni ka misava leyi ntshwa endzhaku ka nkhuvulo wa yona wa mati.

<sup>464</sup> Loyi a nga ta nghena na Yesu sweswi. Xana hi nghena njhani eka Yena? Hi Moya wu ri wun'we; nakona hi Yena Rito.

Mi va xiphemu xa Yena. Xana mi xiphemu xa Yena njhani? Hi Rito leri hanyaka eka awara leyi, ku ri lemuka. Mi ta famba na Yena eka Miliniyamu. Kwalaho hiloko mi huma. Lemukani, ku ngari rixaka leri ntshwa. Ku simeka!

Mi ri, “Oho, Makwerhu Branham!” Oho!

<sup>465</sup> Lemukani, loko Xikwembu xi nga kota ku pfuxa Eliya xi n’wi tekela ehenhla, makume mbirhi-ntlhanu wa madzana ya malembe lawa ya nga hundza, leswaku xi ta tlhela xi n’wi simeka emisaveni nakambe, leswaku a tava muprofeta wa Mayuda, hi swihi swo tala leswi Xi nga swi endlelaka Mutekiwa!

<sup>466</sup> Endzhaku ka loko Nowa a humile engalaveni, lemukani leswi swi nga byeriwa Nowa endzhaku ka loko a tava a hundzile eka ndhambhi, ntsena kukotisa hilaha a swi ri na Adam emasunguleni. Endzhaku ka loko a tava a humile, ehenhleni ka misava leyi ntshwa; xi ku, “Tswalanani mi tata misava,” endzhaku ka ndhambhi. Lemukani, “a fanele kuva na mihandzu, a tata misava,” tani hi Adam wo sungula.

Sweswi mi nga ha swi vona hakunene lahawani. Sweswi yingiselani swinene.

<sup>467</sup> Adam a fanela ku “tswala a tata misava.” A hi swona xana? Swive tano nile ka Nowa, endzhaku ka leyi ntshwa, (loko misava yi onhiwile), a fanele “ku tswala a tata misava.” Ma swi kuma? Sweswi xana a mi yi voni “mbewu” ya nyoka leswaku i yini? I ncini lexi tateke misava xana? Ma swi kuma? Swi lulamile. Ma swi vona hilaha Sathana a nga n’wi kumisa xiswona Evha xana. Xexo hi xona xivangelo xa kuva rifu ri fuma misava kusukela emasunguleni. Kutani matilo, misava, xivandzani, mpfhuka, hinkwaswo swi rhukaniwile hi Xikwembu hikokwalaho ka swona. Walowo i ndzhukano, hikuva Sathana u rhangile ku fikelela ku swi endla leswi.

<sup>468</sup> Yesu u tele ku yi kutsula leswaku yi tlhelela eka Tatana. Hi ku endlela ku endla leswi, U vile xiphemu xa yona; tani hiloko ndzi ya emahlweni. Nakona kusuka eka rona ritshuri lero (i xiphemu lexi Yesu a ri xona, yena hi Yexe) leswaku ri kutsuriwa, ha Yena swibye hinkwaswo swa Xikwembu swi kutsuriwile na misava.

<sup>469</sup> A ri Rito leri vuriweke. Hina hi nga kutsuriwa hi xiphemu xa Yena. Kutani, loko mi nga tekela enhlokweni! Wa vona?

<sup>470</sup> Vafarisi va koxile leswaku va tano. Kambe, ma wu vona mpfapfarhuto wa mina wo sungula, ntsena a vari xisweswo hi vutlharhi. A va swi kotanga ku tekela enhlokweni Rito loko Ri tava ri kombisiwile emahlweni ka vona. Va teri, “Munhu loyi i moyo wo biha.”

<sup>471</sup> Sweswi, namuntlha, hi vitaniwa vaprofeta va mavunwa. Hi vitaniwa thyaka hinkwaro leri nga vuriwaka, hi vanhu lava va khongelaka, wa vona, hi vanhu lava va nga va kulu va tlhela va va na titalenta. Wa vona, ntsena a va switwisisi. Wa vona?

<sup>472</sup> Nkhuvulo wa yona wa mati a wu nga ringanelanga ku yi basisa; hambi kuri vona. Ku kwetsimisiwa, hi Ngati, swi yi tlherisele endzhaku, swi yi koxa. Kambe nkhuvulo wa Ndzilo wa yi basisa; tani hilaha swi endleleke Mutekiwa wa Yena. Ku kotisa ku lulamisiwa, ku kwetsimisiwa, nkhuvulo wa Moya lowo Kwetsima.

<sup>473</sup> A xi kalanga xi tshembhisa ku pfuxa rixaka rin'wana, tani hilaha ndzi vuleke, kambe Xi tshembhisile ku ta kutsula leri weke. Vona lava va—va nga hlawuriwa, va va vadya-ndzhaka va yona tani hilaha Xi tshembhiseke. Nakona hi Xona Xikwembu lexi nga hundzukiki; ha switiva sweswo.

<sup>474</sup> Tsundzukani, Xikwembu xi tekile Eliya, endzhaku ka ku vutleriwa, ni ku tlhandlukisiwa, xi n'wi simekile nakambe exikarhini ka vanhu, ku teka ndhawu tani hi muprofeta exikarhini ka vanhu va yena; ku nga ri khale ngopfu Xi ta endla sweswo. Nakona xi n'wi hlayisile, wa hanya, eka malembe lawa ya makume mbirhi-ntlhanu wa madzana. U fanela ku humeleta na kambe.

<sup>475</sup> Lemukani nakambe, Xi pfuxile Muxe kusuka ekufeni. Xana rile kwihi sirha ra yena? Xana ku na loyi a nga ri kumaka xana? Hlayani Buku ya Yuda. Wa vona? Sathana... Ndhuna ya Ntsumi yi kanetana na Ndhuna ya ntsumi, Sathana, a ku, hi ku titshembha... “Hosi yi ku pfukile,” yi pfukerile ehenhleni ka miri wa Muxe. Kutani lahawani ku na Petro, Yakob na Yohana lava a va yimile kwalahaya va n'wi langutile, eNTshaveni ya Nkwetsimo, kona kwalahaya etikweni leri Ntshwa yi nga ta pfuxiwa kona yi tshama kona. Wa vona?

Nakona U tile a ta yi kutsula.

<sup>476</sup> Wa vona, a kuri na Kereke leyi yi nga vutleriwa kwalaho, yi yimeriweke; a kuri ni lava va nga etlela, va yimeriweke. Hambi kona? [Makwerhu Branham a kombisa exitsalelweni, eka tindzimana ti ntsongo leti landzelaka—Muhleri.] EDorobeni; ehenhla ka ntshava. Wa vona?

<sup>477</sup> A kuri na Petro, Yakob na Yohana, va languterile; vanharhu, i mbhoni. A kuri na Eliya, Muxe, na Yesu; tani hi timbhoni ta Tilo. Wa vona?

<sup>478</sup> Nakona a kuri na Muxe, loyi a nga fa, a pfuxiwile. A kuri na Eliya, loyi a vutleriweke, a ha hanya. Kutani a ku ri havumbirhi lava va yimeleke entshaveni leyi yo kwetsima.

<sup>479</sup> Kutani, Yesu, Mukutsuri. Loko Xikwembu, ehenhla ehenhleni ka Yena ku kotisa *leswi*, xi N'wi funengetile, xi ku, “Loyi i N'wananga loyi Ndzi n'wi rhandzaka.”

<sup>480</sup> Tsundzukani, Yesu u teri, kwalomu ka siku ku nga se fika sweswo, U teri, “Ndzi tiyisile ndzi ri eka n'wina, leswaku eka van'wana va lava va nga yima lahawani sweswi, va ngaka va nga ri voni rifu, ku kondza va vona Mfumo wa Xikwembu wu tumbuluxiwa hi matimba.”

<sup>481</sup> Xana a kuri yini? Ku pfuxiwa ka vafi ni ku tlhandlukisiwa ka vakwetsimi, swin'we, va kumekile kun'we ehenhla ku ya hlangana na Yena emoyeni. Na Xikwembu lexi a xi N'wi funengetile, nakona Yesu a yimile kwalahaya eka ku funengeta loku ka ndzhuti, ri ku, "Loyi i N'wananga loyi Ndzi n'wi rhandzaka, Loyi Ndzi tsakelaka ku tshama eka yena," xileriso xa Mfumo lowu Ntshwa. Oho, buti, sesi!

<sup>482</sup> Rifu a ri mi ncinci. Rifu ntsena ri ncinka ndzhawu yo tshama. Wa vona?

<sup>483</sup> Tsundzukani, Samuel, loko a tava a file a lahliwile kuringana malembe ya mbirhi, a ri ePharadayisi. Kutani noyi wale Endor u n'wi vitanile, kutani Saul u n'wi tekerile enhlokweni; hiloko a ku, na yena, kutani a wela ehenhleni ka xikandza xa yena. A nga kalanga a ncinka, na swi ntsongo. A ri Samuel ya luya, endzhaku ka loko a file ku ringana malembe ya mbirhi, nakona a hari muprofeta. U teri, "Mundzuku u tava enyimpini, ya n'wana wa wena na wena, nakona hi nkarkhi lowu vusiku bya mundzuku u tava u ri na mina." Kutani ntsena sweswo hi leswi swi nga humelela.

<sup>484</sup> Wa vona? Kutani loko Muxe a tlhelela endzhaku, na Eliya, eka Nhlavutelo 11, a va hari vaprofeta. Haleluya!

<sup>485</sup> Kutani halahaya, eTikweni, eDorobeni laha Xinyimpfana xi nga ku Vonakala, ndzi ta ku tiva, Makwerhu McKinney. Ndzi ta mi tiva, vanhu va mina, maribye ya mina ya nkoka eka xiddodlo. Loko va ta va huma eVuxeni nale Vupeladyambu, va ta eDorobeni; laha ku nga khume ntlhanu wa madzana ya timayili hi matlhelo ya mune, ri tava ri tshamile kwalahaya, nakona Doroba ri tava ri akiwe hi matlhelo ya mune yo ringanana. Loko mi tava mi tshamile kwalahaya eNtshaveni yo kwetsima, laha Xikwembu xi tshamaka ehenhla ka Ntshava, kutani Yesu eXiluvelweni. Kutani mhalamhala ya nsuku yi chayiwa loko Yosefa a suka, a famba a rhelela ehansi eParadayisini, kutani vana va Xikwembu va wa hi matsolo ya vona va N'wi gandzela, va ri karhi va swi tiva leswaku va kutsuriwile. Wa vona? Amen! Haleluya!

Nkarhi wun'wana ndzi kula ndzi ri karhi  
ndzi navela ekaya eTilweni,

Kutani ku kwetsima loku ndzi nga nakona  
Lahaya ku ta vonakala;

Ku tawa ntsako muni lowu nga tava kona  
loko ndzi vona Muponisi wa mina,

E ka Doroba lero ra nsuku!

Ndzi mubohiwa wa Doroba lero ro saseka  
Leri Hosi yi nga ri lulamisa . . .

[Xivati lexi nga riki na nchumu eka  
theipi—Muhleri.]

<sup>486</sup> Esaya u teri, eka Esaya 9:6, "Nakona ku rhula ka Yena na ku fuma ka Yena loku ku nga tava ku nga ri na makumu. Vuhosi byi ta vekiwa emakatleni ya Yena; Vito ra Yena u ta thyiwa Mutundzuxi, Hosi ya ku Rhula, Xikwembu xa Matimba, Tatana loyi a nga riki na Makumu. Kutani vuhosi byi tava byi ri ehenhleni ka makatla ya Yena; ni ku fuma ka Yena ka ku rhula loku ku engetelelekaka loku ku nga riki na makumu." Hambi swiharhi swi kona kwalahaya. Oho, mina!

Xinkankanka xi tava lexo rhula, hlolwa ri  
tava lero lerhisiva;  
Kutani nghala yi ta etlela na xinyimpfana,  
Kutani xivandzana enhoveni, xi ta byisiwa hi  
n'wana;  
Kambe ndzi ta ncinciwa.

<sup>487</sup> Ndzi ta ncinciwa eka xivumbeko lexi ndzi nga eka xona, loko Siku lero ri fika, hikuva ndzi ya eka Doroba lero. Ndzi mubohiwa wa Doroba lero ro saseka! Ndzi titwa ndzi ri na Matimba ya ku kutsuriwa eka mbilu ya mina hinkwayo sweswi.

<sup>488</sup> Loko leswi swi nga ri tano, swingaleswi ndzi cukumeterile vutomi bya mina ekule; ndzi dyondzisile van'wana swilo swa vuxisi. Kambe loko ndzi languta ehansi ni vona leswaku xi tshembhiso xa siku leri leswaku U xi endlile, ni ku Xi vona loko xikombisiwa; ni ku languta khume ntlhanu wa madzana ya timayili hi matlhelo ya mune ya nhlengeletano leyi yi nga tshama lahawani, Muhlawuriwa loyi a nga vitaniwa kusuka eka dinominexini na tinxaka na mikhuva ya tikereke na swin'wana, va hlengeletana kun'we; tani hilaha ndzi vonaka Rito ri tikombisaka rona hi Roxe, ndza switiva, halahaya endzhaku ka ndzhuti wa ku kanakana, maribye ya nkoka ya xidlodlo xa mina ya ta vangamisa hinkwaswo emisaveni, hi Siku lero.

<sup>489</sup> Ku ta fika nkarhi! Vanhu, a hi hlanganeli lahawani swa hava. Ntsena hi rindzerile nkarhi walowo. Wu fambile, wu fambile swinene, kambe Yesu wa ha ri, ekusuhi swinene. Kutani, ku Kwetsima ka Yena, ku sasekile. "Vito ra Yena u ta vitaniwa Mutundzuxi." Doroba lero, ma swi vona xana? Kwalahaya hilaha Muteki na Mutekiwa va nga ta tshama kona, kutani a ku nge he pfuki ku vile na . . .

<sup>490</sup> Sweswi, loko mi ehleketa leswaku swi kahle loko hi chayela madzana-dzana ya timayili hi ta tshama lahawani ni ku phameriwa hi Rito ra Yena, laha leswi ku nga dzhuti, swi tava njhani loko hi hanya eDorobeni na Yena! Loko ndzi ta hanya ndzi ri makhelwani wa wena, kutani loko hi ta dya eka minsinya leyi, hi tlhela hi famba eka switarata leswi, loko hi famba eka switarata leswi swa nsuku hi ya exihlobyeni, hi ya nwa exihlobyeni, hi famba etipharadayisini ta Xikwembu, na Tintsumi leti ti nga wunga misava, ti ri karhi ti yimbelela tindzuniso, oho, ri tava ri ri Siku ra njhani! Ri ringanele hinkwavo. Patu ri tikomba ri

khwaxa, minkarhi yin'wana ri ti komba ri tika, kambe, oho, ri tava leri ntsongo loko ndzi N'wi vona, leri ntsongo swinene. Ku ta humelela yini hi mavito yo biha ni swilo leswi va nga swi vula, swi tava njhani sweswo loko ndzi ta N'wi vona eka ku saseka kwaloko, Doroba ro saseka ra Xikwembu?

<sup>491</sup> A hi korhamiseni tinhloko ta hina.

Ndzi mubohiwa wa Doroba lero ro saseka  
 Hosi ya mina yi lunghisele lava va nga va  
     Yona N'winyi;  
 Laha hinkwavo Vakutsuriwa va tinguva hi  
     nkwato  
 Va nga ta yimbelela "Wa kwetsima!" Va  
     rhendzeleka hi Xiluvelo xo Basa.  
 Nkarhi wu n'wana ndzi navela ekaya  
     eTilweni,  
 Kutani ku kwetsima ka rona ndzi ta ku vona  
     Kwalahaya;  
 Wu tava ntsako wa njhani loko ndzi vona  
     Muponisi wa mina,  
 Eka Doroba lero ra nsuku!

<sup>492</sup> Exihlaleni xa Patmos, Yohana u ri vonile! [Makwerhu Branham a rila hi ntsako—Muhleri.]

<sup>493</sup> Eka Yesu, ku tshembha loku, ku tshembha ka mina a ku akiwanga ka nchumu wun'wana, Hosi. Rero i manana wa mbilu ya mina; Doroba lero, Hosi leyikulu. Xikwembu, u nga pfumeleli na un'we lahwani a lova, ndzo kombela. Leswaku hi nga ha kambisisa vutomi bya hina nakambe, namuntlha, Hosi, hi rindzerile ku Vuya ka Hosi. Laha, hinkwavo ka vona lava nga Kutsuriwa, ehandle halahaya eka yindlu leyikulu ya rhandzavula eRhoma, laha Vakreste va vona va nga dyiwa hi tinghala, siku rin'wana ritshuri ri ta tuvuka!

<sup>494</sup> A ku nge hevi na swirhapa swa masirha etlhelo rale xigangeni xa ku Kwetsima. Ku hava tihendlele ta ntivati leti ti nga ta khomelela xiluva xa rifu. Ku hava nhloti lowu wu nga ta thonela kona. Ee, ee. Ku hava nhulu ya buwa. Ku hava bubutsa leri ri nga ta yi ba. Hinkwako ku tava kuri ku kwetsima kwalahaya.

<sup>495</sup> Hi pfune, Hosi. Loko kuri na un'wana lahwani . . . lava va nga vitanowi eka Nkhuvo wa Vukati bya Xinyimpfana, eka ku fuma loku ka gidi ra malembe ya Miliniyamu, kutani hi nghena eDorobeni endzhaku ka Hanimuni loko yi herile. Miliniyamu yile kusuhi na Hanimuni. Kutani Wansati, Mutekiwa, A teka . . . Muteki a teka Mutekiwa wa Yena a n'wi yisa eKaya. I ra Yena. Mutekiwa wa yena; Muteki wa Yena. Oho, U yile a ya lulamisa Yindlu, ku fikela loko A tava a tshembhisile.

<sup>496</sup> Leswaku hi nga hava ni ntiyiso eka Yena Loyi a nga Rito, hikuva hi Yena Rito. Swi nga khathaleki leswaku van'wana va hi sapatela, va hi yisa ekule na Rona; Hosi, ndzi tshunete.

Hikuva minkarhi yin'wana ndzi kula ndzi ri  
 karhi ndzi navela kaya rale Tilweni,  
 Kutani ku kwetsima ka rona ndzi ta ku vona  
 Kwalahaya;  
 Wu tava ntsako wa njhani loko ndzi vona  
 Muponisi wa mina,  
 E ka Doroba lero ra nsuku!

<sup>497</sup> Kaya ra Muteki na Mutekiwa! U le ku vuyeni... [Xivati lexi  
 nga riki na nchumu eka thepi—Muhleri.]...ku ya eka Nkhuvo  
 wa Vukati; ya tava masiku ma nharhu na hafu. Hi tlhela hi  
 vuya nakambe, eka Miliniyamu, eka hanimuni ya hina. Kutani  
 U—U ta tisa Doroba leswaku ri vonakala. Ku kotisa muteki  
 loko a hlamarisa mutekiwa wa yena, hilaha mutekiwa a nga  
 yima lahaya eka nchavo lowukulu tani hiloko a languta ekaya  
 ra vumundzuku bya yena! Kutani hi ripfumelo, namunthla,  
 Hosi, ha ri vona halahaya. Ri tava kwalahawani emisaveni. U  
 hi tshembhisile rona.

<sup>498</sup> Kereke ya Wena yi tava yi kutsuriwile hi ku hetiseka,  
 rin'wana ra masiku lawa. Nakona misava ya Wena yi tava yi  
 kutsuriwile, swiribyana hinkwaswo leswi ntsongo. Kambe xo  
 sungula U tava u kutsurile vanhu va Wena, mimiri ya vona leyi  
 yi nga endliya hi misava.

<sup>499</sup> Hi pfune, Xikwembu. Loko ku ri na un'wana lahwani loyi  
 a nga riki na ntiyiso ha sweswo, Hosi, i ngaku va nga wu  
 amukela sweswi.

<sup>500</sup> Ndza switiva leswaku hi hlwerile nakona ka hisa, kambe,  
 vanhu, a hi nge kumeki hi yimile minkarhi hinkwayo. A ndzi  
 nge tshami ndzi ri mufundhisi wa n'wina nkarhi hinkwawo. A  
 hi veneni ni ntiyiso wa swona.

“Xana ku ngava kuri na ndlela, Makwerhu Branham?”

<sup>501</sup> Ina, vanani xiphemu xa Rito, xiphemu xa Rito ra  
 namunthla. A mi nge swikoti kuva xiphemu xa siku ra Rito ra  
 Muxe; xiphemu xexo xi hundze khale, xexo a xi ri xa milenge.  
 Hile Nhlokweni sweswi. Loyi i Kreste. A hi nkarhi wa mavoko,  
 endzhaku eka Luther, ee. Lowu i nkarhi wa Nhloko. Kreste,  
 Nhloko ya Ribye, yi ta eka Miri.

<sup>502</sup> Loko mi nga switwi kahle sweswi, loko u ta swikota, u nga  
 ha yimisa voko ra wena ntsena leswaku ndzi ta kota ku swi  
 vona. Mi nge un'wana na un'wana a korhamisela nhloko ya  
 yena ehansi. Xikwembu a xi mi katekisi.

<sup>503</sup> Mi ku, “Ndzi tsundzuki exikhongelweni, Makwerhu  
 Branham. Ndzi lava kuva kwalahaya hakunene! A ndzi—ndzi  
 swilavi ku ri hupa, Makwerhu Branham. Ndzi le—ndzi le  
 ku kambeni, ndzi endla hinkwaswo leswi ndzi nga ta swi  
 kota, kambe ndzi khongeleti sweswi, u ta swi endla xana?”  
 Xikwembu a xi mi katekisi.

<sup>504</sup> Loko ma ha ehleketa ha sweswo sweswi, ntsena khongelani, mi ku, “Xikwembu...” Swile timbilwini ta n’wina. Wa vona, loko mi twa swin’wana swi gwimba, swi gwimba-gwimba etimbilwini ta n’wina, sweswo hi leswi swi nga xiswona. I xibye xexo xi ringetaka ku ti hlambanya hi xoxe.

Ndzi mubohiwa wa Doroba lero saseka  
 Hosi ya mina yi lunghisele lava va nga va  
 Yona N’winyi;  
 Laha hinkwavo Vakutsuriwa va tinguva  
 hinkwato  
 Va nga ta yimbelela “Wa kwetsima!” va  
 rhendzeleka hi Xiluvelo xo Basa.  
 Nkarhi wun’wana ndzi kula ndzi ri karhi  
 ndzi navela ekaya eTilweni,  
 Kutani ku kwetsima ka rona ndzi ta ku vona  
 Kwalahaya;  
 Wu tava ntsako wa njhani loko ndzi vona  
 Muponisi wa mina,  
 Eka Doroba lero ra nsuku!

<sup>505</sup> Tatana wale Tilweni, hi teki sweswi, Hosi. Pfumelela Murisi Lonkulu, Murisi Lonkulu loyi a Kutsulaka, Mukutsuri Lonkulu Loyi a nga sukela ku Kwetsima, hi kutiva leswaku swin’wana swa swibye swi lahlekele eka minkova leyikulu ya vudyoho, laha mahlolwa na—na swiharhi ku nga ri khale swi nga ta dya nyimpfu ya leyo leyi ntsongo; kambe U siyile tiphasjei leti kulu ta nsuku, a xikela ehansi emisaveni a ta ti endla un’wana wa hina, leswaku A nga ha hlambanya rirhandzu ra Xikwembu eka hina. Kwalahaya U va kumile, van’wana va vona eka tidinominexini, van’wana va vona eka yindlu leyi nga duma hi uvabayi, van’wana va vona eswitarateni, va ri mabofu, van’wana va vona erihlampfini nale ka hayiweyi, kambe U kutsurile un’wana na un’wana loyi Tatana a nga N’wi xiximela ku kutsuriwa.

<sup>506</sup> Kutani U hi lerisile, leswaku hi ta hanya xiphemu lexi xa Rito eka tinguva ta hina. Nakona ha ku vona ku hundzuluka loku kulu ka Luther, eka nguva ya leyo; nile ka Wesley; nile ka Pentekostal. Sweswi hi langutele Nhloko ya Ribye ya Doroba. O Xikwembu, hi tiva nguva na xitshembhiso lexi hi nga nyikiwa xona xa siku leri, hilaha Leswi swi nga ta tlhela swi ttheriseriwa nakambe. “Rivoni ra ni madyambu ri ta vupfisa muhandzu wa rona. Nakona ku ta humelela siku leri ri nga ta ka ri nga twisiseki leswaku i siku kumbe i vusiku, ri nga vitaniwaka ha kona, kambe hi nkarhi wa ni madyambu ku tava na Rivoni.”

<sup>507</sup> N’wana ya luya wa Xikwembu loyi a kwetsimaka, a tikombisaka yena N’winyi enyameni ya ximunhu ehenhla lahawani emisaveni, a ri eku endleni ka xitshembhiso xi hanya xona hi xoxe, xi pfariwa eka mahlo ya Vafarisi na Vasaduki na Vaheroda, ni kuya emahlweni.

<sup>508</sup> Nakona namuntlha swa vuyeleta nakambe, Rito ri kombisiwa ntsena ku kotisa hilaha a Ri ri hakona. Rito, ri ri karhi ri tiva xihundla xa mbilu, ntsena hi ndlela leyi a swi ri xiswona, tani hilaha Matsalwa ya vula, lawa ya nga taka ya nga tshoveki. Hi pfuni, Xikwembu, ku swi tekela enhlokweni.

<sup>509</sup> Pfuna lava va yimiseke mavoko ya vona sweswi. Leswaku va nga va xingwavila nyana lexi manyeke nyana; va nga ha tiambexa Evhangeli ya ku rhula; va havaxela ku hloma hinkwako ka Xikwembu; va kokela xihuku ehansi; va teka xihuku xa ripfumelo; va macha va ya emahlweni, kusukela namuntlha ku ya emahlweni. Hi nyike swona, Hosi.

<sup>510</sup> Ntsena ku ngari khale ngopfu, hi ta rhambiwa, kutani ku Vutleriwa ku tata. Ntsena eka xintlawana lexi ntsongo ngopfu, ku kotisa Enok, hi ta tekeriwela ehenhla.

<sup>511</sup> Kutani, "masalelwya mbewu ya wansati, lawa ya hlayisaka milawu ya Xikwembu," Mayuda, "va na vumbhoni bya Yesu Kreste," Vamatiko, va ta hlotiwa tani hi timbyana, "nakona va ta nyikela vutomi bya vona eka vumbhoni bya vona."

<sup>512</sup> Kutani, mixo wun'wani wa kahle, ku humelela ka Miliniyamu, eka—eka Hanimuni ku ta sungula.

<sup>513</sup> "Kutani hinkwavo vafi va ngaka va nga hanyi ku fikela emakumu ka gidi ra malembe." Kutani, ekuheleni ka gidi ra malembe, ku tava na Kuavanyisa, ku kombisa leswaku Ham u le ngalaveni. Nakona Ham wa hari kwalahaya eka masalelwya. Lava va nga Ri twa ni ku Ri ala va ta fanela kuavanyisiwa.

<sup>514</sup> Sweswi, hi nyike swona, Hosi, leswaku hi nga tekeriwi enhlokweni exikarhini ka vona, kambe hi tava eka ku vitaniwa kuya eka Nkhuvo wa Vukati. Hikuva, ha n'wi lemuka enhlokweni Yesu exikarhini xa hina namuntlha. Hi ta nghena na Yena; hi huma emisaveni, hi ya eka Yena. Hi pfumeleli hi ya emahlweni eka Doroba lero, hi huma na Yena.

<sup>515</sup> Ndza dyuhala, Hosi. A ndza ha ri na minchumayelo yo tala ku yi chumayela. Kambe hakunene-nene ndzi tshembhele eka Wena. Ndzi langutele Doroba lero, tani hilaha tatana wa mina Abraham a swi endleke. Ku na Swin'wana eka mina swi ndzi byelaka leswaku rile kuteni. Ndzi le ku ringeten i hinkwako, Hosi, ku hangalasa Rivoni ni ku va vitana. U nga pfumeleli na un'we wa lava, Hosi...

<sup>516</sup> A swi saseke njhani, nkarhi nyana lowu wu nga hundza, loko U tava u ndzi paluxerile swona sweswo. Kusuka eka mpfhuka wa xirhendzevutani wa kwalomu ka khume ntlanu wa madzana ya timayile, ntsena wun'wana *lahawani* wun'wana *lahaya*, yi vekiwe kun'we namuntlha, lava va nga hlengeletana eka xindhawani xin'we, va languteleke ku humelela ka Doroba lero. Ha tivula leswaku hi vaendzi ni valuveri. Hi va hlongoriwa. Hi vahedeni, ku nga misava, va hlekula; vukhongeri

bya tidinominexini bya sandza; kambe a hi tsekatsekisiwi hi swilo sweswo. Hi endli xiphemu xa Rito, Hosi, hi nga tsekatseki. "Swi ta humelela emasikwini ya makumu." I ngaku swi ngava ka hina, Hosi, leswaku hi nga ha tekeriwa enhlokweni exikarhini ka vona. Ha swikombela hi Vito ra Yesu. Amen.

<sup>517</sup> Ma swi pfumela xana? [Nhlengeletano yi ku, "Amen."] A hi yimiseleni mavoko ya hina ehenhla ku kotisa *leswi*.

Ndzi mubohiwa wa Doroba lero ro saseka  
Hosi ya mina yi lunghisele lava va nga va  
Yona N'winyi;  
Laha hinkwavo Vakutsuriwa va tinguva  
hinkwato  
Va nga ta yimbelela "Wa kwetsima!" va  
rhendzeleka hi Xiluvelo xo Basa.  
Nkarhi wun'wana ndzi kula ndzi ri karhi  
ndzi navela ekaya eTilweni,  
Kutani ku kwetsima ka rona ndzi ta ku vona  
loko ndzi fika Kwalahaya;  
Oho, wu tava ntsako wa njhani loko ndzi  
vona Muponisi wa mina,  
Eka Doroba lero ra nsuku!

<sup>518</sup> Sweswi, loko hi leswaku hi ta tshama eka Doroba lero hinkwerhu, ntsena tlhavulanani mavoko na un'wana, u ku, "Xikwembu a xi ku katekisi, muendzeri. U huma kwihi xana? Louisiana, Georgia, Mississippi? Ndzi muendzeri, na mina. Ndzi langutele Doroba lero."

<sup>519</sup> Ndzi languterile Doroba lero, Makwerhu Neville. Ndzi le ku kumeni ka ndlela lahaya eka . . . ? . . . Makwerhu Capps, ndzi langutele Doroba lero, hambi swi ri tano, madyambu lawa. [Makwerhu Branham a sungula ku hama *A Ku Na Ku Nyumisiwa*—Muhleri.]

Kutani ku kwetsima ka rona ndzi ta ku vona  
loko ndzi fika Kwalahaya;  
Wu tava ntsako wa njhani loko ndzi vona  
Muponisi wa mina,  
Eka Doroba lero ra nsuku!  
  
Oho, xinkankanka xi tava lexo rhula, hlolwa  
ri tava leri ri lerhisiweke;  
Kutani nghala yi ta etlela ekusuhi na  
xinyimpfana, oho, ina;  
Na xivandzana ku suka . . . xi ta byisiwa hi  
n'wana;  
Kutani mina ndzi ta ncinciwa, ndzi ncinciwa  
kusuka eka xivumbeko lexi ndzi nga eka  
xona, oho, ina.  
Oho, kutava na ku rhula ka mina enkoveni  
siku rin'wana;

Oho, kutava na ku rhula ka mina enkoveni.  
(A hi swona! Ina!)

A ku nge hevi ni maxangu, ku nga havi na  
vusiwana, ku nga havi na makhombo lawa  
ndzi nga ya vonaka;

Kutani ku tava na kurhula ka mina enkoveni.

<sup>520</sup> Hosi ya hina leyi nga vonakiki, mixo lowu, yi ta  
vonakarisiwa. Nakona a ndzi nga languti eka Bill Dauch  
eka makume nkaye wa malembe hi vukhale. A mi nge ndzi  
languti tani hiloko ndzi ri na makume ntlhanu. Kambe ndzi ta  
ncinciwa, hi Siku lero.

Kutani loko xivandzani enhoveni, xi ta  
byisiwa hi n'wana;

Kambe ndzi ta ncinciwa, ndzi ncinciwa eka  
xivumbeko lexi ndzi nga eka xona.

<sup>521</sup> A mi nge tsaki xana? Misisi ya timpfi yi tava yi sukile;  
makatla lama yo vuyelelana. Kambe ku saseka, nkala-  
makumu, ku ta yima eka ku fana na Yena, dyambu ri nga ha  
voningi. Oho, ku saseka!

. . . eka mina, O Hosi, ndza khongela;

A ku nge hevi na vusiwana, ku nga havi na  
maxangu, ya nga havi kona makhombo  
lawa ndzi ya vonaka;

Kutani lahaya ku tava niku rhula ka mina  
enkoveni.

<sup>522</sup> Sweswo hi leswi hi nga tela swona. I va ngani va n'wina  
va lavaka ntamu wa rendzo xana? Xikwembu a xi hi nyike  
wona! I va ngani va n'wina lava va vabyaka emirini, masocha  
lawa ya nga vaviseka? Khume mbirhi, kumbe ku tlula. Ma  
pfumela leswaku U kona lahayani, Hosi leyi nga vonakiki  
xana? Swilo leswi swivonakaka; leswi nga voniwiki swi  
endliwa swikombisiwa hi leswi swi vonakaka. Wa hari Yena  
tolo, namuntlha, ni hilaha ku nga heriki, ntsena miri lowu wu  
twaka kuvava. Sweswi, loko lowu wu ri Moya wa Yena lowu  
wu chumayelaka ha mina, U ta endla mintirho leyi Yena a nga  
yi endla loko a ha ri lahayani. Oho, swi saseke njhani!

Ndzi mubohiwa wa tiko ra xitshembhiso,

Ndzi mubohiwa wa tiko ra xitshembhiso;

Oh, i mani loyi a nga tata a famba na mina  
xana?

Ndzi mubohiwa wa tiko ra xitshembhiso.

Hinkwako ku anama ka tindhawu leti ti  
engeteriweke ta rivala

Ku ta vangama Siku rin'we leri nga Heriki;  
Kwalahaya Xikwembu N'wana u ta fuma  
hilaha ku nga heriki,

Kutani a hangalasa vusiku byi famba.

Oho, ndzi mubohiwa wa tiko ra xitsembhiso,  
 Ndzi mubohiwa wa tiko ra xitsembhiso;  
 Oho, i mani loyi a nga tata a famba na mina  
 xana?  
 Ndzi mubohiwa wa tiko ra xitsembhiso.

<sup>523</sup> Ntlhanu wa madzana ya famba enambyeni lowu nga lahaya, hi siku ro sungula Ntsumi ya Hosi yi humelerile yi vonakala, ku ta tiyisisa, ku kotisa hilaha Yena a swi endleke eNtshaveni ya Sinai, laha ndzi nga hlangana na Yena. Ndzi yile enambyeni, kutani madzana ya ri eku yimbeleleni ka risimu lero ra nkhuvulo. Hi loyi A taka, a xika, rona Langavi lero ra Ndzilo leri mi ri vonaka exifaniswenu lahaya; ri xikela ehansi, kona lahawani enambyeni, ri ku, "Tani hi Yohana Mukhuvuri loyi a nga rhumiwa ku ta lulamisa ku ta ro sungula ka Yena, Hungu leri ri ta lulamisela ku Vuya ra vumbirhi." Wa vona? Kwalaho mi nga kona, wa vona.

Oho, i mani loyi a nga tata a famba na mina  
 xana?  
 Ndzi mubohiwa wa tiko ra xitsembhiso.

<sup>524</sup> Langavi reriya ra Ndzilo ri kona kwalahawani na hina. A mi switiva xana? U hi endlile van'wana va hina nchumu wun'we, ni wun'wana eka van'wana. Loko mi ta swikota, handle ko kanakana, pfumelani leswaku U le xikarhi ka muako, ndza pfumela leswaku U ta ti khorwisisa hi Yexe eka n'wina. Xana swi ta mi enerisa xana? Loko ndzi nga fikeeli eka un'wana na un'wana... Yi ya eka awara ya mbirhi, kambe loko mi... Swintsongo endzhaku ka un'wana, kumbexani. Loko hi leswaku mi ta pfumela, a hi N'wi pfumeleleni a xikela ehenhleni ka hina sweswi! Ri kwihri ripfumelo ra hina xana? Wa vona, mi fanele ku swi pfumela sweswo. Loko mi nga swi kanakani, na swi ntsongo, swi ta tirha.

<sup>525</sup> Ndzi—ndzi lemuka Vukona bya Matimba bya Xivumbiwa xa Kreste, Loyer a nga Rito. Nakona Bibele yi teri, "Rito ri... na matimba ku tlula tlharhi leri ri nga na vukarhi hi matlhelo mambirhi, nakona Ra tlhava ri avanyisa mongo na rhambu, kambe hi rona leri ri avanyisaka mianakanyo ni makungu ya—ya timbilu, ri paluxa swihundla swa timbilu."

<sup>526</sup> Langutani. Hikokwalaho ka yini, a ndzi swi tivanga swilo leswi, malembe lawa ya nga hundza. Kutani loko ndzi swivula, a ndzi nga ri ku swi tiveni, langutani leswi A swi endleke. U teri, "Sweswi u ta khoma vanhu hi mavoko ya vona, nakona, u nga ehlaketi nchumu, ntsena vula leswi xibye xi ku byelaka swona. Vula leswaku i xi pfimbo, hambi ku ngava yini." Kutani a ku, "Swi ta fika laha u nga ta ka u nga ha swi endli sweswo." Wa vona? Wa vona? "Wu ta xikisa hinkwaswo leswi swi nga eka vona." Hi vile ni muxaka hinkawo wa vaencenyeti, ha switiva sweswo, hakanyingi ku ta hambukisa Vahlawuriwa

loko swi nga koteka. Langutani hilaha hinkwaswo ka swona swi fambaka na Rito ha kona, kutani mi ta switiva loko swi ri kahle kumbe swi hoxekile. Kambe, hambi swi ri tano, Yesu u tshama a hari wa tolo, namunlha, ni hilaha ku nga heriki.

<sup>527</sup> I va ngani lava va nga lahwani va vabyaka, nakona va switivaka leswaku a ndzi va tivi? Yimisani mavoko ya n'wina, mi ku, "Ndza—ndza ku tiva kambe a wu ndzi tivi." Oho, kova ntsena, ndza pfumela, hinkwako. Nchumu wun'we ntsena lowu mi fanelaka ku wu endla i ku pfumela.

Pfumela ntsena, pfumela ntsena,  
Hinkwaswo swa koteka, pfumela ntsena;  
Pfumela ntsena, pfumela ntsena,  
Hinkwaswo swa koteka, pfumela ntsena.

<sup>528</sup> Yesu u teri, "Tani hilaha a swi ri emasikwini ya Sodoma, swi tava tano loko N'wana wa munhu a ta hlavuteriwa ehenhlemi ka misava hi siku ro hetelela. Loko N'wana wa munhu a ta paluxiwa, kumbe, a ti paluxa yena hi Yexe hi siku ro hetelela." Sweswi, ku ngari masiku lawa ya nga hundza, masiku yale xikarhi; siku ro hetelela, wa vona, U ta paluxiwa. Kutani sweswi hile masikwini yo hetelela. Sodoma u tshamisekile xi sweswiya, hinkwaswo, varhumiwa, ntsena swa fanana.

<sup>529</sup> Xana ku humeleta yini eka—eka masalelwa mantsongo lawa ya nga vitanwa na ntlawa wa Abraham? Kuna Un'we loyi a nga ta exikarhini ka vona, hi xivumbeko xa nyama; u ti kombisile enyameni ya ximunhu, a dya na vona, a nwa na vona, swakudya sweswiya va nga swidya, hinkwaswo. U yimile exikarhini ka vona, a va byela Hungu. Hiloko A ku, "Ndzi ya endla nchumu lowukulu."

<sup>530</sup> Kutani Abraham a tshamela ro dyondza, "Xana leswi a hi swona? A ndzi langutele Doroba. Xana leyи hi yona Hosi?"

<sup>531</sup> Hiloko A ku, "Hikokwalaho ka yini Sarah a swikanakana leswi xana?" Etendeni, endzhaku ka Yena.

<sup>532</sup> Abraham u teri, "Hosi Xikwembu, Elohim!" Hikuva, U avanyisile mianakanyo ya Sarah.

<sup>533</sup> Yesu u teri swi ta vuyeleta nakambe loko Yena a ta ti paluxa hi siku ro hetelela, Nhloko ya ribye yi ta eka Miri. Ku ta kutsula... Va lava hi lava va nga kutsuriwa, ku ta a ta teka lava va nga va Yena N'winyi. U na hina lahwani.

<sup>534</sup> Sweswi, kuma ntsena kwalomu ka khume mbirhi wa mavoko, kumbe ku tlula, ya nga ya ehenhla. Ndzi pfumela leswaku Xikwembu xi ta hanyisa un'wana na un'wana wa n'wina. Hi swona. Ndzi pfumela leswaku mi tano. A ndzi pfumeli leswaku hakunene munhu a nga tshama endhawini endzeni ku kotisa leswi a nga... eka muxaka lowu wa nkarhi, nale ka moyo wa ndhawu ya leyи, a nga tivi nchumu, ku lemuka swin'wana.

<sup>535</sup> Ndzi mi lava leswaku mi khongela. Ndzi mi lava leswaku mi kuma leswi nga hoxeka hi n'wina, e—e—etimbilwini ta n'wina,

wa vona, kutani sungulani ku khongela, mi ku, "Hosi Yesu, swi paluxi leswi. Ndzi—ndzi le ku vulavuleni na Wena hi leswi swi nga hoxeka ha mina. Kutani sweswi U rhumela Moya wa Wena lowo Kwetsima eka Makwerhu Branham, ku hetisisa leswi a nga swivula leswaku i Ntiyiso, eka Hungu leri a vulavula hi rona namunthla ha Wena, ndza switiva leswaku ku tava Ntiyiso. Sweswi, ndzi paluxeli swona, Hosi. Vulavula na mina."

<sup>536</sup> Sweswi swi hangalakile, maendlelo ya lahawani ni hinkwako. Swingaleswi ntsena khongelani, nakona pfumelani ntsena hi timbilu ta n'wina hinkwato, Xikwembu xexo xi ta swi nyika.

<sup>537</sup> Sweswi ndzi mi lava leswaku mi ndzi langutisa, mi khongela. Ntsena tani hilaha Petro na Yohana va nge teri, "Hi languti." A lava swin'wana, nakona ntsena a ri ekusuhi ni ku swi kuma. Nakona loko mi lava swin'wana, nakona ndza pfumela leswaku mi le kusuhi ni ku swikuma. U teri, "Hi languti."

<sup>538</sup> U teri, "Nsuku na silvere, ni hava; kambe leswi ndzi nga na swona, ndzi ta ku nyika swona."

<sup>539</sup> Sweswi, ku hanyisiwa, a ndzi na nchumu. Sweswo hi swona hinkwaswo leswi nga eka Kreste. Kambe leswi ndzi nga na swona, nyiko ya Xikwembu, ndzi ku nyika yona, ripfumelo ra ku N'wi pfumela. Sweswi, hi Vito ra Yesu Kreste, un'wana na un'wana wa n'wina a hanyisiwi. Swi pfumeleni. Wa vona? "Loko ntsena mi nga pfumela!"

<sup>540</sup> Manana loyi a nga tshama lahaya, a nga ndzi languta. A ri eku rileni, timinetse ti ntsongo leti ti hundzeke, a ri karhi a khongela. U na xindzin'wana lexi xi n'wi karhataka. A ndzi ku tivi. A hi tivani. Walowo i ntiyiso, a hi swona. [Sesi a ku, "Hi swona."—Muhleri.] A wu humi kona lahawani. U huma eChicago. Manana Alexander. Loko sweswo swi ri ntiyiso, yimisa voko ra wena. Sweswi tlhelela eChicago u horile.

<sup>541</sup> Xana u khumbhe yini? Swa fana ni Leswi wansati ya loye a ri na switlhandla a swi khumbheke, makumu ya nguvu ya Yena, ku ngari ya mina.

<sup>542</sup> Hi loyi manana lontsongo a tshameke ehansi exikarhi ka tshungu, loko ndzi nga kota ku n'wi endla leswaku a ndzi twisisa. Wena loyi u halahalaka. A ndzi ku tivi. A hi tivani, kambe u karhatiwa hi xilumi. Nuna wa wena u tshamile ekusuhi na wena. U na swin'wana leswi swi nga hoxeka hi ndleve ya yena. Vito ra wena i Czap. A hi tivani. A mi humi kona lahawani. Mi huma eMichigan. Loko sweswo swi ri ntiyiso, yimisani mavoko ya n'wina. Tlhelelani eMichigan, mi horile. Ripfumelo ra n'wina ri mi hanyisile. "Loko mi pfumela, hinkwaswo swa koteke."

<sup>543</sup> Manana lontsongo loyi a karhatiwaka hi nkolo, loyi a nga tshama lahawani endzhaku emakumu, u humaka eGeorgia, a nga ambala swo basa. Tlhelela endzhaku, ehansi eGeorgia, u hanyile. Yesu Kreste a ku hanyisi. Wa swi pfumela xana?

<sup>544</sup> Manana loyi a nga tshama lahaya, a ndzi languteke, emakun'wini ka xitulu. U karhatiwa hi sinasi. Loko a swi pfumela, Xikwembu xi ta n'wi hanyisa. Manana Brown, pfumela hi mbilu ya wena hinkwayo, Yesu Kreste u ta swi endla... A hi tivani, kambe Yena wa ku tiva. A haa. Wa swipfumela xana? Yimisa voko ra wena. Hi swona.

<sup>545</sup> Loyi a nga pavalala lahawani esangwini. N'wi byeleni a languta haleno. U le ku hluphekeni, ku ya emahlweni. Loko ndzi nga n'wi hanyisa, ndzi ta swi endla, nkulukumba. A ndzi hanyisi. Wansati loyi a nga humi kona lahawani; u ta hi ti ndlela. U huma eMissouri. Leswi swi ku karhataka swile ndzeni. Kambe loko u nga pfumela hi mbilu ya wena hinkwayo, nakona u nga kanakani, Yesu Kreste a nga ku hanyisa; nakona u nga ha tlhelela endzhaku eMissouri, u hanyile, u tlhela u nyika vumbhoni. Wa pfumela xana? Kutani ku amukeli, kutani teka sangu ra wena u ya ekaya. Yesu Kreste u ku hanyisile.

<sup>546</sup> Ma pfumela xana? Kwalaho i ku ti tivisa ka Vukona bya Hosi leyi nga riki na Makumu. Ma swi pfumela sweswi, hi timbilu ta n'wina hinkwato xana? Sweswi, ntsena U endlile rhingi, ku rhendzeleka hi muako. Ma swi pfumela hi timbilu ta n'wina hinkwato xana? Ma pfumela leswaku mi le Vukoneni bya Yena xana?

<sup>547</sup> Sweswi, mapfumela ni ku amukela leswaku mi van'wana wa lava va nga hlawuriwa eka Mfumo lowu? Yimisani mavoko ya n'wina. Yesu u teri, "Masingita lawa ya ta endliya hi vona lava va pfumelaka. Loko va tlhandleka mavoko eka lava va vabyaka, va ta hola." Hi van'we; mi xiphemu xa mina, ni xiphemu xa n'wina; hinkwerhu hi xiphemu xa Kreste. Sweswi, hi ri kun'we, a hi tlhandlekananeni mavoko eka un'wana.

<sup>548</sup> Kona kwalahawani, wansati loyi a nga esangwini u pfukile, u le ku famba-fambeni, u tlhelela ekaya a horile. Amen.

<sup>549</sup> Mi, un'wana na un'wana, u hanyisiwile, loko mi swi pfumela. Sweswi tlhandlekanani mavoko, nakona mi xiphemu xa leswi xa Kreste. U khongelela munhu loyi u nga n'wi tlhandleka mavoko, ntsena hi ndlela leyi mi yi lavisaka xiswona.

<sup>550</sup> Hosi Yesu, ha ku lemuka leswaku U kona lahawani. U Hosi ya hina; U tikombisile wena hi Wexe exikarhini ka hina. Ha Ku khensa hikwalaho ka Vukona lebyi. Kutani, Hosi, U teri, "Loko hi nga ku eka ntshava leyi, 'Suka,' hi nga swikana-kani; hi pfumela leswi hi nga swivula leswaku swi ta humelela, u nga hava na swona, u nga hava ni leswi u nga swivula."

<sup>551</sup> Swingaleswi, hi ku yingisela nawu lowu, hi ku yingisela Rito ra Xikwembu leri ri nga takarhi ka hina. Ha varhumwa va Wena kusuka eka khume ntlhanu wa madzana ya timayili hi matlhelo ya mune, ku kotisa Doroba, hi ri eka Sathana, javulosi loyi a nga hluriwa, "Makumu ya wena i ku hisiwa. Hi va rhumiwa lava humaka eka Doroba ra matlhelo ya mune

yo ringanana, Doroba laha Xinyimpfana xi nga ku Vonakala. Hi ti vitana xibye xa Xikwembu xa Matimba hinkwawo, lexi kutsuriweke hi Yesu Kreste hi tintswalo ta Xona.”

<sup>552</sup> Sathana, huma, u tshika munhu un’wana na un’wana loyi a va byaka loyi a nga lahawani, hi Vito ra Yesu Kreste. Mavoko lawa ya kwetsimaka lawa ya nga kutsuriwa, hikuva va pfumela Rito ni swibye swa mianakanyo ya Xikwembu, sweswi mavoko ya vona yale henhleni ka van’wana. U ngaka u nga va khomeleti nkarhi wo leha. Huma, hi Vito ra Yesu Kreste!

<sup>553</sup> Sweswi, hi Vito ra Hosi Yesu, sweswi, U kwalahawani. Rito ra Yena ri vula leswaku U kwalahawani. Vukona bya n’wina na ripfumelo ra n’wina ra vulavula, ra, leswaku mi un’wana wa va rhumiwa. Hambi kuri ku pima hi mpimo wa xijogirafi lowu hi nga wu kombisaka, wu tano. Xana ma swi lemuka leswaku mi vana va xinuna ni vana va xisati lava kutsuriweke va Xikwembu xana? Ma ku lemuka *lahawani* leswaku i Kaya ra n’wina? *Lahawani* hilaha mi yaka kona.

<sup>554</sup> Hi xona xivangelo xa kuva mi ta lahawani, hi xona xivangelo xa kuva mi ta eka Kreste, mi phameriwa hi Rito ra Yena. Kutani loko mi ngava na nkarhi wo kotisa lowu, lahawani, ntsena hi swibye swa Yena leswi a swi hlamuseleke, xana swi tava njhani loko hi ta eVukoneni bya Yena xana? Oho, swi tava swi sasekile! Un’wana na un’wana wa n’wina u na nfanelo yo horisa muvabyi, tlhandlekani mavoko ehenhleni ka muvabyi. Un’wana na un’wana wa n’wina u na nfanelo yo khuvula.

<sup>555</sup> Loko un’wana a ri kona loyi a nga khuvuriwangiki hi Vito ra Yesu Kreste, xidziva xi pfulekile.

<sup>556</sup> Ya leyo hi yona ndlela yi ri yoxe mi nga ta yi endla, a haa, hi swona, i ku amukela Rito rin’wana na rin’wana. Tsundzukani, xiphemu xin’we xa Rito, emasunguleni, xivangile vudyoho hinkwabyo emisaveni. Yesu u teri, “Loyi a nga ta hunguta Rito rin’we eka Leri, kumbe ku engetela rito rin’we eka Rona, a nge ngheni.” Vito ra yena ra susiwa eBukwini, ntsena tani hiloko a swi endla.

<sup>557</sup> Nakona ku hava ndhawu eBibeleni laha un’wana a nga tshama a khuvuriwa, eKerekeni, hi swin’wana handleni ka Vito ra Yesu Kreste. Loko u nga khuvuriwanga hi ndlela ya leyo, swa antswa u swi endla.

<sup>558</sup> “Oho,” mi ri, “a swi kali swi hambana.” Swi endlekile eka Evha.

<sup>559</sup> Sathana u teri, “Oho, hakunene, Xikwembu, wa switiva Xikwembu . . .” Kambe, Xi swi endlile. Xi vule tano.

<sup>560</sup> U nyikile Petro swilotlela swa Mfumo, ni leswi swi nga bohiwa ePentekosta swi boheriwe makumu. Hi xona xivangelo xa kuva Mutekiwa ata a ta kombisiwa, ra vumbirhi; ku fanele kuva na Kereke ley i nga ta vitaniwa hi siku ro hetelela, ku fanele

hilaha a swi ri hakona eka siku ro sungula, ntsena ku fanana. Nsinya wu tile wu huma etimintswini ta wona, ku ya fika eka Nsinya wa Mutekiwa, tani hilaha swi endlekeleke hi nkarhi wa lowo; i ku lawula ka Xikwembu nakambe, tani hilaha ndzi vuleke eka Tisonto timbirhi leti nga hundza, ku yisiwa eDorobeni.

Xikwembu a xi mi katekisi. "Sweswi ndza pfumela."

<sup>561</sup> Sathana u hluriwile. Wa switiva. U kona emisaveni, u famba tani hi nghala leyi yi dumadumaka. A swi nga teki nkarhi ku kondza a, oho, u herile. Wa wu tiva nkarhi wa yena. U famba tani hi nghala leyi yi dumadumaka.

<sup>562</sup> Kambe, tsundzukani, Hosi ya ku Rhula yi yimile kwala; Yena lowa Matimba lama Kulu. Mupfapfarhuti wa ku vumbiwa ka mina, Mupfapfarhuti Loyi a ndzi akeke leswi ndzi nga xiswona, Loyi a mi akiseke leswi mi nga xiswona, u kwalahawani. Loko Mupfapfarhuti, Loyi a tivaka leswaku muako wu vekisiwa ku yini swin'we, eka ndhawu ya wona, ku na loyi a tivaka ku antswa ku tlula Mupfapfarhuti xana? Kutani U kwalahawani ku ta ti khorwisa, yena hi Yexe, U lahawani.

<sup>563</sup> Sweswi swi kongomisiwile eka ripfumelo ra n'wina. Pfumela, Pfumela ntsena!

Ndzi mubohiwa wa Doroba lero ro saseka  
 Hosi yi lulamisele lava va nga va Yona  
 N'winyi;  
 Laha hinkwavo Vakutsuriwa va tinguva  
 hinkwato  
 Va nga ta yimbelela "Wa kwetsima!" va  
 rhendzeleka hi Xiluvelo xo Basa.  
 Nkarhi wun'wana ndzi kula ndzi ri karhi  
 ndzi navela ekaya eTilweni, (loko  
 hinkwaswo leswi swi herile),  
 Kutani ku kwetsima ka rona ndzi ta ku vona  
 Kwalahaya;  
 Wu tava ntsako wa njhani loko ndzi vona  
 Muponisi wa mina,  
 Eka Doroba lero ra nsuku!

<sup>564</sup> Tsundzukani, ekerekene, madyambu lawa, va tava va nyika xilalelo. Loko mi ri edorobeni leri, hambi swi ri tano, mi tsakela ku ta, hi ta tsakela kuva na n'wina. I xi tsundzuxo lexi hi ya ka eku xidyeni, rin'wana ra masiku lawa, hi tava na Yena.

<sup>565</sup> Ndza mi rhandza. A ndzi switivi leswaku ndzi nga swivula njhani. Ndzi ehleketa leswaku mi munyu wa misava. Nakona ndza ma twa matikhomelo ya n'wina ehandle emisaveni, kutani sweswo swi ndzi endla leswaku ndzi mi tshembha ngopfu.

<sup>566</sup> Kambe, ehleketa tani, xintlawani lexi xi tava kona, lexi rhandzekaka tani hilaha hi nga xiswona, xi ta fayeka, rin'wana ra masiku lawa. Hi ta lorha ha leswi. Kambe loko un'wana wa hina swi nga humeleta a hundza hi nga se hlangana nakambe, hi ta . . .

Ndzi ta hlangana na wena emixweni, ethlhelō  
 ka nambu lowu wu hatimaka,  
 Loko mahlomulo hinkwawo ya kumbiwile ya  
 famba;  
 Ndzi ta yima ethlhelō ka rivanti, loko  
 minyangwa yi pfuriwile,  
 Eku pfalekeni ka ku leha ka vutomi, siku leri  
 ri vilerisaka.  
 Ndzi ta hlangana na wena emixweni, ethlhelō  
 ka nambu lowu wu hatimaka,  
 Ndzi toloverile...?...êtlhelō ka nambu,  
 nakona, na ku vutleriwa, ku pfuxetiwa ka  
 khale loku ku nga toloveleka; (ndzi ta mi  
 vona kwalaho, ndzi mi tiva.)  
 Mi ta ndzi tiva emixweni, hi n'wayitelo lowu  
 ndzi nga wu ambala,  
 Ndzi ta hlangana na wena emixweni,  
 eDorobeni, Doroba leri nga endliwa hi  
 matlhelo ya mune yo ringanana.

<sup>567</sup> Ma swi rhandza xana? “Ku kondza hi hlangana!” Sweswi a  
 hi yimeni. *Tekani Vito Ra Yesu Mi Va Na Rona*, hi nyike khodo.

<sup>568</sup> Ma N’wi rhandza xana? [Nhlengeletano yi ku,  
 “Amen.”—Muhleri.] Xana A nga kahle xana? [“Amen.”]  
 Mapfumela leswaku swi Ntiyiso leswi? [“Amen.”] Mi kongome  
 yona ndlela ya leyo, hi tintswalo ta Xikwembu? [“Amen.”] Ku  
 kondza hi fika lahaya:

Tekani Vito ra Yesu mi va na rona,  
 Tani hi xitlhangu eka swirimbana  
 hinkwaswo;  
 Kutani loko miringu yi hlengeletana eka  
 n’wina,  
 Ntsena hefemulani Vito lero ro kwetsima hi  
 xikhongelo.

Sweswo hi swona leswi mi faneleke ku swi endla, ku  
 kondza hi mi vona nakambe. Hi swona.

Tekani Vito ra Yesu mi va na rona,  
 N’wana wa mahlomulo ni...

[Van’wana va ri, “Madyambu lawa?”—Muhluri.] Ee.

Mi ta nyikiwa ntsako ni ku chavezeleka,  
 Fambani na swona hinkwako laha mi yaka kona.  
 Vito ro hlawuleka, O ri nandzika njhani!  
 Ku tshembhela misava na ntsako wa Tilo;  
 Vito ro hlawuleka, O ri nandzika njhani!  
 Ku tshembhela misava na ntsako wa Tilo.

<sup>569</sup> Sweswi, ndzi fanele ku tlula Hungu ra mina. Siku rin’wana,  
 hi ku rhandza ka Hosi, ndzi ta tlhela ndzi vuya ndzi ta teka  
 “switarata-nkulu” leswi ndzi swi tlakula, wa vona, laha hi

nga tava na nkarhi wo tala. A mi ri ku huweleleni hi swona mi nga tshami nkarhi wo leha. Hi na kona, namuntlha. Ka hisa. Kambe, sweswi, Xikwembu a xi mi katekisi. Ndzi rhandza ku yimbelela kwaloko.

<sup>570</sup> Makhelwani lahwani, u teri, madyambu ya n'wana loko a ta tima xipikara xale handle, a ku, "Ndzi tiphinile ngopfu hi Hungu, kambe hikokwalaho ka yini u timile ku yimbelela kwaloko ka kahle, wa vona, ehandle?" Swingaleswi, makhelweni, loko u ri eku yingiseleni emixweni lowu, ndzi ehleketa leswaku hi na vamakhelwani vo antswa lahaya eJeffersonville. Hi paka timovha ta hina emahlweni ka tiyindlu ta vona na swin'wana; a va vuli nchumu ha swona; ntsena ho ya emahlweni. Swingaleswi, ha va khensa sweswi.

<sup>571</sup> Oho, U kahle njhani! Xikwembu a xive na n'wina sweswi.

... Vito, O ri na ndzika njhani!  
Ku tshembhela misava na ntsako wa Tilo.  
Ku kondza hi hlangana . . .

<sup>572</sup> A hi korhamiseni tinhloko ta hina. Mufundhisi u ta hi ntshuxa, ntsena hi xinkadyana. Xikwembu a xive na n'wina!

... hi hlangana eminkondzweni ya Yesu, (eka  
Doroba lerikulu, eXiluvelweni),  
Ku kondza hi hlangana! ku kondza hi  
hlangana!  
Xikwembu a xive na n'wina ku kondza hi  
hlangana.



*VUMUNDZUKU BYA KAYA RA MUTEKI WALE  
TILWENI NI MUTEKIWA WALE MISAVENI TSO64-0802*  
(The Future Home Of The Heavenly Bridegroom And The Earthly Bride)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo Mhawuri 2, 1964, eBranham Tabernakale eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2013 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
P.O. Box 178, SOMERSET WEST, 7129 CAPE PROVINCE,  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)